

6

38-E

43



T 207

C. S.

S. Q.

O. Y.

N. Y.

~~6-98-11-11~~

JOSEPHI ANTONII
PINTII
DE
NUMMIS
RAVENNATIBUS
DISSERTATIO SINGULARIS.



Andr. Bologni f.



VENETIIS, MDCCL.

Typis Jo: BAPTISTE PASQUALI
SUPERIORUM PERMISSU, AC PRIVILEGIO.

THE UNITED STATES OF AMERICA

DEPARTMENT OF JUSTICE

20

OFFICE OF THE ATTORNEY GENERAL

WASHINGTON, D. C.

1914



Eminentissimo, & Reverendiss. Principi
JACOBO CARDINALI ODDO
 ÆMILIÆ A LATERE LEGATO.



JOS. ANTONIUS PINTIUS F.



SI quid unquam divinitus mortalium generi datum est, quod ipsi & cupidius intueantur, & amplectantur libentius, nemini dubium esse debet, PRINCEPS EMINENTISSIME, quin eæ sint Litteræ, ac reliquæ Disciplinæ, a quibus quantum boni Civitatibus, ac nationibus singulis dimanare soleat, ii fatebuntur omnes, quos non fugiat cum publicam, tum privatam populorum felicitatem non aliunde, quam a Sapientia proficisci. Optime igitur de Republica mereri ii dicendi sunt, qui non Litteras modo, Scientiasque calamitosæ hinc temporibus in Italia prostratas, ac pœne jacentes erigunt, sed ipsos literatos viros qua humanitate, qua opibus, qua ceteris præsiidiis fovent, adjuvantque: quod nisi Majorum nostrorum memoria factum esset, nunquam certe cultiores Europæ gentes ad tantum gloriæ saltigium pervenil-

venissent. Vides me laudes tuas inde repetere, unde nil detrimenti capere queat moderatio tua : quum enim a puero animum ad studia retuleris, Litterasque incredibili amore prosequaris, omni cogitatione curaque in id incumbis, ut ceteris quoque in deliciis sint, atque colantur. Testes heic producere possem doctos quosque Viros, quos una cum *Nicolao Fratris Filio*, Præsule amplissimo, humaniter excipis, quique nusquam, in quo Scientiarum delicias panderent, quam in Ædibus tuis locum invenire; meque imprimis, qui ubi vulgandæ hujus Dissertationis voluntatem Tibi meam patefeci, quæ comitas tua est, non modo consilium meum adprobasti, verum etiam, non sine aliqua tamen modestiæ tuæ contentione, ut Tibi inscriberetur annuisti. Neque quis putet, quando locus exigere id videretur, eam nunc mihi mentem injici, ut de Generis tui Nobilitate, quod & rerum gestarum magnitudine, & Heroum, quos genuit, gloria & originis vetustate longe est florentissimum, heic differendum censeam: quum enim prudenter eas commendationes respicias, quæ ab animi tui dotibus haud proficiuntur, libentissime ab iis recensendis temperabo: id unum addens, tantum splendoris Domui tuæ a te ipso derivari, ut præritorum temporum decora sin minus contemnere, at certe non unice respicere debeas, quum per te exemplum maximum, atque præclarum pietatis in Deum, amoris in proximos, magnanimitatis, justitiæ, humanitatis, non nobis modo, qui tot tantasque virtutes tuas propriis, ut ita dicam, oculis usurpamus, verum posteritati ipsi relinquo, quæ una nobiscum fatebitur, *Jacobum Oddum* post tot Præfecturas, ac Legationes, quas sapientissime gessit, jure ac merito a *Benedicto XIII.* P. M. in Sacrum Cardinalium Collegium fuisse cooptatum. Atque utinam Te diu Superi servant incolumem; speramus enim fore, ut ad majora, teque omnino digna contendas. Interim tu, EMINENTISSIME PRINCERS, quem Patronum, Fautoremque meum nunquam non prædicabo, munusculum hoc qualecumque æquo animo excipies, illud reputans, in ejusmodi rebus non excellentiam tantum, sed obsequium etiam, voluntatemque esse laudandam, quæ mea quanta in te sit, nunquam profecto fiet, ut oratione complecti possim.

PRÆ-



P R Æ F A T I O

AD LECTOREM.

HABES, amice Lector, Dissertationem de Nummis Ravennatibus, quam non ut gloriam mihi ullam ex tenui hac Lucubratiuncula comparem, sed ut aliquam amoris in Patriam mei significationem proferam, in vulgus edendam censeo. Quum enim de Nummariz Officinæ institutione inter Ravennates non satis constaret, deque ea brevissime tantum superioribus annis egerit ad Litterarum incrementum natus Ludovicus Antonius Muratorius, qui innumera pæne ad locupletandam Historiam jecit semina eruditionis; pergratum me antiquitatis studiosis facturum sum arbitratus, si quæ apud auctores seorsum invenirentur collegissem, atque criticis animadversionibus sive confirmassem, sive refellissem, ea addendo, quæ sedulo labore, ac non mediocri adhibita diligentia e verustatis ruderibus, ut ita dicam, effodi potuerunt. Quid autem in ea commentatus sim, breviter indicabo. Dissertationem universam in sex partes, sive capita divido; in quarum priore de Nummis iis agitur, qui Honorio, ceterisque Imperatoribus occiduas res administrantibus cusi sunt: per id enim tempus Ravennam hac prærogativa donatam fuisse communiter nunc censent eruditi: quamvis id, ut late patebit, ad remotiora fortassis initia sit amandandum. In secundo de eo Nummorum genere sermonem instituo, qui sub barbaris Regibus percussi sunt; ad quos ii mihi certe videntur referendi, qui in anteriori parte mulieris corona murali redimitæ caput exhibent hac epigraphe FELIX RAVENNA; etenim haud desunt momenta, ob quæ Gothis Regibus potius, quam Exarchis tribuantur. Tertium caput Nummos eos complectitur, qui ad Exarchorum tempora dubio procul pertinent: acturus in quarto de reliquis, quos sive Ravennates Archiepiscopi, sive Commune Ravennæ, quemadmodum illius ævi diplomata, contractusque loquuntur, signavit. Posteriora duo tandem ita de variis mo-

netæ generibus differant, ut ne exteris quidem nummos in Urbem nostram receptos prætermittant; quod sibi præstandum quoque duxit Joannes Brunatius, quum *de Re Nummaria Patavinorum* erudite, ut solet, eleganterque tractaret. Id autem argumento minime officit, quum usus quodammodo eos Civitate donarit. Nonnulla monumenta vel nondum edita, vel quæ variam aliquam lectionem contineant, ex hoc Archiepiscopali Tabulario, ex aliis Archivis, atque Auctoribus describentur, quæ Historiæ huic nostræ lucis aliquid adferre poterunt. Tandem ad Dissertationis calcem ponendas curavi aliquot tabulas æneas, illos tantum nummos exprimentes, qui ab eruditis antea observati minime fuissent; quibus alios nonnullos jam vulgatos adjeci, ut singula capita clariora redderentur. Neque nos præniteat propositi nostri, quum, quos omisimus, nummos cernere percommode quisque possit apud Ducangium, Bandurium, ceterosque ejusmodi Monetarum editores. Fateor tamen in hac Dissertatione vulganda me non leviter commoveri: quod fortasse consilium cepissem numquam, ni præstantissimi aliquot viri per litteras ad id impulsissent; atque imprimis Ludovicus Antonius Muratorius nuper laudatus, Hercules Dandinus Comes, olim in Patavino Gymnasio Professor celeberrimus, quem superiori anno e vivis sublatum, immaturaque nobis morte præreptum deslevimus, ac Camillus Comes Zampierius Patricius Forocorneliensis, qui Hendecasyllabos aliquot vere Catullianos misit, quos tamquam pro coronide cum nostris nonnullis, ac Hieronymi Ferrii in Faventino Seminario Humaniorum Litterarum Professoris eximii publici juris faceremus tum ut rerum tractandarum asperitas poeticis lusibus recrearetur, tum ut festivissimi utriusque Vatis in latina quoque lingua nitorem atque peritiam, horumce Studiorum cultores suspicerent, ni ad ostentationem id pertinere alicui videri posset: etsi non sumus nescii male omnino sibi consulere, qui ex aliorum scriptis nominis celebritatem sibi ducunt comparandam. Nostamen, quantulicunque simus, semper ab hoc laudis aucupio abhorruimus. Sed antequam in arenam descendendo, monitum te volo ab eorum more me plurimum abhorrere, qui omnibus, quæ ad manus sunt, scripta sua

infer-

inferciunt, eorum nomina silentio prætereuntes, a quibus eadem mutuati sunt, quod certe non immerito ingenuis viris stomachum movet: quid enim turpius aut esse, aut excogitari potest, quam ex aliena suppellectile ditescere, tantoque ingrati animi vitio laborare? Id profecto erit in causa, cur aliquando ab itinere deflectam, eorum, qui opis aliquid in texenda Dissertatione attulerunt, mentionem facturus. Ast malo verbosus videri, quam ingratus, atque inurbanus. Tenes modo rationem consilii mei: quapropter tuum erit sin minus doctrinam atque ingenium, quod sentio quam sit exiguum, at voluntatem saltem meam in Literas, Patriamque probare: nam ut præclare inquit Tullius lib. I. de Orat. *quum omnia commoda a Patria accepta sint, nullum incommodum pro Patria grave putandum est.*



DE SCIENTIARUM ACADEMIIS
A NICOLAO ODDO

PRÆSULE AMPLISSIMO RAVENNÆ INSTITUTIS

ATQUE

A J A C O B O

PATRUO CARDINALI.

ÆMILIE LEGATO IN APOSTOLICAS ÆDES RECEPTIS

E L E G I A

AD VIRUM CLARISSIMUM APOSTOLUM ZENUM.

Vixerat haud molles ter denos Pintius annos,
Affectus nulla pectora tristitie;
Et modo sylvestris recubans sub tegmine pinus,
Cæsar (a) ubi ratibus semina constituit,
Lusit ad undisoni vacuus fera murmura ponti
Cbloris, & Irene carmina quæ legeres:
Et modo doctorum versans monumenta virorum,
Quæque, agitante Deo, fervida mens cecinit,
Impatiens circum cæcis obducta tenebris
Sensit, quæ superi clara vident oculis.
Felices animæ, quas non regio aspera dumis,
Dulce sed Elysium, & rura beata tenent.
Nos dum sectamur volitantia monstra per auras,
Atra, heu! nox vires obtegit ingenii.
Ast quid commemoro primævæ damna Parentis,
Poma ubi decerpis noxia ab arboribus,

Et

(a) Intellige heic Pinetum, sylvam Ravennatium clarissimam secus mare, construendis navibus forsasse Augusti temporibus satam, quod tamen exploratum minime est, quum non desint, qui eam longius deducant, aut naturæ ipsi tribuant. Vide quæ de L. Antidio Feroce Clasi. Rav. Præfecto, quem Pinetum Neptuno, Isidique sacrasse ajunt, circumferuntur.

Et dedit incauto furtim comedenda Marito,
 Unde mali terris exstitit omne genus;
 Si hoc etiam in tristi renovat nunc praelia corde,
 Miscet & effæto pectori amaritiem?
 Sive etenim incocto dapium stimulante cerebrum
 Impete, terrificis angar imaginibus;
 Seu cruor in nostris decurrens artubus, acrem
 Impellat bilem, sævaque monstra ferat;
 Atave spirituum vis ad caput, undique membra
 Deferat, immisso per gelida ossa metu;
 Jactor in indomito, meque inclementia morbi
 Sevocat a doctis improba virginibus:
 Et qua mæsta ciet gemitus philomela per umbras,
 Defluit & tacitis vitreus amnis aquis,
 Nunc spatior mærens, nunc tradens membra sopori,
 Anxia sollicito corda timore premor.
 Me frustra exanimem compellat voce (a) Voluptas,
 Ipsa luce mihi cavior, atque oculis,
 Si neque tantillum nostri lenire doloris,
 Nec potis est ullis flectere blanditiis.
 Tu mihi, tu solus misero solatia reddis,
 Atque erepta diu gaudia restituis,
 ODDE, parens charitum, Stirpis generosa Propago,
 Qua nil splendidius, nil & amabilius.
 Tu studia, e nostro ferme fugientia calo,
 Et blande revocas, & revocata foves:
 Et facis, ut PATRUUS (b), Romano nobilis ostro,
 Excipiat valido læta patrocinio.

Atia,

- (a) Intelligenda honesta animi relaxatio, ad eum leporem referenda, quem Græci Eutrapeliam vocant, de qua erudite, eleganterque disseruit Cl. Comes Hercules Dandinus in suo de Urbanis Officiis Libello, Dial. II. p. 21. & seq. Nos amici olim suavissimi, ac nobilissimi nomen heic prætermittere piaculum duximus. De eo autem alibi ita lusimus:

Sic magnus quondam incescit, nitidusque Gravina,
 Tuque, erepte tuo nuper Dandine Sodali,
 Quo gemit ammisso Conjux, ut compare turtur.

- (b) Vide Indicem Sociorum ab Archio elegantissimis formis expressum cura Savernii nostri, qui doctorum Virorum, si nos excipias, Elogia, hanc rem indicantia, collegit, atque Jacobo ipsi Oddo Cardinali amplissimo dicavit.

*Attria, facundis passim resonantia dictis,
 Testor, O auritas ad bona verba fores:
 Et te, sancta parens hominum Sapientia, vosque
 Calicola, O quotquot casta Minerva probat.
 Prisca etenim quales viderunt tempora Athenas
 Florere ingenuis artibus, O studiis:
 Aut te, Roma parens, toto spectabilis ævo,
 Spargere opes circum divitis eloquii:
 Sæcula sic nobis datur aurea cernere, quando
 His quoque lux fulsit candida litoribus.
 Verum pro tanto quis possit munere grates
 Reddere, O cessari Principis officium;
 Quum mea difficili mens languida torpeat æstro,
 Nec sinat heu dociles fundere versiculos?
 Tu modo, tu magnum vatum decus, EMARE, (a) dices,
 Saucia quæ curis mens, animusque nequit:
 Et PROCERUM natus celebrans ad grandia vires,
 Quos veteris sedes suspicit Imperii;
 Esse nihil cernes nostris felicius oris,
 Quas intacta colit Pallas, O alma Themis.*

(a) Hoc nomine inter Arcades donatur Zenus, quem merito doctissimus
 Paciaudius, de Ripæ Transonæ monumentis disserens, genuinæ Phi-
 logiæ parentem adpellavit.



SYNOPSIS RERUM,

Quæ in hac Dissertatione continentur.

CAPUT PRIMUM.

MENS Auctoris, rerumque divisio. Vide Præf.

Quid de Re Nummaria Ravennarum nostri Scriptores tradiderint. *pag. 1*

Quot in Occidente Honorii temporibus nummarie Officinæ extiterint, & quandam moneta Romanæ cudi desierit, ubi Muratorius defenditur adversus Auctores Ephemeridum Florentinarum. *2*

Differitur de Origine Officinæ nummarie apud Ravennates, ac literæ RVPS, quæ cernuntur in Honorii, ac Joannis tyranni nummis, explicantur. *4*

Cur Ravennatis monetæ Procurator desit in Notitia Imperii, ubi nonnulla ad eandem spectantia afferuntur. *6*

Dux Honorii monetæ, & altera Joannis exponitur. *7*

Quomodo cognoscendi sint nummi Occidentalium Imperatorum, qui Ravennæ federunt, laudatas literas RVPS haud præferentes. *9*

De literis COMOB &c. in nummorum exergo exprimi solitis, ubi de Constantinopolis adpellatione nonnulla pronunciantur. *10*

Quot modis Ravennæ nomen in lapidibus scalpi consueverit, ubi marmora nonnulla afferuntur, atque illustrantur, literæque RV, quæ ad latera figurarum in me-

dii Aevi nummis nonnunquam positæ fuerunt, explicantur. *12*
Difficultas ex Joviani nummo orta, numque ad hujusce Imperatoris tempora nummarie Officinæ origo apud Ravennates sit referenda. *16*

Explicantur reliqui Occidentalium Imperatorum nummi ulque ad Augustulum, paucis ex eorundem vita delibatis. *18. ad pag. 28*

CAPUT SECUNDUM.

Quandam Odoacer Italiam occupavit, numque nummos percussit. *29*

Quid dicendum de monetâ Theodoricæ, Romanæ officinæ nomen præferente, ubi nummos in Italia signasse cum sua effigie ex Cassiodorio evincitur. *ibid. ac seq.*

Quæ in pactum deducta fuerint, quum Italiæ Regnum Barbaris concessum est, ubi nonnulla de Francorum Regum monetâ recensentur. *32*

Num Theodoricus Græcis Imperatoribus semper obtemperavit, numque cum Regio nomine, ac potestate, regia quoque insignia sumserit. *ibid. ac seq.*

Pauca de rebus, moribusque ceterorum Regum, qui Theodorico succedere, disseruntur, atque eorundem monetæ exhibentur, atque illustrantur. *36. & seq.*

Agitur de nummis epigraphen RAVENNA FELIX præferentibus, *liq.*

XII

ique ad Gothos Reges referuntur. 42. & seq.

CAPUT TERTIUM.

DE Exarchorum adventu in Italiam sermo instituitur, quariturque num statim a Gothis exactis pecunia Ravennæ conflata fuerit, tresque Justiniani monetæ producuntur. 47. & seq.
De Justino juniore, ac Tiberio Constantino agitur, ubi ex quodam marmore occasione arripita, plura ad *Argentarios* spectantia colliguntur. 49
Mauricii nummi succedunt, cum quibus Phocæ monetæ conjunguntur. 50
Heraclii, Constantini Pogonati, ac Leonis Isaurici nummi exhibentur. 52. & seq.

CAPUT QUARTUM.

RES nummaria Antistitum Ravennatum pertractatur, ac Gregorii V. Diploma ad Gerbertum de pecunia conflanda recognitionem describitur, atque defenditur. 59. & seq.
Nonnulla alia sive Pontificum, sive Imperatorum Diplomata ad eandem rem pertinentia afferuntur. 65. & seq.
Philippi Antistitis charta profertur, qua signandæ monetæ jus ad Archiepiscopos tantum, non vero ad Commune Ravennæ spectare declaratur; alteraque Raynaldi charta publici juris fit, qua cuidam Maxio facultatem dat cudi Ravennas grossos, & parvos. 68. & seq.

Ravennates cum Anconitanis convenisse de moneta conflanda ostenditur, ac de posteriorum temporum pecunia nonnulla leviter innuuntur. 71

Series numismatum, ac monetarum Ravennatum Archiepiscoporum contextitur, atque historiæ ope explanatur. 72. & seq.
Epistola ad Amicum de origine vocis *Archiepiscopus*, de *Argentariis*, deque Officinæ nummarie situ, publici juris fit. 77. & seq.

CAPUT QUINTUM.

DE Libra, Solidis, Denariis, Grossis, & Parvis Ravennatibus disseritur, ubi plura ex Archivis depromta vulgantur. 86. & seq.

CAPUT SEXTUM.

Nummi aliquot exteri in urbem recepti recensentur, atque documentorum subsidio illustrantur. 93
Disseritur de Denariis unius Crucis. *ibid.*
De Papiensibus. *ibid.*
De Bizantiis. 94
De Pecunia Lucensi, ac Marabotinis. *ibid.* & seq.
De Pecunia Veneta. 96
De Imperialibus. 98
De Marchis. 99
De Florenis. 101
De Ferrarinis, Bononinis, atque Aquilinis. *ibid.* & seq.
Afferitur valor pecuniarum ex Rubico, atque ex Diacepto Veteris Mensæ Archiepiscopalis, ac Disseritationi finis imponitur. 103 & seq.

CAPUT PRIMUM.

*De Nummaria Officina institutione apud Ravennates,
deque Nummis Occidentalium Imperatorum, qui Ra-
venna sederunt.*

I.

RAVENNAM cudendorum Nummorum prerogativa antiquitus donatam fuisse, certum adeo est, ut is dumtaxat inficiari id possit, qui antiquitatis studia vel omnino despexerit, vel a limine vix salutarit; quam rem in exteris venia dignam, in nostratibus non item judicamus, qui & veterum monumentorum copia longe sunt refertissimi, & a Scriptoribus patriis dicendi non minus elegantiam, ac vim, quam in antiquitatis studium, ~~qua in re vel maxime~~ urbis nostrae laus est constituta, amorem, si saperent, debuissent arripere. Quae enim eruditionis semina non jecit sive Ferrettus, sive Carrius, sive Spretus, sive, ceteros ut omittam, Rubeus ille, qui ad veteres ita accedit oratione utens ad eorum elegantiam accommodata, ut eorum dicta, scribendique festivitates in succum, quod ajunt, sanguinemque converterit, posterorumque admirationem sibi conciliarit? Scio equidem laudatos Auctores vel de nummis perpauca attigisse, vel de iis denariis dumtaxat sermonem instituisse, qui posterioribus saeculis apud nos obtinuerunt: verum hoc critices defectui, quo per ea tempora laborabant,tribuendum est; quod nostris hisce temporibus minime ferri debet, quum doctissimi Scriptores facem praeulerint, atque studiorum horum caliginem nitidissima sua luce discusserint: quorum nomina heic praetermittenda censemus, ne recoctam, ut dicitur, crambem exhibeamus. Verum ad rem nostram propius accedendum.

II.

RAVENNA igitur cudendorum nummorum jure donata fuit, ac nummarias habuit officinas. Ast quibus temporibus ex
A pri-

primum instituta fuerint, satis haud constat. Non equidem ante Honorium M. Theodosii filium, qui primus Ravennæ Imperii sui sedem firmavit, id contigisse asserendum videtur, quum per eos dies, ut Imperii utriusque Notitia nos edocet, sex tantum in occiduis regionibus *Monetaria* Officina extiterint, Sciscia nimirum, Aquileja, Lugduni, Arelate, Treviris, ac Romæ præsertim, de qua sic Muratorius: (a) *caput Imperii Roma vel post in Orientem translatam a Constantino Sedem vetustam retinuit prærogativam publicæ Monetæ..... saltem usque ad tempora Heraclii Augusti. Neque decipitur doctissimus vir in hac Romanæ Monetæ duritate stabilienda, ut Florentinarum Ephemeridum Auctores sentiunt, (b) hoc innixi fundamento, quod post Ducangium Bandurius duos nummos retulerit, complures post Heraclium annos Romæ cufos, quorum prior ad Stauracium Nicephori Logothetæ Filium, alter vero ad Zoen, ac Theodoram Augustas pertinet, addito in utroque Romanæ Officinæ signo; nam cum Bandurii verbis, tum historicis rationibus evincitur merito eos suspectos esse debere. Et quidem ut de Bandurii sententia prius loquamur, postquam ille (c) Stauracii nummum retulisset, hæc subdit: (d) *nummum hunc rarissimum, si quidem genuinus est, exhibuit Ducangius e Strada. Stradæ autem parum fidendum esse sciunt omnes, qui antiquitatis studio vel leviter delectantur. De Zoes autem, ac Theodoræ nummo, quem pag. 724. exhibuerat, ita loquitur pag. 745. de utriusque nummi sinceritate merito dubitaveris; utriusque enim averfa pars hujus ætatis non esse videtur..... Uterque exscriptus est e Strada.**

III.

Quod vero spectat ad momenta historica, certum est Leonis Isaurici temporibus quicquid Italiæ erat reliquum a Græcorum dominatu defecisse, seque in libertatem vindicasse (e). Qui ergo fieri potuit, ut eodem Imperatore e vivis sublato A. C. 741. nummi cum Romanæ Officinæ signo Stauracio

(a) Ital. Med. Ævi Tom. II. Diss. 27. (b) Tom. I. Part. II. p. 39.

(c) Part. II. p. 710. (d) 711. (e) Zonar. apud Petavium.

ratio signati fuerint, qui Imperio, quod per aliquot menses rexit, anno dumtaxat 803 potitus est? Quæ autem post Leonem in Italia per Langobardos, de quibus nonnullos ante Stauracium annos triumpharunt Pipinus, ac Carolus Magnus, rerum commutationes sint consecutæ, nemo ferme est qui ignoret. Nihil de Zoes, ac Theodoræ nummo hæc addam, quum res satis ipsa loquatur: sæculo enim dumtaxat Christi XI. imperarunt, quo tempore ne minimum quidem juris vestigium supra urbem Romam Græci Imperatores retinere.

IV.

Cæterum non statim post Heraclium Romanam monetam defecisse arbitratus est Ducangius, (a) nummos aliquot exhibens Constantis, (b) sive Constantini, qui Heraclii secundi filius fuit, quos inter alter visitur, in cujus postica hæc leguntur: ANNO XX. M. *magno intermedio, in imo* RAV. Si autem Ravennæ nummi tunc scalpebantur, potiori jure id Romæ factum fuisse dicendum est, quæ quovis tempore Imperii caput in Occidente est habita, quamvis Augusti alibi sederent. Verum Ducangium laudatum nummum ad Constantem, sive Constantinum, referentem deceptum fuisse, ostendit Bandurius, quod Constans, sive Constantinus anno Imperii sui XIII. & XVII. unicum Imperii Collegam habuerit, Constantinum nempe eum, qui deinde Pogonatus est dictus: contra vero anno XX. tres socios habuerit, quum biennium ante Heraclium, & Tiberium filios Augusta dignitate honestasset. Quum igitur noster hic nummus, ac reliqui a Ducangio exhibiti tres Augg. stantes in antica præferant, non ad Constantem, sive Constantinum, sed ad Heraclium ipsum potius erunt referendi.

V.

BINAS etiam Constantini Pogonati monetas affert Bandurius, quarum aversam partem sic describit: ANNO GK

A 2 *magno*

(a) Const. Christian. tab. 33. (b) Utroque hoc nomine adpellari solet apud Scriptores.

magno intermedio, in ima parte ROM. Bud. XX. in medio nummo: in ima parte ROM Ducang. Ejusdem Constantini nummum Ravennæ percussum nobiscum ex suo Museo communicavit V. Cl. Annibal Oliverius, de quo alibi agemus. Alterum vero Leonis Isaurici, sub quo fortassis monetæ prærogativa cum Romæ, tum Ravennæ desiit, doctissimus Janus Plancus Ariminensis in suis Cimeliis servat, quem tertio dissertationis capite explicabimus. Ex quibus omnibus infertur culpandum non esse Muratorium, quod circa Heraclii tempora Romanam monetam desisse affirmat. Id autem late heic ostendendum duximus, quod ad rem nostram facere plurimum deprehendatur.

VI.

VERUM ut ad nummaria Officinæ institutionem apud Ravennates revertamur, ea minime differenda videtur post tempora Honorii, quum rationi consentaneum sit ea in Urbe, quam Imperii sui Sedem declaraverat, omnique ornamentorum genere locupletarat, ejusmodi Officinas instituisse: id enim Imperiale decus, nummorumque necessitas pleno jure flagitabant. Hæc conjectura innititur notis nonnullis, quæ in duobus Honorii nummis, & altero Joannis Tyranni cernuntur, de quibus sic Muratorius: (a) *Apud Ducangium visitur ejusdem Honorii nummus cum litteris RVPS, quas singulas eruditi interpretantur: Ravennæ pecunia signata. Alter quoque a Joanne tyranno post Honorii mortem percussus easdem litteras refert.* Horumce nummorum descriptionem accipito a Ducangio ipso, qui non unicum tantum, ut Muratorius inquit, sed binos Honorii nummos exhibet, eosdem visurus expressos ad calcem dissertationis.

Tab. I.
n. 1.

D N HONORIVS P. F. AVG. *Imperator cum diadema-
te ex unionibus.*

R GLORIA ROMANORVM. *Figura stolata, ac ga-
leata sedens, dextra globum, sinistra hastam, in-
fra RVPS.*

VRBS

(a) Antiq. Ital. Med. Ev. loc. cit.

RAVENNATIBUS. 5

A VRBS ROMA. *Figura stolata, & galeata spoliis infidens, dextra globum cum victoriola, sinistra hastam, infra RVPS.*

DN IOANNES P. F. AVG. *Imperator cum stemmate gemmato.* Tab. I.
n. 2.

A VRBS ROMA. *Figura stolata, & galeata, dextra globum cum victoriola, altera hastile, infra RVPS.*

VII.

Duo heic explicanda occurrunt, cur nempe litteræ RVPS ad Ravennam sit referendæ, & causæ, ob quas hi nummi percussi fuerint. Prioris rei rationes, seu potius conjecturas breviter exhibeo, ut quod ab eruditis supponitur, argumento aliquo firmetur. Neminem latet morem fuisse non modo eorum temporum, quibus descripti nummi cusi sunt, sed ætatum etiam superiorum, per priorés sillabæ litteras integra nomina designari: sic in marmoribus habemus BNMRT pro *benemerenti*, KRM pro *Karissimæ*, PSTRSQ pro *posteriorisque*, & alia ejusmodi bene multa. Actum agerem si hujusce consuetudinis apud veteres exempla in medium proferrem, quum de ea luculenter differant eruditi. (*) Id tantummodo addam, eousque morem hunc devenisse, ut litteræ nonnullæ, quas ne Ædipus quidem solveret, in Augustorum nummos investæ fuerint, ut de Φ K, atque H K, quæ Phocam, & Heraclium designant, liquido apparet. Quid ni igitur eruditi hanc consuetudinem respicientes, nummarias inscriptiones, atque officinas, quæ per similes notas describebantur, exponere debuissent, si eorum conjecturæ historicis rationibus fulcirentur?

VIII.

Id profecto fuit in causâ, cur Mediobarbus, Ducangius, Bimardus, alique litteras MDPS, AQS, ROPS, similesque de pecunia Mediolani, Aquilejæ, Romæ atque alibi signata

(*) Fabrett. *Inscr. Dom.* cap. III. p. 164. & seq. Oliv. *Marm. Pisaur.* p. 67. aliq.

gnata exposuerint. (a) Fallitur igitur præstantissimus Harduinus litteras RVPS reddens: *Ravennenses Vicani Patrono suo*. Nam ut recte admonet Cl. Jobertus (b) rationi, veritati-
que consentaneum magis est per *exergorum* litteras urbes illas interpretari, in quibus nummi cuderentur, quam ita easdem dissolvere, ut earum quælibet verbum integrum constitueret. Non jure tamen hic Auctor *figlas* RVPS interpretatur *Romæ in V. Officina*; etsi enim cum Harduino haud pugno, qui prior sub litteris A. B. T. Δ. &c. quæ in Imperatorum nummis leguntur, varias ejusdem urbis officinas delitescere arbitratus est; attamen contendo probabilius esse in nostris hisce nummis Ravennam tantum exprimi, ipsius nomine per priores sillabæ litteras indicato, quum mos illius ævi constans fuerit in *exergo* earum urbium nomina signandi, quæ nummos percuterent. Nimius essent si plura hujus rei exempla velim afferre, quum Romæ, Cart. Afis. Heracle. Alexand. Vienn. Rav. atque aliarum civitatum nomina passim in imo occurrant, nulla de officinarum, quæ in iisdem reperirentur, numero mentione facta. Verum quæ capite sequenti dicenda sunt rem luculenter ostendent.

I X.

NEQUE obstat, quod in Notitia Imperii, quæ, teste Pancirolo, sub finem Principatus Theodosii junioris conscripta fuit, desit Procurator monetæ Ravennatis: nam tribui id jure potest negligentia, qua conscriptus est Liber, de qua sic queritur idem Pancirolo in epistola nuncupatoria ad Carolum Emanuele Sabaudia Ducem: *Hæc omnia utriusque Romani Imperii, tum in duo divisi, idest Orientis, & Occidentis continet Notitia; sed ita jejune posita, (c) ut indicis raptum vice fungatur. Itaque res vetustæ, atque caligine condita obscuræ relinquuntur, ut legentes incerti, & perturbati discedere cogantur, & ut ait Poeta:*

Inconfulti abeunt, sedemque odere Sybilla.

FOR-

(a) Consule Ducang. Diff. de Inf. Ævi Numism. p. 30. & seq. & Mediobarb. in Occone aucto post Edit. p. 301. & 302.

(b) De Scient. Numism. Inst. V. (c) Quamvis Imp. Notitia jejune conscripta sit, eam tamen necessariam, nedum utilem adolescentibus, in optimis Studiis proficiendi cupidis, judicavit Hadr. Valesius.

FORTASSIS etiam id contigit, quod Ravennatis monetæ Procurator nuperrime institutus esset, in easque tabulas nondum relatus: ni opinari velimus supervacaneum fuisse monetæ Procuratorem in ea urbe, in qua Imperator ipse degeret: dubitari siquidem potest num ubicunque nummi cudebantur, nummarii Procuratores adessent; potuit enim per Procuratorem e. g. Romanæ monetæ, Ravennæ quoque Officinæ regi; exemplo sumto ex tot muneribus, quæ nostris quoque temporibus per administratos exerceri solent, ne Principum æraria nimis graventur. Nec desunt exempla ab antiquitate petita: constat enim nonnullas leges latas fuisse, ne publica pecunia effunderetur. Ceterum me non multum hoc silentio terri debere, docet Ducangius, (a) ostendens plures nummarias officinas per ea tempora institutas fuisse, quamvis nullus de iis in Notitia Imperii sermo habeatur. Venio nunc ad nummorum Honorii, ac Joannis tyranni explicationem.

X.

CREDIDERIM priores duos ad victoriam, quam a Radagaiso reportavit Honorius, referendos esse. Vicit hic Princeps Radagaisum, Stilicone armorum duce, A. C. 405. ut Prosper, vel sequenti, ut Marcellinus; quibus certe temporibus Ravennæ morabatur, quamvis anno dumtaxat 409. in ea urbe Imperii sui sedem fixerit. (b) Ideo autem ita sentio, quod anno 404. adversus Radagaisum profecturus, necessarias ad bellum copias Ravennæ paraverit; quod illi adeo feliciter cessit, ut incolumi pene toto exercitu, ingentes barbarorum copias profligaverit. Hanc victoriam ita describit D. Augustinus, qui tamen non nihil catholicis rebus indulgisse, si narratio ipsius perpendatur, non injuria credi potest. (c) *Radagisus uno die tanta celeritate sic victus est, ut ne uno quidem, non dicam extincto, sed nec vulnerato Romanorum, multo amplius, quam centum millium prostererentur ejus exercitus: atque ipse cum filiis mox captus debi-*

78

(a) Diff. de Inf. Æv. Numism. p. 36. & seq.

(b) Sigon. de Occid. Imp. lib. x. Rubeus Hist. lib. II. A. C.

(c) De Civit. Dei c. 23.

ta poena necaretur. Quod si lubeat eos de Attalo potius interpretari, (a) cujus tyrannidi perfidiæque Honorii in ludos amor, atque locordia ansam præbuerat, haud repugnabo: hic enim Imperator XI. Consulatu Ravennæ inito, de Attalo triumphans, Romam ingressus est. Hac quoque de causa percussus fuisse ii nummi, de quibus sic Baronius ad ann. 417. n. LX. 23. loquitur: eodem hoc anno sub nominatis Consulibus (*inquit Prosper*) triumphans Romam ingreditur, præeunte currum ejus Attalo, quem Lyparæ vi- vere exulem iussit. Hæc ipse: sed triumphus hujus nullam præterea memoriam extare scimus, nisi in nummis, quibus representatur Honorii Imperatoris imago, in quorum parte adversa effigies inest militaris, sinistra Victoriæ, dextera labarum tenens, caprivum supplantans, quo Attalus designatur, qui Christi virtute ipse hostis christianæ Religionis fuerit penitus debellatus. Sed in uno triumpho, si recte inspicis, de pluribus hostibus debellatis celebrantur victoriæ, & gloriosa elewantur trophæa: de Gotbis in primis, qui eum, ut vidimus, in Imperium evexerunt; de gentibus deorum cultoribus, quæ omnibus favere studiis homini restitutorum Deorum cultum. Hactenus Baronius; ad cujus verba observanda sunt, quæ commentatur doctissimus Pagius ex Philostorgio lib. XII. n. 5. ut Honorii triumphum illustriorem reddat.

X I.

Quod vero ad Johannis nummum pertinet, in ea sum sententia, ut putem tunc Ravennæ percussum fuisse, quum anno Christi 423. postquam Ravennam occupasset, Ardaburo contra se a Theodosio missio, ac tempestate jactato potitus est: utrumque enim per victoriolam sat ostenditur, quam stolata, ac galeata figura spoliis insidens dextra manu gestat; neque enim alios triumphos reportavit, quibus adscribi nummus commode possit. Non inficior tamen fieri potuisse, ut in hoc, aliisque nummis cudendis persæpe monetarii eodem typo uterentur, quo superiorum Imperatorum numismata signa-

(a) Posteriores Honorii nummum refert ad Attalum Mediobarb. Oca. auct. p. 529. Id autem contigit A. C. 417.

signarant, nomine tantum, atque imagine in anteriori parte immutata, quum aliquando expressa in iis quædam cernantur, quæ nunquam gessere. Nullus præterea Joannis nummus invenitur cum litteris RVPS, vel quod Ravennæ officina, ut mox parebit, aliter designata fuerit, vel quod ex quo tempore Imperii habenas moderatus sit, quum duos dumtaxat regnarit annos, ac duos circiter menses cum dimidio, ut sentiunt Panvinus, Bandurius, aliique adversus eos, qui ad octo menses tantum Imperium ipsius contrahunt. Faluntur tamen nonnulli, qui Joannis obitum vi. Kal. Septembris contigisse sentiunt: secundum enim Panvini, Tillemontii, Pagiique calculos a. d. XVIII. Kal. Septembris ex hac vita migravit.

XII.

Iis perpenſis, quæ ad Honorii, ac Joannis nummos apud nos scalptos videntur pertinere, inquirendum nunc superest, quomodo cognoscendi sint nummi reliquorum Imperatorum, qui Ravennæ federunt, quum in alio nullo, quod sciam, litteræ RVPS cernantur. Si quod sentio liceat verbis declarare, ea mihi suspicio pluries injecta est, non per litteras R V. tantum designari quæ nonnunquam ad latera figurarum visuntur absque ullo officinæ nummarie signo in *exergo*, ut in quodam Augustuli nummo, quem exhibet Ducangius (a), aliique; verum etiam per easdem litteras R V, quæ in postica leguntur, quamvis in ima nummi parte notæ CONOB, vel COMOB, similesve ejus ævi familiares habeantur. Quod autem de litteris R V id etiam de R M. M D A. C. quas ad Romam, Mediolanum, aliasque urbes referimus, pronunciandum putamus. His autem rationibus adducor, quod nempe vero simile haud videatur illa prærogativa Ravennates per ea tempora nequitiam usos fuisse, quæ jam inde ab Honorii temporibus donatos esse conjectant eruditi; quodque nullo momento evincatur id juris illi Urbi ademptum fuisse, quæ etiam extincto Occidentali Imperio Barbarorum Regum Sedes fuit constituta. Neque ejus nummi ad unum omnes periisse putandi sunt; quum enim ex illis complures supersint, qui alibi scalpti fuere, intelligi nequit, cur hoc infortunium Ravennatibus tantum acciderit.

B

XIII.

(a) Const. Christ. Tab. 24.

XIII.

CONJECTURA isthæc mea vel ex eo probabilior redditur, quod nummi, qui in adversa parte litteras RV. præferunt, additis siglis CONOB &c. in *exergo*, vel nulla alia nota adjecta, si paucos Augustos excipias, de quibus alibi erit sermo, ut plurimum capita exhibeant Honorii, Joannis tyranni, Constantii, Placidæ, Valentiniani III. Julii Majorani, Libii Severi, Glycerii, Zenonis, Julii Nepotis, & Augustuli, qui omnes, Zenone excepto, per eos dies in Occidente imperarunt, & vel Ravennæ, vel prope hanc urbem Imperatores renunciati sunt. Neque mihi negotium facessit Zenonis nummus; nam quum hic Imperator Theodoricum Ostrogothorum Regem in Italiam contra Odoacrem miserit, nemini mirum videri debet, si nummus cum ipsius imagine ibi fuerit scalptus, ubi & ipse Theodoricus, interfecto Odoacre, perpetuo sedit. Potuit etiam Zenoni cudi a Julio Nepote, qui, ut videbimus, illius ope ad Occidentale Imperium evehctus est aliquot annis ante, quam Odoacer per vim Italiam ingrederetur. Idque fortasse probabilius est: typus enim nummi ante Barbarorum tempora videtur expressus. Quod si forte aliquis alius nummus ejusdem ætatis extet, ad Græcum aliquem Imperatorem spectans, qui diligentiam nostram fugerit, per eum censemus affinitatis, atque necessitudinis sœdus ostendi, quo ~~utrumque Imperium~~ Imperium copulabatur: Græci enim Augusti, ut cuique perspectum est, rebus occiduis se se sæpe sæpius immiscuere.

XIV.

Nec obstant opinioni huic nostræ litteræ COMOB &c. quæ in exergis eorum nummorum cernuntur, quos Ravennæ scalptos putamus; nam quamvis Ducangio, aliisque concedatur per eas Constantinopolim designari, quod tamen non omnino exploratum est; (a) non inde tamen sequitur, monetas

(a) Varias hac super re editas commentationes complectitur Hist. Acad. Parisiens. Inscript. Tom. I. p. 360. quam si consules, rejectis Cedreni, Harduini, ceterorumque opinionibus, in Vaillantii fortasse sententiam

R A V E N N A T I B U S. II

netas illas omnes Constantinopoli fuisse obsignatas; quum notæ illæ in nonnullorum etiam Principum sive Tyrannorum nummis expressæ fuerint, qui vel nunquam in ea urbe sedere, vel cum Græcis Imperatoribus similitates exercuere, ab iisque reprobati sunt, exemplo Attali, Jovini, Constantii Comititis, Joannis Tyranni, nonnullorum Regum Francorum, aliorumque, quos erudite refert Ducangius. (a) Id tantum addam apud Mediobarbum in Occone aucto p. m. 450. cerni nummum Maxentii, qui nullo pacto Constantinopoli signari potuit, quamvis laudatas toties litteras exhibeat, ex quo clare eruitur (si tamen genuinus sit) eas ante Constantinopoleos denominationem in nummos inventas fuisse. En ipsius descriptio:

IMP. MAXENTIVS P. F. AVG.

CONSERVATOR VRB. SVAE. CONS. *Roma in templo scuto insidens, dextra globum adstanti porrigens, sinistra hastam tenens cum captivo ad pedes.*

X V.

Et re quidem vera sciunt omnes Maxentium, ubi audit Constantinum Patri demortuo successisse, ejusque imagines Romani delatas fuisse, Imperium, quod per integrum sexfennium tenuit, usurpasse, ut refert Nazarius (b), atque ab eodem Constantino ad Pontem Milvium profligatum fuisse, ac Tiberi absorptum. (c) Accedit ad hæc Maxentium anno 312. supremum diem explevisse, Encænia autem urbis (d) anno dumtaxat 330. V. Id. Majas celebrata fuisse, quo tempore lex lata est atque in columnam lapideam incisa, qua Byzantium novam Romam adpellari jubebat Con-

B 2. stan-

stantiam descendens, cui Augustinus prælusisse videtur, putantis per eas monetæ probitatem designari, ut proinde interpretandæ sint: *conflata moneta obryzata*, vel potius cum Bimardo, *conflata obryzo*, vel *conflata moneta obryzo*. Quid autem sibi velit hoc nomen obryzum docet Plinius lib. III. cap. 5.

(a) Diff. de Inf. Evi Numism. (b) In Panegyrico Constantini.

(c) Idatius in Fastis. (d) Ibidem.

stantinus. (a) Ostendit autem Bandurius (b) ex Anonymo Antiq. Constant. Part. I. memorata die *Constantinopolis nomen eidem urbi impositum fuisse*. Confirmantur hæc omnia auctoritate Zozimi (c) id factum asserentis, postquam Constantinus variis temporibus Cæsares Filios suos adpellasset, quod certe contigisse multo post docent Historici. (d)

XVI.

Ut autem ad litteras R V revertamur, quas in nostrum sensum interpretati videntur esse Rubeus (e), ac Bimardus (f), eas Ravennam indicare plane conjicitur ex nummo æreo, a nemine, quod sciam, edito, (g) in cujus anteriori parte mulieris caput murali corona redimitum cernitur, addita epigraphe FELIX RAVENNA, in posteriori vero victoriola cum litteris R V ad latera absque ulla officinæ nota in *exergo*: etenim quum in postica aliorum nummorum hujus urbis murali corona insignitæ, vel aquila alis expansis, vel Ravennæ monogramma cernatur, perspicuum sit istius loco, quod integrum poni nequiret, victoriola posticæ aream occupante, litteras R V in nummo expressas fuisse.

Tab. I
num 3

XVII.

(a) Socrates. (b) Imp. Orient. Tom. I. (c) Lib. II. c. 35.

(d) Pagi, ac Tillemontius. (e) Hist. Ravenn. ad ann. 402. p. in. 64. ubi inquit: *Hæc significat victoriam* (Alarici nimirum) nummis illud argenteum puto, quod postquam hæc scripsissem, & Templum D. Laurentii in Cæsarea ruinæ effoderentur, secundum parietem, qui respicit Orientem Solem, repertum est. Ab uno latere ipsius caput Honorii videtur laurea corona redimitum, porrecto naso, nulla, aut rafa barba, nisi pili sint, quod è summo mento eminere cernitur. In ambitu hæc leguntur litteræ: D. N. HONORIVS P. F. AVG. Adversum latus simulacrum habet paludamento militari: dextra manu hastam, quæ victoriæ gerere creditur, gestantem: prementem vero sinistro pede hominis simulacrum se se ex humo tollere adnitentis. In dextero latere simulacri paludati est littera K. in sinistro V. In ambitu vero VICTORIA AVGGG, erant enim hoc tempore tres Augusti, quum Arcadius Theodosium filium Augustum declarasset. Sub pedibus ita legitur. HONOR. " Corrige CONOB.

(f) Ad. Academ. Corton. tom. III. p. 182.

(g) Exstat apud Gabrielem Guastuccium Monachum Camaldulensem, Virum apprime eruditum, qui hisce studiis mirifice delectatur.

XVII.

ADDATUR varie adeo descriptum fuisse anteaetis temporibus Ravennæ nomen, ut id quoque non levi esse possit argumento ad eandem rem confirmandam. Profecto Petrus Diaconus (a) nos per litteras RHAV, sive RE; Magon per RAV, (b) & Valerius Probus per RHAV, aut RH. (c) Ravennam antiquius indicatam docent: quid ni igitur & per RV, accedente vel maxime testimonio nummi non multo post ea tempora percussi, quibus Occiduorum Imperatorum monetæ signatæ fuerunt? Addatur fides marmorum in quibus varie Ravennæ nomen iisdem temporibus expressum fuisse nitidissime apparet. (d)

D. M
T. FLAVIO. CANDIDO
MILITI. CLAS. PR. RA
BEN. III. HERCVLIS.
NATIONE. SIRVS. C
IVLIVS. VICTORINVS
HERES. FACIENDVM
CVRABIT

2
D. M
M. AVR. ROMAN
MIL. CL. PR. RAV
III. AVG. N. SVR
STIP. XX. M. AVR
ROMANVS. MIL. CL. S. 9
PATER. FECIT

C. TRE-

(a) De Notis Literar. (b) Notæ Juris.

(c) De Not. Rom. interpretand.

(d) Priores tres Inscriptiones ex Fabretto desumimus Infer. Domest. c. v. p. 365. Reliquas vero ex Muratorio, in hoc Archiepiscoporum Museo existentes inter ceteras, quas Mapheus Nicolaus Farfettus, olim Antistes munificentissimus, colligi curavit. De Classe autem Ravennate loquitur Tacitus lib. 4. c. 5. Appianus lib. 5. Suetonius in Augusto, & Vegetius lib. v. c. 1.

3

C. TREBONIVS. NARESSVS
LVPVS. MIL. EX. C. P. R. (a)
(b) III. PACE. V. AN. XXXVIII.
M. VAL. RVFINVS. H. C
DON. CVR. AML. BENEMEREN

4.

C. IVLI ALEXANDRI
(c) AVG. M. R. (d)
C. IVLIVS. ALEXIS. LIB. ET
IVLIA. FAVSTINE
HEREDES

5

C. OCLATIO
ZOZIMO. VIVIRO
M. R. OCLATIA
ANTHIS
CONIVGL. SANCTISSIMO
H. SIBI. VIVA. P. C

6. M.

- (a) Intellige heic pariter Classẽ Pratoriam Ravennatẽ. De ea quoque mentio habetur apud Gruterum p. 457. 8. ubi *Celenius* quidam *Præfatus auxiliorum omnium classis Prætorie Ravennatis* indicatur. Lapidẽ haud exhibemus; ne in re clarissima distius, quam par est, immoremur.
- (b) In hoc, & superioribus Marmoribus per notam III. *Trierem* significari docet Fabrett. in Syntagm. Colum. Traj. p. 113. Reinsius ad Inf. 46. Class. VII. Philippus a Turre in Monum. Vet. Antii p. 60. Tres igitur vides *Trieres* designari, quarum prior *Herculis*, altera *Augusti*, posterior vero *Pacis* nomen referret.
- (c) Municipiũ sui Augures, atque Augustales fuerunt. Panvin. Antiq. Veron. lib. II. cap. 2.
- (d) Heic autem per litteras R. M. Municipium Ravennæ designari docet Muratorius in Thesaurũ, & Lapis a Rubco allatus Hist. Rav. lib. I. P. 9. hoc pacto.

M. AVR. DEMETRI
SARAPAMMONI. EC≡
AVGVRI. DEC. M. R. PAT≡
(a) COLL. FAB. ET. CENT≡ (b)

XVIII.

QUÆ de Ravennæ nomine a nobis prolata sunt, firman-
tur etiam auctoritate Manutii, qui, ut observat Orsatus (c)
per litteras RM. Ravennatem militiam denotari arbitratus
est. Neque hætenus dictis obstat adesse alias urbes, quarum
nomina per easdem incipiant, quarumque nummi propte-
rea cum Ravennatibus confundi possint: nam vel eæ mo-
netam haud scalpere, vel id superiori ævo factum est,
vel tandem per litteras RVS, non per RV designantur.
Apposite ad rem hanc locutus est Vaillantius. (d) *Pluri-
mæ Colonie per has litteras RVS incipiunt: Rusella in Tu-
scia Plinio lib. III. c. V. sed Italiae Coloniis jus cudenda mo-
neta haud concessum. Rusadder in Mauritania Tingitana,
Antonino in Itinerario, quum a Plinio Colonia non appelletur,
a Trajano, aut Hadriano deductam putamus. Rusconia, Ru-
sicurium, & Rusazus in Mauritania Casariensi ab eodem Pli-
nio*

P. VETTIO
P. FIL. CAM. SABINO
EQ. P. IIII VIR
AED. POT
ET. MAG. MVN. RAVEN
CORNELIA. MAXIMINA
MARITO. INCOMPARABILI
ET. SIBI. VIVA. POSVIT

Ravennates vero in Cammilia Tribu, de qua in marmore, censos fuisse
constat inter omnes.

- (a) De ejusmodi Collegiis differit Reines. Cl. VIII. n. 65. Fontanus Antiq.
Hort. cap. v. n. 3. & 4. atque Eminentissimus Norisius, docens per
VIVROS ea quoque administrata fuisse Cenot. Pis. Diss. I. c. 6.
(b) Quamvis centonarii variis muneribus functi sint, ostendit tamen lauda-
tus Fontanus loc. cit. eos homines ita dictos fuisse, qui arcibus,
navibus, militibus centones ipsos offerendos curabant. Confule etiam
Cl. Oliverium Marm. Pisaur. pag. 139. & seq. hac de re erudite
agentem.
(c) De Not. Romanorum. (d) De Numism. Colon. p. m. 43.

nio collocatur, lib.V. c.II.... Et est Ruscino in Gallia Narbonensi Colonia &c.

XIX.

UT vero ingenue fatear, quamvis dilucide res ita demonstrata fuerit, magnam tamen dubitandi occasionem præbet Joviani nummus, quem refert Ducangius, (a) in cuius parte adversa eadem litteræ RV occurrunt, cum Siglis *Conob.* in *exergo*: etenim quum hic Imperator in Oriente Anno Ch. 363. ac proinde multis ante Honorium annis, fuerit renunciatus, ea videntur corruere, quæ disseruimus. Verum liceat mihi dubitanter dicere, iis temporibus Ravennatis officinæ Epocham fortassis, esse adjudicandam: id enim fuit causæ, cur nihil superius pro certo atque explorato definierim. Tanta siquidem in Christianas res fuit Joviani pietas, ac studium, ut iisdem labentibus opem laturus, maxima ac difficillima bella sustinuerit, ingentesq. victorias reportarit, quas late describunt Cedrenus, Zonaras, Suidas, aliique. Ravenna autem quum quovis tempore pietatis nobilitatisq. gloria floruerit, hoc fortasse magno beneficio affecta est a Joviano, vel ab aliquo alio Augusto, qui circa Joviani tempora vixerit, illam præsidium olim, columnæque Romanorum exercituum, atque Latinæ Ecclesiæ *Filiam* Primogenitam (b) fuisse memoria repetenti, utque eam urbem illustriorem redderet, quam & Romana Respublica antiquitus plurimi fecerat.

X X.

HÆC magis confirmabuntur si advertamus, mortuo Joviano, Imperium in Orientale, & Occidentale primo scissum fuisse.

(a) Const. Christ. Tab. 16. Ita autem nummus describitur: D. N. IOVIANVS P. F. AVG. Imp. cum diademate ex duplici unionum filo. VICTORIA. AVGVSTORVM RV. CON. Victoria nuda alata, & galeata, dextra lauream, sinistra globum.

(b) Hoc nomine Ravennatem Ecclesiam S. Gregorius M. adpellavit lib. 11. ep. 18. Vide Rub. lib. 4. Ughell. num. 34. Fabricium Sacr. Mem. p. 434. aliosque. Hujus autem adpellationis causam affert Rubeus p. 24. inquit: Quia vero omnium primus Apollinaris ad eam missus sit, Romane Ecclesiæ primogenitam dici, in Italiâ. solum post Romanam inter Apostolicas numerari patet.

fuisse : nam Valentinianus apud Nicæam in Bithynia Imperator electus, Valentem fratrem Augustum appellavit, Orientis Præfectura eidem tradita A. C. 364. Profecto & nummi ejusdem Valentiniani extant cum litteris RV in postica. Unum ex Occone aucto exscribam.

D. N. FL. VALENTINIANVS P. F. AVG. *Caput Imp- cum diademate ex unionibus.*
VICTORIA AVGG. CONOB. RV. *Figura stans, dextra Crucem, sinistra Victoriolam.*

Hi nummi autem fortasse prodire, quum Valentinianus Ravennæ degeret : *Per id enim tempus* (inquit Rubeus) (a) *Valentinianum Imperatorem Ravennæ aliquando morari solitum, rescriptum illud declarat, quod anno tercentesimo sexagesimo quinto, dum Consulatam cum Valente gereret, Ravennæ ad Rufinum Præfectum Prætorio XI. Kal. Julias dedit his verbis.* “ Ordines curiarum, quorum nobis splendor vel
,, maxime cordi est, non aggregentur, nisi nominati, nisi
,, electi, quos ipsi ordines cœtibus suis duxerint aggregan-
,, dos, nec quis ob culpam, ob quam eximi deberet, ex
,, ordine mittatur in curiam,,. Confirmatur Valentinianum per ea tempora Ravennæ fuisse ex *Lege qui necessario C. de Advoc. divers. judic.* quam constat ibidem latam fuisse *Kal. Septembris Valente VI. & Valentiniano II. A. A. Coss.* anno videlicet Christi 378. Somniavit autem Fabrius (b), & quicumque ei prælusit, quum *Legem eorum patrimoniam C. de jure fisci lib. 10.* Ravennæ pariter ab his Imperatoribus latam affirmat ; quum compertum sit ab Honorio, ac Theodosio Arcadii filio complures annos post eam fuisse promulgatam. Atque ut ad Jovianum revertamur, alterum ipsius nummum exhibet Ducangius (c) in cujus postica hæc habentur : VOT. V. in *Laurea* ; in imo CONS & *litteræ R. A.* Ravennam autem per has quoque litteras fuisse designatam do-

C cet

- (a) p. 57. (b) Ephemerid. v111. Julii p. 193. Ideo autem Fabrium criminati sumus, non quod exploratum habeamus Leges dubio procul in his locis fuisse latas, quorum nomina referunt, quam rem inficiantur nonnulli ; sed quod eos libros haud consuluerit Fabrius, quos ipse citat. (c) Const. Christ. Tab. 16.

cet nummus Heraclii, quem cum ceteris hujus Imperatoris nummis referemus.

XXI.

EXPOSITIS iis, quæ ad notas Ravennam exprimentes attingunt, seriem nummorum Augustorum prosequamur necessè est. Præter laudatas monetas Honorii, ac Joannis, hæ quoque a Ducangio, Occone, aliisque afferuntur.

D. N. HONORIVS P. F. AVG. *caput Imperatoris ut supra.*

(a) VICTORIA AVGG. RV

Δ. RV

D. N. HONORIVS P. F. AVG. *eodem typo.*

(b) VICTORIA AVGVSTORVM. RV. CONOB. *Victoria insidens thoraci, ante quam puer alatus, ambo clypeum tenent, in quo VOT. XX. MVL. XXX.*

D. N. HONORIVS P. F. AVG. *eodem typo.*

(c) XXX. MVL. XXXX. *in scuto, quem duæ Romæ spoliis insidentes sustinent. Ad latera R. A. in imo vero COMOB.*

D. N. IOHANNES P. F. AVG. *Caput senile barbatum, corona gemmata cum busto.*

(d) VICTORIA AVGGG. CONOB. RV. *Imperator sinistro pede captivum calcans, dextra labarum, sinistra globum cum Victoria Imperatorem coronante. VICTORIA AVGVSTORVM. CONOB. Victoria galeata sedens, scutum utraque manu sustinet, in scuto christi Monogramma, ad pedes figura parva scutum idem sustinet, quod trunco arboris impositum est, ad latus RV.*

XXII.

- (a) Mediob. Occ. auct. p. 526. ad Alaricum autem hi nummi fortasse sunt referendi. (b) Ibidem p. 528. dubio procul signatus est nummus anno 412. quo Honorius Vicennalia in nummo expressa Romæ celebravit. (c) Pertinet ad ann. 422. quo ab Honorio Tricennalia Romæ celebrata sunt, postquam Maximus Hispaniæ Tyrannus a Castino victus, ad eum missus fuisset. Extat autem apud Annibalem Oliverium. (d) Refer nummum ad ea tempora quibus Ardaburus a Joanne captus, ejusque exercitus profligatus est.

XXII.

SUCCEdit rarissimus Constantii Comitis Nummus, de quo Augusto prius nonnulla sunt differenda, quam eum referamus. Constantium postquam ingentes victorias a barbaris consecutus esset, Placidiamque recusantem ab Honorio uxorem accepisset, Augustum, Imperiique consortem fuisse declaratum post veteres docet Sigonius (a) inquiens: *extat rescriptum titulo de Repulsis cum præscriptione trium Augustorum*. Ad quæ verba hæc adnotavit Salinas Monachus Cassin. (b) *est lex 4 de Repudiis Cod. Theod. qua repudiorum levitas improbat*. Sunt & quatuor aliæ leges (c) nomine trium Augustorum datæ usque ad Kal. Aug. V. Chronolog. C. Theod. p. 166. Hanc vero Constantii nuncupationem non ad annum 420. ut prodit Prosper, sed in sequentem referendam esse, patet, quod leges præsentī anno latæ Honorii tantum, ac Theodosii exhibeant nomina, habeantque in subscriptione: *Theodosio IX. & Constantio V. C. Coss.* quæ vero sequenti anno emissæ sunt trium Auggg. nominibus insigniuntur. Theophanes insuper (subdit idem Salinas) anno Incarn. 413. secundum Alek. qui incipit a Kal. Sept. ann. 420. habet: Hoc anno Constantius Valentiniāni Pater Imperium obtinuit sexto Idus Febr. quarto nonas Septembris occisus est. Hinc Constantius anno sequenti Augustus renunciatus, eodemque anno obiit, ut Olympiodorus in excerptis. Usus autem est Constantius auctoritate sibi ab Honorio collata, quā mandata adversus Cælestium Volusiano Romæ Præfecto dedit, quæ referuntur a Baronio ad ann. 420. §. 2. suo tantum nomine in tabulis inscripto præter eorum temporum (d) consuetudinem. Constantii etiam cum Honorio occiduas res moderantis illustre testimonium dat Inscriptio apud Gruterum (e),

C 2 quam

(a) De Imp. Occid. l. xi. (b) In Notis ad Sigonium de Occid. Imp.

(c) Has Leges viderat etiam Pagius, Disq. Hypat. p. 28. Vide Bacchiniū in Observ. ad Vir. Joann. Angelopt. & P. I. p. 314.

(d) Tillemontius T. V. p. m. 647. id amanuensibus tribuit, quibus frequentissimus mos fuit illius tantum nomen inscribendi, a quo mandata dimanassent.

(e) Pag. 449. 7. ejus priora verba hæc sunt: DDD. NNN. invictissimi Principes Honorius, Theodosius, & Constantius Censores, remuneratoresque virtutum &c.

Tab. I.
num. 4.

quam Maximi simulacro, flagitante Senatu, adfigi iusserunt. Utinam vero tanta dignitas Constantio invito, ac recusanti haud tradita fuisset; non enim ex mœrore (a) quod ratam eam minime habuisset Theodosius, occubisset. Sunt tamen qui putent obiisse eum ex pleuritide, mense ab ipsius dignitate septimo, vel octavo, anno 420. si Marcellinum, sequenti vero si Prosperum audiamus. Hæc autem omnia ideo collegimus, ut facilius intelligatur rarissimus nummus, Ravennæ, ut putamus, signatus, in cujus anteriori parte visitur *Imperator laureatus & clamidatus cum listeris D. N. CONSTANTIVS P. F. AVG.* In postica figura militaris captivum calcans, labarum dextra, victoriam sinistra tenens cum listeris *RV* ad latera, addita epigraphe *VICTORIA AVGGG.* in imo vero *COMOB.* Eum publici juris fecit (b) Bimardus.

XXIII.

QUOD de Constantii nummo diximus, de monetis etiam Gallæ Placidie dicendum putamus. Vixerat præstantissima hæc Mulier diu Ravennæ cum Honorio Fratre, antequam similitudines cum eo exerceret: post cujus obitum ibidem cum Valentiniano Filio ad mortem usque imperavit, ubi splendida munificentie suæ signa reliquit. Non assentimur autem Bandurio, qui nummos omnes illius nomen exhibentes Placidie M. Theodosii Conjugi adsignat, neque Medio-barbo, aliisque, qui Placidie ejusdem Theodosii uxori secundæ (c) attribuunt, sed Ducangio, ac Begero, qui post Baronium nostræ hujus Placidie esse arbitrantur. Movet nos ut ita sentiamus eorumdem typus, quo fit, ut cum Honorii nummis in Occidente percussis, si Placidie imago tollatur, facillime confundi possint; movent litteræ *RV*, quæ in

(a) Paulus Diac. l. 4. Oros. l. 7. c. 40. (b) Aët. Accad. Corton. Tom. III.

(c) Hanc opinionem refellit Bacchinius ad Vit. S. Joann. Angelopt. & Joann. II. loc. cit. tum quod secundam hanc Theodosii M. uxorem *Gallim* tantum Scriptores dicant, neque Placidie cognomen illi conveniat, tum quod neque sua, neque Conjugis Vicennalia in quodam nummo expressa celebrare potuerit, quod brevi post Nuptias in puerperio decesserit. Errat tamen Bacchinius, vel potius Typographus X pro XX. ponens.

in iis sunt frequentissimæ; movet copia ipsorum, qui, dum vel Ravennæ, vel in ejus agro variis temporibus solum efunderetur, reperti sunt; movet demum hujus Mulieris potentia, quæ Augustorum Filia, Soror, Conjux, ac Mater extitit, quamque ad delicias, & fortasse plus nimio, dum in aula secum degeret, Honorius dilexit, & quæ tandem, Valentiniano Filio, sextum ætatis annum agente, Cæsare renunciato, nutu suo occiduas res moderata est. Claudis ipsius cineres onychina urna, quæ in SS. Nazarii ac Celsi Sacello servatur, quod vivens circ. ann. 440. ad Sanctæ Crucis Basilicam excitarat. Cellulas enim ejusmodi, quæ *Oratoria* etiam ac *Monasteria* adpellabantur, a nobilioribus Laicis Basilicis adhærentes construi solitas norunt omnes, qui hinc studiis delectantur. De hoc Sacello sic quondam lusimus:

Ardua quæ surgit gelidis spectanda sepulcris
 Et circum tristi fronde revincta Domus;
 Augustos cohibet manes, queis Roma triumphos
~~Detulit: heu cineres quam brevis urna tegit!~~
 Heic spectanda Parens (a), jacet heic (b) generosa
 [Propago.
 Occidui heic (c) Frater jam caput Imperit.
 Quare age lacrimulis tumulos consperge Viator:
 Ni facias, dura durior es filice.

Exhibeamus modo seriè nummorum Placidia, quos Ravennæ percussos putamus.

Aur. D. N. GALLA PLACIDIA AVG.

(d) SALVS REIPVBLICAE. RV. CONOB. *Victoria insidens thoraci, clypeo inscribis Christi monogramma.*

(e) VOT. XX. MVLT. XXX. RV. CONOB. *Victoria alata stans, dextra Crucem longam.*

Æ D. N.

(a) Placidia. (b) Valentinianus III. (c) Honorius.

(d) Ad quem annum referendus sit nummus, ignoramus. Forte ad 414. quo in Foro Cornelii nupsit Athaulfo Gothorum Regi: tunc enim Reipublicæ salutem factam fuisse recte dici potest, quod Conjugem precibus adduxerit, ut paulo post pacem cum Honorio conficeret.

(e) Signatus est nummus ann. 412. quo Honorius Romæ Vicennalia splendide celebravit, de quibus nonnulla nuper adnotavimus.

Æ D. N. GALLA PLACIDIA P. F. AVG. *Augusta cum diademate ex unionibus.*

- (a) VICTORIA AVGGG. RV. CONOB. *Imp. stans, dextra labarum, sinistra globum cum victoria; pede sinistro capivum calcans.*

XXIV.

SUCCEDUNT Valentiniani III. nummi, de quo ita Sigonius: (b) *Hanc ille Urbem (Ravennam) quoniam pro Imperii sede habuit, omni inde monumentorum, atque ornamentorum genere insignivit. Nam Ædem (c) D. Joannis Evangeliste ex voto construxit, & ducta ex Pado fossa flumen ipsum derivavit, atque ad mœnia urbis deductum, partim in Urbem infudit, partim mœnibus circumfudit, ut non solum commercio servires civium, sed firmamento murorum. Confossus est Romæ in campo Martio Imperii sui anno trigesimo, Christi 455.*

Aur. D. N. PLA. VALENTINIANVS P. F. AVG. *Imp. cum diademate gemmato.*

- (d) VOT. X. MVLT. XX. RV. CONOB. *Imp. habitu consulari sedens, dextra globum, sinistra sceptrum.*

D. N. PLA. alii PLAC. VALENTINIANVS P. F. AVG.

- (e) VICTORIA AVGGG. RV. CONOB. *Figura milita-*

- (a) *Hunc nummum cum Bacchinio libentissime referimus ad annum ipsum, quo Constantius in Imperii societatem assumtus est. In eo autem Constantii indicantur triumphus, de quibus Historici.*

- (b) *De Occid. Imp. ad ann. 430.*

- (c) *Hujus Ædis constructio Placidie maxime tribuenda est, quæ per id tempus, Valentiniano puero, omnia ad nutum moderabatur. Pater id ex Inscriptione ipsa, quam ad grammaticæ canones accommodatam exhibet Bacchinius ibidem p. 313. Beatissimo Apostolo Johanni Evangeliste Galla Placidia Augusta cum Filio suo Placido Augusto, & Filia sua Grata Honoria Augusta liberationis periculo maris votum solvit.*

- (d) *Vicennalia in nummo expresso annum 435. respiciunt. Celebravit quoque Tricennalia, ut constat ex ipsius nummo, ac Placidie, quæ adversus Baronium spectare ad annum 453. docet Pagius in Prolegomenis ad Dissert. Hypat. n. 30.*

- (e) *Refer ad ann. 438. cum Ducangio ac Mediobarbo, quo Piræte Vanda-*

RAVENNATIBUS. 23

litaris stans, dextra Crucem elevans; sinistra globum cum Victoria fertum tenente: dextro pede serpentem capite humano calcans.

XXV.

AN Eudoxiæ Valentiniani Uxoris nummi apud nos scalpti supersint, ignoro, quum unum tantum apud monetarum Editores viderim, in cujus parte adversa litteras R. M. quæ cernuntur, libet cum Bandurio, ac Muratorio interpretari *Romana*, vel *Romæ moneta*, sive potius in nostra hypothese *Romæ*, quam *Ravennæ moneta* cum aliis: non enim adeo patriam diligimus, ut, quæ illam vel leviter designare videantur, aucupemur. Si quis tamen velit eas litteras Ravennæ adjudicare, haud repugnabimus, dicemusque cum Poeta:

Utque ego non sperno, sic acceptissima semper
~~Munera sunt, auctor quæ pretiosa facit.~~

Non abs re tamen fuerit si illum exseribamus.

Aur. LICINIA. EVDXIA. P. F. AVG. *Caput Mulieris corona redimitum, in cujus medio Crux.*
SALVS REIPVBLICAE. R. M. COMOB. *Figura radiata sedens, globum cum Cruce dextra, sinistra vero Crucem longam gestans.*

XXVI.

IDEM affirmandum est de rarissimis duobus Honoræ nummis, quos cum superioribus singulis exhibent Ducangius, Bandurius, ac Mediobarbus. Quum nullam notam præter COMOB in postica referant, non immerito Ravennæ tribui poterunt: in hac enim Urbe ab Eugenio Procuratore supra-

li Siciliam populantes profligati sunt, eorum Duce capto, atque interfecto; ni per serpentem humanum caput exhibentem Attilam intelligere velis, & ea Scripturæ verba hæc apponere: *Super aspidem, & basiliscum ambulabis, & conculcabis Leonem, & Draconem.*

stuprata (a) concepit. Quod fuit in caussa, cur a Valentiniano Fratre expulsa Constantinopolim apud Theodosium secesserit, Eam *Augustam* dictam (b) testantur marmora: *Salutem vero Reipublicæ* nummi. Mirum hoc adpellat Bandurius, nosque id factum putamus, vel quadam Augustis adulandi consuetudine, vel quod Valentinianus, ad impetrandam ab Attila pacem, a qua Imperii salus pendeat, eandem se illi conjugem daturum cum Regni parte promiserit. Id ne acciderit, Attilæ interitu factum est.

Aur. D. N. IVST. GRAT. HONORIA. *Augusta cum diademate ex unionibus.*

SALVS REIPVBLICAE. *Christi monogramma in corona quercea.* COMOB.

(c) CXVX in laurea apud Norisum. Mediob.

XXVII.

PETRONII Maximi, qui, interfecto Valentiniano, Imperium Eudoxiamque usurpavit, nullum vidimus nummorum cum litteris R V. Fortasse id accidit, quod Ravennæ minime sederit, ac tertio Imperii mense a milite quodam (d), sive, ut alii tradunt, a Populo interfectus, laniatusque fuerit. Huic Maximo convenire Inscriptionem eam, quam ubi de Constantio ageremus indicavimus, cum Tillemontio probabiliter coniectamus. Eisdem de causis fortasse defunt Aviti nummi ad Ravennam referendi; nunquam enim Ravennam vidit, & primo, vel, ut alii tradunt, secundo Imperii anno dejectus est.

XXVIII.

(a) Honoris stuprum ex Marcellino ann. 435. accidisse, Theodosio XV. & Valentiniano IV. Cos. colligit Baronius. Vide Bacchin. loco nuper laudato de eo late differentem.

(b) Consulendus Bandurius Tom. II. p. 576.

(c) Extrat etiam apud Janum Plancum V. Cl. ut nos per litteras monuit.

(d) Paull. Diac. l. 5. Jornand. de Reb. Get. Cedren. alique.

XXVIII.

FL. Julii Majorani, qui a Leone Orientis Imperatore Magister militum dictus, atque ad Imperium occupandum missus, prope Ravennam A. C. 457. Augustus ab exercitu renunciatus est, singularem nummum vidi cum litteris R V apud Ducangium, quem ad victorias, quas Majoranus a Theodorico Visigothorum Rege anno 460. retulit, spectare arbitror. Anno 458. Ravennæ aliquot menses moratum esse, ibique nonnullas leges promulgasse, ferunt Historici. (a) Imperavit hic Princeps annos quatuor, menses sex, interfectusque est ad Hiram fluvium Ann. 461. VII. Id. Augusti, ut docet Pagius, quum IV. Nonas ejusdem mensis a Ricimere captus, Imperioque abdicare coactus fuisset.

Aur. D. N. IVLIVS MAIORANVS P. F. AVG. *Caput galeatum hastam tenens cum pelta, in qua visus Christi monogramma.*

VICTORIA AVGGG. COMOB. RV. *Figura militaris stans, dextra labarum cum Cruce, sinistra globum cum victoria.*

XXIX.

LIBII Severi nummum cum litteris R V exhibet Ducangius (b), & alterum Mediobarbus (c), in quorum postica per Draconem ibi expressum fortasse Genfericus Vandalorum Rex est interpretandus, cui acriter resistit Severus, quum obiectas Africæ Insulas incurfaret Anno 461. Vicit quoque, interfecitque hic Princeps per Ricimerem armorum Ducem Ann. 464. Bergomi Begorem Alanorum Regem qui superatis Alpibus in Liguriam descenderat. Obiit quarto Imperii sui anno nondum expleto, vel potius, ut alii tradunt, Ricimeris fraude, Romæ cum esset, veneno sublatus est.

Aur. D. N. LIBIVS SEVERVS P. F. AVG. *Imp. cum ferro ex duplici unionum filo.*

D

SA.

(a) Sigon. de Imp. Occid. lib. 14. Rub. lib. 3.

(b) Tab. 23. (c) Pag. 548.

SALVS REIPVBLICAE. RV. *Imp. flans dextra
Crucem, sinistro globum, dextro pede Draconem
calcans.*

VICTORIA AVGGG. R. A. *eodem typo.*

XXX.

FL. Anthemii, qui Libio Severo successit, quique a Ricimere per id tempus omnia nutu suo moderante, cui Filiam in Matrimonium collocarat, anno Imperii sui sexto inchoato occisus est, nullum vidi nummum litteras RV præferentem. Id fortasse contigit, quod nunquam Ravennam venerit: quamvis non inficiari suspicari aliquem posse, ipsius monetas, quæ nullam, præter litteras CONOB, in postica exhibent notam (a) Ravennæ esse adjudicandas. Id quoque de Flavio Anicio Olybrio dicendum puto, qui eodem anno, Leone, ac Ricimere opem ferentibus, Augustus est renunciatus, septimoque, vel octavo Imperii sui mense occubuit, fato ne, an veneno, incertum.

XXXI.

FL. Glycerii, qui post interregnum mens. quatuor, dies. duodecim III. Non. Martias prope Ravennam, quum Romanus Senator esset, factus est Imperator, nummus singularis cum litteris RV extat in Thesauro Theupol. Quum vix integrum Annum regnarit, a Iulio Nepote deturbatus est. Quid sibi velit Draco in nummo expressus, ignoro: ni ad Vindemirum Ostrogothorum Regem, quem ille donis ab Italia avertit atque in Gallias misit, referendum putemus. Sed, ut alibi advertimus, in nummis cudendis sæpe eodem typo utebantur *monetarii*, quo superiorum Imperatorum æs signarant; proindeque perperam antiquitatis cultores ea nonnunquam in ejusmodi monumentis cernere sibi videntur, quæ ne somniando quidem auctores cogitarunt.

Aur. D. N. GLYCERIVS P. F. AVG. *Imp. cum diademate ex unionibus.*

VICTO

(a) Ibidem.

(a) VICTORIA AVGGG. RV. COMOB. *Imp. Drac-*
onem conculcans.

XXXII.

JULII Nepotis, qui A. C. 474 Glycerio dejecto, Imperium invasit, nummum cum Ravennæ nota exhibet Ducangius tab. 23. In ipsius postica per victoriam Auggg. triumphus ille fortasse exprimitur, quem Zenone, ac Leone Isaurico faventibus retulit, Glycerium pellendo: fuerat enim Occidentis Imperio destinatus a Zenone, a quo Neptem Conjugem acceperat, quum Glycerius interea regno per fraudem potitus esset. Solio dejectus fuit ab Oreste exercitus sui duce, qui militari favore fretus, post interregnum mensium duorum, ac trium dierum, Imperatorem dixit Fl. Momyllum Augustulum filium. Laudatus nummus sic describitur in Occone aucto. (b)

Aur. D. N. IVLIVS NEPOS P. F. AVG. *Imp. cum*
stemma cristato, dextra spiculum, leva clypeum,
cui eques inscriptus.

VICTORIA AVGGG. RV. COMOB. *Victoria Cru-*
cem tenens: ad latus stella.

XXXIII.

IMPERIALIUM nummorum agmen claudit moneta Augustuli (c), sub quo Occidentis Imperium corruit A. C. 476. Indictione XIII. Basilisco, & Armato Cos. Dejectus is fuit ab Odoacre, decimo Imperii mense, & in Lucullanum pulsus:

Aur. L. AVGVSTVL. P. F. AVG. *Imp. cum du-*
plici unionum filo.

D 2

RV.

(a) Occe auct. p. 551. (b) Pag. 553.

(c) Imperatorem hunc non Momulum, vel Momylum, sed Romulum, neque Augustulum, sed Augustum dicendum esse auctoritate nummorum docet Bandurius Tom. II. pag. 674. In nostro igitur nummo pro Augustulo Augustum lege.

(a) R V. *Figura militaris galeata, dextra hastam, sinistra cornucopiam tenens.*

Si cui autem in Imperatorum, qui Ravennæ sederunt, nummis interpretandis audaciores, quam par erat, fuisse videamur, sciat Eruditorum morem secutos esse, qui conjecturis plurimum tribuunt, mutare sententiam parati, atque in alienam abire, (b) ut de se ipso inquebat Jacobus de Bery, ubi conjecturæ probabiliore, & rationi consentaneæ magis accedant. Venio nunc ad ea, in quibus passim evidentiam haud desideres.

(a) Illum, ut exhibemus, desumimus ex Ducang. Const. Christ. Tab. 24. & ex Mediob.

• (b) In Epistola, quæ extat in *Hadriani Relandi Palestina* apud Ugolinum, *Antiq. Sacr.* Tom. IV. p. 894. & seq.



CAPUT SECUNDUM.

*De Barbarorum Regum Nummis, qui Ravennæ Imperii
suis sedem collocarunt.*

I.

QUUM eo deducta res sit, ut de Regum Barbarorum, qui Ravennæ federunt, nummis loqui debeamus, ab Odoacre exordiamur necesse est. Nulla, quod sciam, illius moneta superest: verum libentissime Muratorio assentior opinanti ab eo quoque pecunias fuisse signatas: probabile siquidem est, constituta semel Ravennæ nummaria officina, numquam morem cudendorum nummorum ibi desisse, quum præsertim per vim Odoacer Italiam occupavit, eamque XVII. circiter ante Ostrogothorum adventum tenuerit annos, regio tantum nomine, sed sine insignibus, ut testatur Cassiodorus in Chronico; quumque Ravennæ (a), *instituto jam ab Augustis exemplo, Regni sedem locavit*. Magis autem patebit per ea tempora Monetam, vulgo *la Zecca*, Ravennæ extitisse, si perpendamus, quæ commentatur doctissimus Garecius (b), docens, Odoacrem monetam, cui Cassiodorus aliquando præfuit, percussisse.

II.

DE Theodorico pariter Ostrogothorum Rege, qui Zenonis hortatu, atque consilio adversus Odoacrem arma movit, illumque post nonnullas relatas victorias per fraudem necavit, dubitatur ab eruditibus: nam qui solet proferri ipsius nummus Romæ sculptus, ex Strada suspectæ fidei auctore definitur; (c) communiorque eruditorum sententia est in Italia

(a) Sigon. de Occid. Imp. l. xv.

(b) In vita Cassiodorii, quam ipsius Operibus ab se adnotationibus illustratis præfecit.

(c) Advertimus hæc cum Patre Salinas (ad Sigonii locum nuper laudatum)

liae Regno, quod Augustorum beneficio moderabatur, numquam id juris usurpasse. Ast falluntur qui ita sentiunt, quum Muratorius Theodorici nummum Romanæ officinæ notam præferentem se vidisse affirmet, mihiq̃ue testimonia sint statim subijcienda, quæ Stradæ nummum haud fictum, corruptumve ostendant. Non inficior tamen aliquot etiam hujus Regis extitisse monetas, in quarum antica Imperatoris, qui per id temporis in Oriente sedebat, effigies cerneretur, ut colligere est ex quodam nummo, qui in anteriori parte Justinii effigiem præfert; in adversa vero, non Romanæ officinæ signum, sed Theodorici monogramma, ut Ephemeridum Florentinarum auctores optime sentiunt, (a) Bandurium secuti, qui nummum hunc cum altero Anastasii eandem posticam præferente ex Museo Philippi Stofchii V. Cl. contulerunt, in eoque præter litteras a Muratorio observatas, T, & E pariter, quæ ad Theodorici nomen exprimendum requiruntur, sibi cernere visi sunt. Miror autem Muratorium litteras RAOSD in nummo detectas interpretari: *Romæ obsignatus denarius*; quum ratio in hisce interpretationibus servanda requirat, ut *Ravennæ* potius *obsignatus denarius* dicatur.

III.

PRIOR ratio qua utor, ut probem Theodoricum in Italia, ac Ravennæ præsertim nummos percussisse sua impressos imagine, duobus Cassiodori testimoniis innititur. Primum desumitur ex Variarum lib. vi. ubi sic Theodorici nomine loquitur in *formula Comitum Sacrarum Largitionum*. *Supplicum per te fortunas erigimus, Kal. Januariis assatim dona largimur, O læticia publica militia tua est. Verum hanc liberalitatem nostram alio decoras obsequio, ut figura vultus nostri metallis usualibus imprimatur, monetamque facis de nostris temporibus futura sæcula commonere. O magna inventa prudentum! O laudabilia instituta majorum, ut & ima-*

go

tum) duplicem epocham Regni Theodorici esse statuendam: alteram ad ann. 489. quo Odoacrem Veronæ superavit; alteram vero ad ann. 493. quum Odoacer ab eo interfectus est. Priorem secutus est Procopius Hist. Goth. lib. 1. posteriore reliqui auctores.

(a) Tom. I. P. II. pag. 617.

go Principum subjectos videretur pascere per commercium, quorum consilia invigilare non desinunt pro salute cunctorum. Sed huic, ut ita dixerim, muneraria dignitati, præconem largitatis nostræ, publicæ felicitatis indicium, locum quoque Primiceriatu adjungimus, ut per te demus honores, per quem & nostræ pecuniæ cōferimus largitates. Alterum depromitur ex Formula, qua moneta committitur, ubi hæc habentur (a): Omnis quidem utilitas publica fideli debet actione compleri: quia totum vitiosum geritur, ubi conscientie puritas non habetur. Tamen omnino moneta debet integritas queri, ubi & vultus noster imprimitur, & generalis utilitas invenitur. Quidnam erit tutum si in nostra peccetur effigie, & quod subjectus corde venerari debet, manu sacrilega violare festinet? Additur quod venalitas cuncta dissolvit, si victualia metalla vitiantur: quando necesse est respui, quod in mercimoniis corruptum videtur offerri. Quis ergo patietur unius esse commodum dispendia scelesti cunctorum, ut detestabile vitium venire possit ad pretium? Sit mundum, quod ad formam nostræ Severitatis adducitur, Claritas regia nil admittit infectum. Nam si vultus cujuslibet sincero colore depingitur; multo justius metallorum puritate principalis gratia custoditur &c.

IV.

PERCUSSIT igitur nummos sua effigie Theodoricus, qui ad Ravennam præcipue sunt referendi, quo tempore Cassiodorius ei ab epistolis fuit (b); quum enim iis muneribus summa cum laude functus esset, quæ sibi ab Odoacre fuerant demandata; adeo se Theodorico probavit, ut ad ejus Aulam accesserit, ibique ingenii, probitatisque suæ complura præbuerit monumenta. Paret hoc cum innumeris aliis ex locis, tum præcipue ex libro primo Variarum, ep. 4. ubi Theodoricus de Cassiodorio sic loquitur. His itaque sub præcedenti Rege gymnasis exercitatus, emeritis laudibus ad palatia nostra pervenit.

V. VE-

(a) Variar. lib. vii.

(b) Gareti in vit. Cassiod.

V.

VERUM ut clariora hæc fiant, advertendum est cum Ducangio (a) hac conditione Italiæ Regnum Barbaris concessum fuisse, ut nempe Imperatores *tamquam supremos Dominos agnoscerent, monetamque eorum imagine cuderent, nominibus suis iisdem tantummodo inscriptis*. Posteriori huic conditioni Barbaros non semper obtemperasse ostendimus, Theodoricum exemplum fortasse secutos, quem nummos sua imagine signasse clare evincitur cum allatis Cassiodorii testimoniis, tum nummo, quem se vidisse testantur Strada, ac Muratorius, cui libentissime assentior dicenti, Theodoricum potentiam ejusmodi onere cum levasse: quique propterea illud privilegium usurpavit, quod Francis Regibus peculiare tantum erat, signandi videlicet nummos eorum effigiem præferentes. De hoc fidem facit Procopius sic de Francis loquens: (b) *Nummos cudunt ex auro gallico, non Imperatoris, ut fieri solet, sed sua impressos effigie. Monetam quidem argenteam Persarum Rex arbitratus suo cudere consuevit: auream vero neque ipsi, neque alii cupiam Barbarorum Regi, quamvis auri Domino, vultu proprio signare licet*. Ad quæ verba longe ante Muratorium adverterat etiam Doctissimus Petavius (c) inquiens: *Ad hæc anno 548. Justinianum eosdem demereri Francos cupientem, Provinciæ possessionem suo iis decreto confirmasse; & ex eo tempore Arclate certamen equestre celebrasse, ac solidos aureos ex Gallicanis metallis, non ut gentes ceteræ, etiam Persæ, Romani Imperatoris effigie, sed suapte signasse, scribit Procopius*.

V I.

ALTERI vero conditioni, ut nempe Imperatores supremos Dominos agnoscerent, certo constat ex Scriptoribus aliquando Gothos Reges steterisse, aliquando vero eam sprevisse. Theodoricum certe eidem se subjecisse tradit Cassiodorius.

(a) De Inf. Ev. Nummism. num. Lxxii.

(b) De Bello Gothico lib. 3. cap. 33.

(c) Rationar. Temp. Part. I. lib. vii. cap. vii.

rius. Nam ut prætereamus quæ habentur lib. I. Variarum epist. 4. sat id perspicuum sit ex ejusdem priori lib. II. epistola, qua de Felice Gallo ab se Consule creato Anastasium facit certiore his verbis:

*Piissimo Anastasio Imperatori
Theodoricus Rex.*

Admonet nos consuetudo sollemnis dare fastis nomen, ornamentum proprium Romæ, terrenam Curie claritatem, ut per annorum numerum decurrat, gratia dignitatum, & beneficiis Principum sacretur memoria sæculorum. Felix a Consule summat annus auspiciis, portamque dierum tali nomine dicatus annus introeat, faveatque reliquæ parti fortuna principii. Quid enim credi possit optatus, quam ut alumnos proprios ad ubera sua Roma recolligat, & in venerando nominis cœtu Senatuum annumeret Gallicanum? Agnoscat Curia transalpini Sanguinis decus, quæ non semel coronam suam nobilitatis ejus flore vestivit. Novit inter reliquos fasces viros inde sumere consulares, qui longo flammato ducto per trabeas, lege temporum originarius est honorum. Atque ideo vos, qui utriusque Reipublicæ bonis indiscretæ potestis gratia delectari, jungite favorem, adunate sententiam. Amborum judicio dignus est eligi, qui tantis fascibus meretur augeri.

VII.

IMPERATORIBUS igitur aliquando obtemperavit Theodoricus, aliquando vero eos sprexit, nummos cudendo suam imaginem præferentes. Id fortasse fuit in causâ cur similitates cum eodem Anastasio exercuerit. Eæ satis indicantur per priorem Theodoricæ Epistolam, qua illum rogat, ut intermissam sibi pacem restituat, idque ea animi moderatione præstat, quæ ipsius obedientiam, demissionemque satis confirmet. Juvat pauca ex eadem delibare, ut evidentius constet, quod hætenus commentati sumus.

E

Ana-

(a) *Anastasio Imperatori
Theodoricus Rex.*

Oportet nos, Clementissime Imperator, pacem quærere, qui causas iracundiæ cognoscimus non habere: quando ille moribus obnoxius jam tenetur, qui ad iusta deprehenditur imparatus..... Et ideo, Piissime Principum, potentiæ vestra convenit, & honori, ut concordiam vestram quærere debeamus, cuius adhuc amore proficimus..... Quapropter salutationis honorificentiam præferentes, prona mente deposcimus, ne supendatis a nobis inansuetudinis vestrae gloriosissimam charitatem, quam ego sperare debui, etiam si aliis non videretur posse concedi. Cetera vero per latores præsentium pietati vestra verbo suggerenda commisimus, ut nec epistolaris sermo redderetur extensior, nec aliquid pro utilitatibus nostris prætermisisse videremur &c.

VIII.

AGENTI de Theodorico liceat mihi breviter scrutari, num ipse cum regia potestate ac nomine regia quoque insignia sumferit. Afirmat Jornandes, inquit: (b) tertioque ut diximus anno ingressus in Italiam, Zenonisque Imperatoris consulto privatim habito (alii legunt privatim habitum) suæque gentis vestitum reponens, insigne Regii amictus, quasi jam Gothorum, Romanorumque regnator assumsit. Procopius autem videtur aliter sentire, ubi inquit (c): *At licet Imperatoris nec insignia, nec nomen usurpare voluerit, sed vixerit contentus Regis appellatione, qua Barbari supremos Principes suos donare consueverunt; tamen subditis ita præfuit, ut ipsi nihil defuerit eorum, quæ sunt Augustorum moribus consentanea.* Dissentiunt igitur laudati Auctores, ni sub Regis appellatione regia quoque insignia delitescere arbitremur. Incredibile enim videtur cum Principem, quem Jornandes

(a) Baronius (ut observat Garetius) putat hanc epistolam scriptam fuisse anno 493. Legatos vero fuisse Faustum, & Ireneum. Vid. T. vi. Annal. p. 476. Edit. Antwerp.

(b) De Regnor. Success. C. LVII.

(c) De Bell. Goth. cap. primo, Maltretio Soc. Jesu interprete.

des (a) *Gentium Regem* adpellat, maximum hoc ornamentum æspuisse. Sigonius certe solertissimus Scriptor cum Jordanide consentit, (b) ubi ait: *Superiorum Imperatorum exemplo Ravennæ Regni sedem firmavit, atque omnino instituit Regnum Imperii ex omni parte simillimum.*

IX.

Non prior tamen Theodoricus Regiam hanc appellationem usurpavit, ut ex Guillelmo Fornerio opinatur Garetius (c), quum ante eum, ut supra innuimus, Odoacer se Regem dixerit. Ita Cassiodorius in Cliron. *His Cos. (Basiliscus II. & Armatus) ab Odoacre Orestes, & frater ejus Paulus extincti sunt, nomenque Regis Odoacer assumpsit, quum tamen nec purpura, nec regalibus uteretur insignibus.* Ut ut sit, liquido apparet cognovisse Theodoricum Cæsaris dominationem, sed ita ei fuisse perspectam, ut ipsi nihil defuerit eorum, quæ sunt Augustorum moribus consentanea: ac proinde optime intelligitur quomodo ab Imperatorum Legibus deflexit, nummos cudendo, in quibus propria effigies cerneatur. Ad monetas nostras modo revertamur.

X.

PRÆTER descriptum a Strada, ac Muratorio nummum, præterque alterum Theodorici, ut diximus, monogramma præferentem, extat & quoddam quadrangularis formæ frustum, sic a Muratorio descriptum (d). *Rarissimum frustum antiquitatis ad inclitum illum Regem pertinens exeram, quod Mutinensi ex urbe in suum Museum intulit Cl. V. Apostolus Zenus, antiquorum monumentorum venator indefessus, hoc est nummum æreum (ita tantisper adpellare liceat) quadrangularis formæ, non minoris crassitudinis, quam numis-*

E 2

mata

(a) De Regn. Success. pag. m. 240.

(b) De Occid. Imper. lib. II.

(c) In Not. ad priorem epistolam Theodorici apud Cassiodor. ubi inquit: *Hic primus se Regem dixit, quum Odoacer ante eum se Imperatorem Romanum diceret.*

(d) Ital. Med. Æv. Tom. II.

mata majoris moduli. In altera facie leguntur litteræ istæ D. N. THEODERICI. In altera una tantum littera visitur, sed exesa, formam T. referens, quæ fortassis est initialis nominis Theoderici, & corona laurea, seu quercea circumdatur. Duplex heic rarum occurrit. Alterum quod in exteriori limbo nummi (italice nel contorno) litteræ istæ leguntur: CATVLINVS. V. C. ET I L.... P. F. V. Alterum quod tum ipsius Theoderici, tum Catulini nomina litteris constant in ære cavatis, atque argento oppletis. In nomine Theoderici adhuc fere omnes litteræ supersunt: e Catulini nomine præter duas, aut tres, quæ remanent, reliquæ exciderunt, superstite earum vestigio in ære. Gradum deinde facit Cl. Auctor ad Catullinam gentem, quam putat cum Catullina confundi posse, multaue ad ipsam spectantia eruditissime colligit.

X I.

(a) THEODERICO successit Athalaricus ex Amalefunta Filia Nepos, qui octo dumtaxat regnavit annos; octavum enim agebat, quum ad gubernacula Imperii accessit, decimum vero sextum, quum immatura morte sublati fuit. Gothorum simul, ac Romanorum ab Avo creatum Regem, sui que successorem, utrisque hisce populis suffragium ferentibus, patet ex aliquot ejus epistolis ad Justinum, ad Senatum Romanum, atque ad alios conscriptis, quas quisque apud Cassidorium consulere poterit. (b). Justiniano autem, qui Justiniano successit, numquam non obedientiam præstitisse Athalaricum, nullasque cum illo simultates exercuisse liquet cum ex nummis, qui vel Imperatoris imaginem, vel caput Romæ galeatum exhibent, tum ex humillimis, quibus usus est verbis, quum ad Cæsarem scriberet. In ipsius nummis, rari nil exhibentibus, haud diutius immorabimur: id enim fati-

(a) Cassiodor. Procop. Jornand. alique.

(b) Juvat heic pauca describere ex epistola ad Liberium Galliarum Præfectum, apud Cassiod. lib. 8. Variarum: *In Sellam Regni sui nos dominos collocavit, quatenus decus generis, quod in illo floruit, in Successore protinus æquali luce radiaret, cui ordinationi Gothorum, Romanorumque desideria convenerunt.*

fatis præstitere, qui eos collegerunt, publicique juris fecerunt. Eorum seriem accipito ex Ocone aucto.

- Æ. D. N. ATHALARICVS REX. S. C. *Figura stans dextra hastam (a) sinistra clypeum tenens.*
 INVICTA ROMA. *Caput galeatum.*
 D. N. ATHALARICVS REX *in laurea*
 INVICTA ROMA. *Caput galeatum.*
 Ar. D. N. IVSTINIANVS. AVG. *Caput Imp.*
 D. N. ATHALARICVS REX *in laurea.*

XII.

ATHALARICUM excepit Theodahatus ab Amalefunta Consumbrina illi suffectus in Regnum anno 534. (b) Hujus Nummi, modo suam, modo Justiniani imaginem referentes, diligentius nobis sunt perpendendi. Crediderim discrimen hoc illis esse discordiis tribuendum, quæ Theodahatum inter, ac Justinianum ortæ sunt, quas, non abs re erit, si levi calamo attingamus. Prior harumce simultatum causâ nex fuit Amalefunthæ illata, quæ eum sibi matrimonio conjunxerat (c). Theodoram Justiniani uxorem, veritam ne Imperator Amalefuntham sibi anteferreret, Theodahatum ad id criminis impulsisse, Auctor est Procopius in Anecdosis. Quæ odia cœpisse postquam conjux immemor consanguinitatis, post aliquantulum tempus a Palatio Ravennate abstractam in Insulam Iaci Vullinensis eam exitio relegasset., adfirmat Jornandes. (d) Hinc autem fortasse factum est, ut nullus Amalefunthæ nummus supersit. Incredibile enim pene est, quam varius, efferus, subdolosque Theodahatus fuerit; nam postquam summis Conjugem laudibus, ad Cæsarem scribens

- (a) Hos nummos quoque Ravennæ signatos putamus, quod Gothorum Reges hæc iis temporibus federent. Idem dicendum de reliquis illorum monetis, ea excepta, quæ ad Ticinum spectat, de qua inferius loquendum erit. Ad Ravennam certe refert Muratorius.
 (b) Cassiod. Variar. lib. x. epist. 6. & 7. ex quibus doctissime colligit Garctius in vita ejusdem Cassiodorii §. 40. id circa medium, vel sub finem anni contigisse.
 (c) Jornand. cap. 53. aliiqve. (d) Ibidem.

bens (a) extulisset, ad necem eam est persecutus. Altera tandem Theodahati cum Cesare simultatum caussa inde orta est, quod Imperatorem sefellerit, ejusque Legatos, postquam promississet, se Italiæ Regnum eidem cessurum, ficeram sibi pecuniam solvisset. Ita Procopius (b): *quando amoliri utrumque licet (bellum inquam, & Regnum) mibi certe neutrum arridet: hoc quidem quoniam satietate multatur, atque fastidio: illud vero, quia rerum insolentia perturbationem parit. Si modo habeam prædia, unde mibi quotannis auri pondo saltem mille, & ducenta proveniant, regnum sic posthabebo, ac tibi Gorborum, Italarumque, Imperium tradam.... Age eum ocyus hac virum destina, cui conveniat a me Italiam, & quicquid ad Regnum spectat accipere. Quibus missis Legatis a Cæsare illiuit, illosque eo loco habere cœpit, quo abjecti homines haberi solent. Qua re commotus Justinianus anno Ch. 535. Gothis bellum indixit, ac Belisario Duce, concurrentibus in Dalmatia exercitibus æquo Marte dimicatum est, (c) magnaue utrinque clades consecuta. Hoc prælio fortasse elatus nummos signavit Theodahatus hanc Epigraphen præferentes: VICTORIA PRINCIPIS. Verum belli fortuna brevi commutata, ingenti ditionis parte spoliatus est; quo deinde factum, ut Gothi conspirantes Vitigem sibi Regem elegerint, Theodahato paullo post, dum Ravennam se reciperet, jugulato. Duos circiter annos regnavit, hosque nummos scalpi curavit, quos ex Occone aucto describimus:*

Æ. D N THEODAHATVS REX. *Ipsius caput cum corona pileum referente.*

(d) VICTORIA PRINCIPV. *Victoria dextra lauream, sinistra palmam.*

VI.

(a) Vide Cassiod. Variar. l. x. ep. 4. ubi eam adpellat *Dominam rerum*, & *toto orbe gloriosam*; & epist. 2. in qua hæc habentur: *ab ejus judicio... me nullatenus deviare certissimum est, quæ tanta sapientia luce resplendet, ut & propria regna mirabili dispositione componat & promissam cunctis gratiam robusta firmitate custodiat.*

(b) Cap. v. ubi se Musis deditum, impotentem ad bellum ultro fatetur.

(c) Idatius cap. v. (d) In hac inscriptione *Principum* loco *Principis* legimus in aliquot nummis, quos propriis oculis usurpavimus.

R A V E N N A T I B U S. 39

VICTORIA PRINCIPVM. S. C. *Victoria rostra navis instans, dextra lauream, sinistra palmam.*

VICTORIA PRINCIPVM S. C. *Eodem Typo, sed litteris C. & R inversis.*

D N THEODAHATVS.

VICTORIA PVBLICA REST. *Victoria gradiens, dextra lauream, sinistra palmam, ad pedes lituus.*

THEODAHATVS REX. *Caput ipsius.*

VICTORIA AVGVST. *Victoria gradiens.*

D N THEODAHATVS REX *in laurea.*

INVICTA ROMA. *Caput galcarum.*

XIII.

REX Italiæ ann. 536. renunciatus Vitiges, nummos quidem percussit, sed sua haud quaquam signatos imagine. Id ne faceret in causâ fortasse fuerunt tumultus, ac bella, quæ cum Belisario strenuissimo Justiniani duce gessit, metuens ne aduerso Marte pugnantem sibi acciderent incommoda, quæ Theodahato noverat contigisse. Captum a Belisario Vitigem, & Constantinopolim perductum auctor est Procopius de eo sic scribens: *Quod audiens Vitigis (Romam nempe a Belisario captam) omnem Gothorum exercitum congregat, Ravennaque egressus, Romanas arces obsidione longa fatigat; sed frustrata ejus audacia, post quatuordecim menses ab obsidione Romanæ urbis aufugit, & se ad Ariminensem oppressionem præparat, unde pari tenore frustratus, fugatusque Ravennam se recepit, & obsessus, nec mora, ultro se ad patres dedit victoris cum Malasuenta jugali, regiisque opibus, & sic famosum regnum, fortissimamque gentem tandem victor gentium diversarum Justinianus Imperator per fidelissimum Consulem vicit Belisarium (a), & perductum Virigium Constantino-*

- (a) Belisarii Consularatus contigit anno 535. Ita autem ex Auctoribus, ac Monumentis describitur Tom. II. Rationarii Temp. Editionis Venet. pag. 509.
Belisarius V. C. solus, vel post Consulat. Paulini 535.
Post Consulatam Belisarii V. C. & in Occidente
II. p. C. Paulini 536.
Iterum vel Anno 2. post Consulatam Belisarii
& in Occidente III. p. C. Paulini. 537.

rinopolim Patricii honore donavit. Hæc autem omnia quum ab anno 536. ad 540. gesta sint, liquet quandonam Vitigis nummi fuerint percussi.

Ae. D N IVSTINIANVS AVG. *Caput Justiniani.*
 D N VVITIGES REX *in laurea.*
 D N VVITIGES REX *in laurea.*
 INVICTA ROMA. *Caput galeatum.*

XIV.

SUCCEDUNT Totialæ, sive Baduælæ nummi, de quo Rege videnda sunt, quæ ex Begero, ac Mediobarbo commentatur Bandurius, ubi de ipsius monetis mentionem facit. Is anno 541. a Gothis Rex electus, eorum res everfas omnino, jacentesque restituit, sæpiusque fufis Romanis exercitibus, ipsam urbem anno 546. recepit. A Narsete victus est, interfectusque, quum e prælio fugeret anno regni sui undecimo. Hujus bella cum Justiniani ducibus luculenter describuntur a Procopio, aliisque. Sequentes nummos ex Mediobarbo accipito.

Ar. DOMNO IAV IVVC. *Caput cum diademate*
 (a) D. N. BADVILA REX *in laurea.*
 Ae. D N BADVILLA REX. *Caput Regis*
 FIVREAS SMIES. *Miles stans, dextra (b) bat-*
tam, sinistra clypeum.
 BADVILA REX. *Caput ut supra.*
 LVRI ARR. X. *Miles stans.*
 D. N. BADVELA REX. *Protonie Regis*
 D N BADVELA REX *in laurea.*

FI.

- (a) Vides heic Gothicam barbariem, quæ in aliquot etiam horumce Regum nummis cernitur, ubi RIX pro REX usurpatur, quod Gassendus quoque in Peyreschii vita advertit.
- (b) Ejusmodi acclamationes quam ab iis differunt, quæ in Augustorum nummis videntur! Pro omnibus ea sufficiat, quam Antonini Pii nummi præferunt: *Senatus, Populusque Romanus annum novum faustum felixque optimo Principi pro;* & altera illa, qua Augustis incolumem vitæ diuturnitatem precabantur his verbis: *Multis vicennialibus impera.*

R A V E N N A T I B U S. 41

FIVREAZ ZEMPER. X. *Imp. paludatus, & galeatus, dextra hastam, sinistra clypeum.*

D N BADVILLA REX in laurea.

FELIX TICINVS. *Capus surritum, vel infulatum cum busto.*

Posteriorem hunc nummum adjecimus, quamvis putemus Papiæ eum signatum fuisse: etenim jam inde ab Athalarici temporibus eam Urbem Gothorum sedem existisse, docet marmor a Mediobarbo exhibitum, quod heic afferendum putamus. (a)

✠ D. N. ATALARICVS REX ✠
GLORIOSISSIMVS HAS
SEDIS SPECTACVLI ANNO
REGNI SVI TERTIO FIERI
FELICITER PRECEPIT.

XV.

QUICQUID tamen in Marmore habeatur, inficiari nequit Ravennam potiori jure Gothorum Regum sedem esse dicendam, omnesque propterea illorum nummos eidem esse adjudicandos. Quid enim clarius ad id adstruendum, de quo est sermo, ab illius ævi Scriptoribus quæri potest, qui numquam pæne Gothorum mentionem faciunt, quin Ravennam nominent? Certe per id tempus nummariam officinam in hac Urbe existisse ex Papyro evincitur, quam post Maffejum Muratorius vulgavit Antiq. Italicarum Diss. xxii. quæ de Origine linguæ Italicæ inscribitur. Ea anno 540. Ravennæ exarata fuit; in eaque *Vitalis* quidam *Vir Clarissimus Moniarius* (hoc est *Ministro della Zecca*) subscribit. De hac officina fit quoque mentio in papyro altera, anno 572. Ravennæ pariter scripta, quam Scipio Maffejus ac Franciscus Blanchinus V. Cl. interpretati sunt (b), ubi rebellionis nomen hoc pacto exprimitur. *Jobannis for (forensis fortasse) habens stationem ad monetam auri in porticu sacri Palatii.*

F

Acce-

(a) Pag. 568. (b) Illo in Hist. Diplom. pag. 163. hic vero in epist. ad Vincentium Buttrighellium apud Callogerà Tom. xii.

Accedat his omnibus Agnelli auctoritas (a): *non longe* (inquit) *a posterula Ovilionis, in loco, qui dicitur moneta publica*. Et alibi: (b) *ex Monasterio B. Apollinaris Abba fuit, quod est fundatum non longe ab Ecclesia S. Redemptricis Crucis ad Monetam veterem*. His autem docemur non modo tunc nummarias officinas Ravennæ exstitisse, sed eas plures fuisse, novam scilicet, ac veterem (c), ubi monetæ aureæ, ac reliquorum metallorum conflarentur.

XVI.

GOTHORUM Regum, qui Ravennæ sederunt, quorumque nummi supersunt, agmen claudat Thejas, de quo obscure satis loquuntur Scriptores. Excepit is Totilam anno 552. & sequenti in acie interfectus est, corruique cum eo Gothorum Regnum in Italia. Nummum Thejæ exhibet Bandurius ex Schedis Harduini, ita expressum:

DN ANASTASIUS P. *Caput Anastasii, corona ex margaritis* (d) *cinctum ad pectus cum paludamento*.
DOMNVS THEIA REX *in corona*.

XVII.

ANTEQUAM de nummis Exarchorum ævo apud nos scalpitis aliquid dicamus, ~~inquire~~ liceat, breviterque scrutari ~~sintne~~ ad Gothos Reges an vero ad Exarchos referendæ mone-

(a) In vita Reparati P. II. p. 293.

(b) In vita Gratioli ibidem p. 450. Quæ omnia advertit etiam Thejus a Cornu Ravenn. Domin. p. 245. ubi aliqua ad Ravennatem Monetam spectantia more suo colligit.

(c) Vides heic confirmari ea, quæ de instituta Augustorum ævo in hac urbe nummaria officina commentati sumus. Non enim recens ea officina fuit excitata, quæ per id tempus vetus tunc diceretur. Consule epistolam ad Savernium ad calcem quarti Capituli positam.

(d) Cernis nummum multo ante, quam Gothi expellerentur, cufum fuisse: teste enim Procopio Thejas A. C. 553. obruncatus fuit; Anastasius autem ann. 518. obiit. Cur igitur Thejæ nummi per id tempus signati, isque Rex adpellatus? Alii viderint. Malumus enim sateri rem nos, silentibus Auctoribus, ignorare, quam de Harduini fide vel leviter suspicari.

monetæ, turritum Mulieris caput exhibentes, hac inscriptione FELIX RAVENNA. Ducangius, Philippus a Turre, Bandurius, Muratorius, quique eos subsequuti sunt, ad Exarchos pertinere arbitrantur: verum nos aliquot haud spernendis rationibus innixi a tantorum Virorum sententia parumper recedimus, atque aliter sentimus. Videtur in primis minime consonum Exarchos, Græcorum Imperatorum vices in Occiduis Regionibus gerentes (a), quique Præfecti ab iisdem mittebantur, nummos signasse, eorum effigie in illis neglecta, quæ conditio, ut ante munuimus, Gothis Regibus, quum Italiæ Regnum iis traderetur, lata est. Quod igitur jure in tanta Imperii perturbatione haud licuit Barbaris, quos metuebant, nedum oderant Augusti, id Exarchos, quamvis Regia pene auctoritate ac nominibus donarentur, præstitisse arbitramur? Quam enim solliciti fuerint Augusti, ne Exarchi rerum potirentur, constat ex Auctoribus, qui eorum temporum Historiam conscripsere. Altera ratio inde repetitur, quod ii nummi, qui Exarchorum temporibus ac jussu dubio procul cudebantur, Imperatorum Protomas, ac nomina referrent, ut capite sequenti ostendemus. Unde igitur tanta inconstantia oriri potuit, ut Augustorum nomine, ac forma spreta, diversis eodem tempore typis nummi ab Exarchis signarentur? Præterea si monetæ ejusmodi perpendantur, meridiana luce clarius erit eas similes adeo Gothorum nummis esse, ut ex eadem officina prodiisse evidenter appareat. Observavit id quoque Apostolus Zenus, in Antiquitatis studio nemini secundus, qui abs me per litteras interrogatus, quid hac de re sentiret, mihi mire consensit (b), illud addens, apud se nummum cum epigraphæ FELIX RAVENNA extare, Athalarici, ac Vitigis monetis simillimum, in cujus adversa parte idem cernitur.

Tab. I.
num. v.

F 2

tur

- (a) Consule Rubeum Hist. Rav. l. 4. p. m. 175. de Exarchorum nomine, ac munere erudite differenter.
- (b) Ad Dissertationis ornatum verba Cl. Viri exhibemus: *Le Medaglie da me vedute con la leggenda Felix Ravenna, furono a mio credere battute al tempo de' Goti, non mai al tempo degli Esarchi. Una che io ne tengo in piccolo bronzo, è somigliantissima di grandezza, e di fabbrica a quelle di Atalarico, e di Vitige. Ha nel rovescio il monogramma consimile a quella di Giustiniano in argento.*

tur monogramma, quod in Justiniani nummo visitur. It-
lum, quod a nemine exhibeatur, vulgandum esse arbitra-
mur. His omnibus accedat consuetudo eorundem Regum,
cudendi scilicet nummos cum capitibus Urbium murali co-
rona redimitis, addito Felicis epitheto, ut ex eo Ticini evin-
citur, quem paullo ante retulimus. Id etiam præ ceteris ani-
madvertit Carolus Patinus (a), ubi de Trajani nummis
agens, Daciam felicem dictam docet, quemadmodum Ra-
venna, & Cartago (b): quem fortasse morem Urbium hoc
vocabulo adpellandarum desumerunt Barbari ex nummis
Augustorum, in quibus idem Epitheton sive in recto, sive
in obliquis casibus frequenter occurrit. (c) Certe non nisi
florantibus, ac magnis urbibus tribuebatur. Sed quid clario-
ra argumenta quæramus? quæstionem per solvat nummulus
æreus, quem nos largiti sumus Gualtuccio nostro alias lau-
dato, qui hinc galeatum Romæ caput, ut Gothorum Re-
gum Monetæ, inde vero Ravennæ monogramma affabre
sculptum præfert. Duo autem complectitur nummus, quibus
minime repugnare fas videatur.

Tab. I.
num. 6.

XVIII.

PERSPECTO tempore, atque principibus, ad quos pruden-
ter laudatos nummos putamus pertinere, difficultas modo
in iis interpretandis insurgit. Philippus a Turre (d), ac Ban-
durius, Spanemium secuti, ajunt felicem Ravennam prædi-
cari, quod (verba sunt Philippi a Turre (e)) ceteris Ita-
liæ Urbibus direptis, ac Barbarorum jugo oppressis (tunc enim
Langobardi totam pene eam Provinciam subegerant) sola
Imperatorum præsidio servata fuisset. Docuerat enim ante
idem

(a) Imp. Rom. Numism. ex Ære Med. & min. formæ p. 390.

(b) Nummi isti exhibentur a Seguin. Sel. Num. t. 43. & a Ducangio Conf. Christ. Tab. 22. Præferunt autem hinc Caput Hilderici Vandalorum Regis, ipsius nomine inscripto: inde epigraphen Felix Cartago, vel Kartago circa Muliebrem figuram stantem, frumentique spicas utra-
que manu tenentem.

(c) Vide Nummos Nervæ, Hadriani, Caracallæ, Commodi, Antonini, Ne-
potiani, Arcadii, Honorii, aliorumque.

(d) De Præst. & Ufu Numism. Diss. 8. p. m. 757.

(e) Monum. Vet. Antii C. 14.

idem Auctor, ejusmodi Epitheton claras urbes usurpasse, ut adularentur Principibus, se eorum beneficentia felices, percusso Ære publico, jactantes, vel quod beneficium aliquod essent consecutæ, vel quod restauratæ, aut subjectæ nuper fuissent, Carthaginensium exemplo, quos Tertullianus de Pallio vocat *vetustate nobiles, novitate felices*; & Daciæ, de qua Marmor apud Gruter. 249. 4. *Cujus virtute Dacia Imperio addita Felix est*. Quum igitur a Barbarorum jugo, ut diximus, per Imperatores erepta fuisset, Ravenna, inferebat eam merito in iis nummis, quos Exarchi consilari curabant, se felicem adpellasse. Confirmari opinionem suam inde censebat, quod in postica eorum frequenter Aquila alis expansis cernatur, ut nempe Romanum Imperium indicaretur, addita Stella ad Phosphorum, sive Luciferum Orientis signum declarandum. Quod si binæ stellæ adjicerentur, ut in nummo apud Harduinum ac Muratorium, tunc ex Chisletio argumentabatur Præsul præstantissimus, eum nummum ab aliquo Augusto cūsum fuisse, cui utrumque Imperium subesset: duo siquidem hæc sydera Phosphorum, Hesperumque, eo auctore, significant.

Tab. I.
n. VII.


XIX.

QUICQUID tamen laudati Auctores sentiant, opinio mea minime infirmatur: non enim video, cur Ravenna felicitis Epitheton usurpare nequiverit in eorum Regum nummis cūdendis; qui & illam ceteras Inter Italiæ Urbes delegerant, ubi sedem suam figerent, & eam ædibus, mœniis, ceterisque ejusmodi ornamentis locupletaverant. Profecto tum ut Barbaris illis blandiretur Ravenna, tum ut beneficiorum, quæ ab iisdem fuerat consecuta, laudem ad sempiternam memoriam propagaret, præstare id debuit. Sed de posticæ Aquila quid dicendum? Quum urbibus iisdem, atque Provinciis dominarentur Gothi, quæ Romani olim Imperii robur constituebant, quid mirum si eodem, quo Augusti signo usi sint, addito Lucifero Orientis Sydere, ut Græci Imperatores indicarentur, a quibus eam ditionem fuerant consecuti? Quod si Hesperus præterea Occidentis index, ut in aliquot nummis, adjiciatur, per eundem utriusque Imperii affinitatem

tem declarari non immerito conjectabimus. Quamvis solertiores nimis simus, si Barbari hujus ævi Symbola a casu sæpe sæpius proficiscencia, Pythiam facilius intellecturi, rimemur.

X X.

Tab. II. ANTEQUAM hoc caput absolvamus, observandum est, ut
num. 8. superius etiam attigimus, reliquas Ravennæ Felicis monetæ hujus Urbis monogramma in postica referre, si eas excipias, quas victoriolam cum litteris RV ad latera, vel Aquilam alis expansis exhibere diximus: monogrammatum enim usus jam antiquitus obtinuerat (a), quamvis celeberrimus Mabillonius (b) a Carolo Magno ortum habuisse putarit; quæ opinio communiter refellitur ab eruditiss. Hæ autem monetæ forte ad ceteros Gothorum Reges referendæ erunt, quos imperasse tradunt Historici, quamvis nullum ipsorum extet publicum monumentum. Circa Gothorum tempora quoque euni nummum scalpum dixerim, in cujus antica eminet Justiniani caput hac inscriptione D. N. IV-
Tab. II. STINIANVS P. AVG. in postica vero sequens monogram-
num. 9. ma, in quo interpretando multa commentantur eruditi

D  N. Illud autem, siue Patriæ amore decipiamur, siue hariolandi genio abducamur, videtur interpretandum cum Muratorio D N. *Denarius RATS. Ravennatis Urbis*, tum quod id haud obscure indicent litteræ in eo expressæ; tum etiam quia in nummo apud Zenum ejusmodi monogramma flet loco illius, quod in *Ravennæ felicis* nummis, ad ejusdem urbis nomen significandum scalpi consuevit. Ut ut sit, notandum est hunc Justiniani nummum in Museo quoque laudati Zeni adseruari hoc discrimine, quod ad dextrum monogrammatiss. latus pro D littera S legatur. Muratorii autem interpretatio partim corrui; sed explicari commode poterit S. N. *signatus Nummus Ravennatis Urbis*: non enim latinus sermo tunc elegantiss., ac perspicuitatis gloria florebat.

(a) Vide Cl. Maffejum Veron. *Illustr. pluribus in locis; Vignolium in Denar. Pontific. Montfauconium Diar. Ital. c. 2. Lupum S. J. Presbyterum in Epitaph. Severæ, Paralep. Francisci Antonii Zacariæ in Titi Flavii Clementis Vini Consularis Tumulum ab Edwardo de Vitry illustratum*, aliosque.

(b) De Re Diplom. pag. 164.

CAPUT TERTIUM.

De Imperatorum Nummis Ravennæ signatis, quum Exarchi occiduas res moderarentur.

I.

DICTURUS de eo nummorum genere, qui Exarchorum ævo Ravennæ signati sunt, ingenue fateor me non leviter commoveri, (a) quum sciam eos, qui Romana, Græcæque numismata, insculptas, excalptasque gemmas tractare solent, veteraque ob artem miranda artificia contemplari, hæc sequioris ætatis, magnifica licet vestigia, ut pote inelegantia..... aspernari, quod morosis illis Antiquariis, qui altero a superiori sæculo florere, solemne fuit, ac plane dolendum, quum plura ab iisdem neglecta perierint, quæ non modicum lucis tenebricosis iis sæculis affundere poterant. Verum quando operis ratio id postulat, in arenam alacres descendamus necesse est. Everso per Belisarium, atque Narsetem strenuissimos Justiniani duces Gothorum regno, iisque ab Italia expulsis, novum Ravennæ dominationis genus institutum est. Eodem siquidem tempore, quo Langobardi, auctore eodem Narsete (b) ut Anastasius, ac Varnefridus tradunt, in Italiam irrupere, Exarchi, ~~Græcorum Imperatorum~~ Præfecti, primum missi sunt, qui utcunque Langobardis resistentes, Imperium ~~pene~~ omnino

(a) Ex Francisco Valesio V. Cl. Diss. de Turri Comitum, quæ exstat in Collect. Calogerà Tom. 28. p. 35. & seq.

(b) Narsetus obitum circa annum 574. consignat Agnellus, cui Anastasius consensit. Dubia igitur redditur sententia Baronii Langobardorum adventum in Italiam contigisse asserentis ann. 567. vel 568. Hoc ideo adnotandum duximus, quod nonnulli Baronium secuti, Narsete mortuo, Fl. Longinum in Italia a Justino missum aurument, inter quos Mediobarbus: diximus enim usque ad annum 574. vixisse. Quicquid tamen hac de re sit, erravit Henschenius, a Bacchinio notatus, quod ad caput primum vitæ Maximiani Archiep. ex Rubeco desumptæ dicat, Exarchos Vigilii Pontificis ac Justiniani temporibus Ravennæ fuisse, quum ante Langobardorum irruptionem nequaquam in Italiam missi fuerint.

nino lapsum, eversumque tutarentur, (a) longe tamen majora, ac Barbari ob impotentiam, atque avaritiam eidem damna inferebant. Verum tandem Langobardis victas manus dare coacti sunt, Aistulpho eorum Rege Ravennam armis occupante (b). Cæpit, ut diximus, isthæc Exarchorum dominatio sub annum 568. circaque annum 751. vel 752. extincta est, postquam annos circiter 185. Italiæ præfuisset. A Gothis autem exactis usque ad Exarchorum adventum monetæ Ravennæ cudi minime desisse docent duo numismata Justiniani apud Bandurium anno 558. scalptra, & alterum ab hæredibus Zavoniorum servatum (c), ad annum eundem referendum. Miramur autem in iis nullam habitam esse rationem ætatis: eodem enim typo conflata sunt, quæ Justiniani florentis nummi signari solebant. Ea ita se habent:

D N IVSTINIANVS P F AVG. *Caput Justinianicum stemmate cristato ad pectus cum lorica; dextra tenet globum crucigerum, sinistra elata cum crucicula a suisvis in aera.*

ANNO XXXIII. M. *magno intermedio cum crucicula supra, & infra inter crura A, in ima parte RAVEN.*

D N IVSTINIANVS PIC (sic) *caput Justiniani, ut supra.*

ANNO XXXIII. M. *magno intermedio cum crucicula supra, in ima parte RAVENNA.*

IVSTINIANVS *Caput Justiniani, ut supra, dextra globum crucigerum tenentis.*

ANNO XXXIII. M. *magno intermedio: in imo RAVENNA.*

Tab. II.
N. 10.

II.

(a) D. Gregorius M. lib. 5. epist. 42. Romani fraudes, nequitiamque exagerans hæc habet: ejus in nos malitia gladios Langobardorum vicit; itaut benigniores videantur hostes, qui nos interimunt, quam Republicæ Judices, qui nos malitia sua, rapinis, atque fallaciis in cogitatione consumunt. (b) Rub. lib. 4. p. 227.

(c) Illud nobiscum communicavit Petrus Franciscus Manettus Mutinensis, Sanctæ hujus Metropolitane Ecclesiæ Canonicus Pœnitentiarius, atque Seminarii Rector, quem honoris causâ nominamus.

II.

JUSTINI Junioris, qui Justiniano Avunculo successit, & a quo Exarchi primum missi sunt, nullum vidi nummum ad Ravennam pertinentem. Nemo, reor, inficiabitur id temporum injuriæ esse tribuendum, suffragium ferentibus hac de re nummis Græcorum Imperatorum imaginem præferentibus, qui Justinum exceperunt. Suspiciari etiam quis poterit, num Ravennæ tribuendæ sint nonnullæ Justiniani monetæ, quæ nullum Urbis signum exhibent, in qua causæ fuerint, quomodo barbaries per ea tempora longe lateque grassaretur. Certe Longinus Exarchus diu Ravennæ moratus est, ibique complura memoratu digna gessit, quamvis Langobardi, nonnullis Urbibus direptis, everfisque, magna Italiæ parte potiti sint: Neque dubium esse potest eam Civitatem per id tempus cudendis nummis supersedisſe, quæ præ ceteris Italiæ Urbibus florebat, ubique Imperatoriæ Leges, Jurisque Scientia tantum vigeat: teste enim Grævina viro summo, Ravenna ad reliquas Italiæ partes ea dimanavit.

III.

A Justino ascitus in Imperium Tiberius Constantinus Thrax anno 578. postquam Mauricium Generum suum adoptasset, anno Imperii quarto (a) e vivis sublatus est: Princeps profecto sapientia, æquitate, strenuitateque conspicuus. Hujus singularem nummum ad Ravennam pertinentem ex suo Museo nobis suppeditavit Vir nobilissimus Annibal Oliverius, in cujus antica cernitur *Imperator cum diademate, addita epigraphe* TICO - AN PP A *in postica vero* M. Tab. II.
n. 11. *magnum, ad cujus pedes litteræ* RAV.

(a) Vide quæ habentur in epistola, quam appendicis loco capiti quarto subjecimus.

IV.

TIBERIO Constantino mortuo ann. C. 582. Mauricius, qui Augustus jam fuerat renunciatus, Imperii habenas moderari cepit. Ut rebus Italicis labentibus opem ferret, ac Barbaris validius resisteret, in Regni sui primordiis Longino (a) Zmaragdum suffecit, qui, si Historicis fides habenda, Ravennæ oris ann. 583. appulit. Is ut Ravennatibus rebus consulere, bellum Classense, quod tamdiu Longinum distinuerat, feliciter confecit, ac Classense Oppidum, Langobardis propugnantibus partim cæsis, partim male mulctatis, recepit. Revocatus a Mauricio fuit circa annum 587. postquam sæpius, ut Pomponius Lætus apud Rubeum scribit, victor ab Hostibus Langobardis excessisset. Tres in Occone aucto ex Ducangio, ac Strada, Mauricii nummi exhibentur, quorum descriptionem sic habeto:

D. N. MAVRIC. TIBER PP. AVG.

(b) *M. Magnum in medio nummo cum crucicula supra. Ad latera ANNO QNNO. in imo RAVEN. ex Mediob.*

Tab. II.
n. 12.

D. N. MAVRITIVS. PP. AVG. *Caput Imp. globum crucigerum tenentis.*

ANNO QUINT. M. *magno intermedio cum crucicula supra, & intra crura G. In imo RAVEN. ex Mus. Zavon. & Classensi, cum hoc discrimine, quod Zavonianus nummus QNNT refert.*

D. N. MAVRIC. TIBER. PP. AVG.

S S
X + X

RAVEN ex Mediob. Band. aliisque.

D. N.

- (a) *Augusti quum soli imperare cæperunt, revocato qui sub Prædecessore administraverat, alterum in Provinciam mittebant. Ita a Mauricio Zmaragdus, a Phoca Smaragdus iterum, ab Herculo Johannes Demiger, seu Remiges, & a Constante Theodorus Calliopas missi sunt. Banchin. Observ. ad vit. Mauri. Schismatici P. II. p. 289.*
- (b) *Prior nummus referendus est ad annum 587. quo revocatus est Zmaragdus, Romano Patricio, quicquid alii dicant, eadem suffecto. Posteriores vero duo annum vigesimum Mauriciani Imperii indicant, quod Christi anno 602. respondet.*

D. N. MAVRIC PP. AVG.

S S

X + X

RAVEN. Ex iisdem.

D. N. MAVRITIVS. PP. AVG. *Caput Imp. globum tenentis* Cc.

R K A

VENN. ex Bandurio, & in Mus. Zvon. Clafs. & apud nos varie expref.

Caput Mauritiū cum diademate ex unionibus, globum crucigerum tenentis. Tab. II. n. 13.

M. Magnum cum litera I supra. In imo RAV. ex Mus. Zvon. & Clafs.

Non fumus nefcii dubitari poffe, num posterior hic nummus ad Mauritium fit tribuendus, cum ipfius formam minime referat. Verum alii viderint. Nos in rebus adeo obfcuris nil definire audemus.

V.

A Phoca abdicare coactus Mauricius, cum quinque filiis interfectus eft; quorum fecundo loco genitum (a), Tiberium nomine, Occidentis Imperatorem deftinaverat, quamvis per Exarchos quicquid hujus Imperii erat reliquum regi foleret. Præerat tunc Italicis rebus Callinicus, qui non multo poft Ravennæ obiit, Zmaragdo iterum in Italiam miffo. Singularem Phocæ nummum Ravennæ fculptum vidi apud (b) Bandurium ita defcriptum:

D. N. FOCAS PERP. AVG. *Caput Phocæ.*

(c) RAVENNA (fic) K in medio nummo cum crucicula fupra.

G 2

Alte-

(a) Murator. Annal. Ital. Tom. IV. ad ann. 602.

(b) Tom. II. pag. 674.

(c) Difficillimum effer annum definire, quo fignatus fuit nummus, tum quod per notam nullam id indicetur, tum quod in Phocæ nummis annorum numerus valde claudicat: in iis enim, in quibus annus xxxx. vel xxxxi. legitur, monetæ pretium designari optime conjecit Jobertus (Inft. XI.) quod octo tantum annos Phocas imperavit. Non igitur in obfcuris rebus, nobis auctoritatum præfidio deftitutis, diutius, quam par eft, immorandum.

Tab. II.

^{n. 14.} Alterum autem in eadem urbe signatum in suis cimeliis servat Dominicus Pulazzinus Patricius Cæsenas, qui Antiquitatis studio plurimum delectatur. Is ita se habet.

D N FOCAS PERP. AVG. *Caput Phocæ Acaciam (a)*
dextra, globum crucigerum sinistra tenentis

ANNO

X * X

RAV

V L *

(b) SUCCESSIT Phocæ Heraclius, omnibus notus non minus religione, cui in Regni sui primordiis impense armis favit, quam hæresi Monothelitarum Dæmonumque præstigiis, quibus in senectute deditus omnino fuit, quamvis Chosroe victo, ac profligato, Persideque vastata Christi Crucem feliciter, ac non sine speciali Numinis auxilio recepisset: quibus omnibus accessit turpe illud cum Fratris Filia matrimonium, quod jure quisque improbabat. Sexto, & sexagesimo ætatis suæ anno occubuit, priapismone, an hydrope incertum, postquam annos triginta, quatuor menses, ac dies sex regnasset. Editis Heraclii nummis aliquot Ravennæ scalptos addemus, qui annorum, quibus imperavit, seriem plurimum juvabunt.

Æ. D D. N N. HERACLIVS ET HERA CONST.

PP. AVG. *duo Imperatorum capita, viri nempe, ac pueri*

- (a) Post Anastasium mappa genus in Augustorum manibus visitur, græcis AKAKIA dictum, quo is, qui circensibus ludis præerat, cursui signum dabat. Eo proprio veluti signo Græci deinde Imperatores uti sunt, postquam Consules perpetui esse voluerunt. Vide quæ post Ducangium, ac Bonarotium notat Bimardus (La Scienc. des Médail. T. I. p. 21.) ut siue eorum opinionem diluat, qui putant Acaciam sacculum fuisse cinere, ac pulvere oppletum, quo accepto Augusti dum turpissima adulatione consecrarentur, monebantur, ut pietatis, mortisque recordarentur; siue aliorum, qui ajunt Acaciam volumen quoddam ebriarum fuisse, quod Principibus, Consulibusque præbatur, ut responsa darent.
- (b) Id contigit ann. 610. Vide hac de re Agnelli sententiam P. II. p. 239. & quæ commentatur doctissimus Bacchinius, ut eorum temporum Chronologiam restituat.

pueri cum stematibus crucigeris (a) supra, inter utriusque caput crucicula.

X * X in medio nummo; in ima vero parte RAV. ex Ducang.

D. N. ERACLIO AVG. Duo capita gemmata corona redimita.

X * X

RAV ex eodem.

DD. NN. HERACLIVS. ET. HERA. CONST. PP. ^{Tab. II.}

AVG. Duo capita, viri scilicet, ac pueri, & in ^{n. 15.} priore, litteris, nomina referentibus, pene deletis.

ANNO VII. M. magno intermedio cum crucicula supra: in imo RAV. ex Mus. Zavoniorum.

DD. NN. HERACLIVS. ET. HERA. CON. PP. A.

Tria Imperatorum capita tertium crucigerum habentia: quod a dextra cernitur, Augusta.

(b) ANNO VII. M. magno intermedio: in imo R A. apud Bandurium.

DD. NN. HERACLIVS. ET. HERA. CON PP. Duo

Imperatorum protomæ, quarum quæ ad dextram augusta. Media habitum consularem gerit, seu Lorum. Supra singula capita adest crucicula.

ANNO VIII. M. magno intermedio cum crucicula supra, & infra crura A: in imo vero R A. ex Ducang. & Band.

DD. NN. HERACLIVS ET HERA CON PP. ^{Tab. III.} Duo

Imperatorum capita, & alterum Augusta cum cru- ^{n. 16.}
cicu-

(a) Heraclius Constantinus, de quo in nummo, coronatus fuit anno Heraclii III. Christi 612. Eodem hoc anno Joannes Lemigius Thrax Zmaragdo sufficitur, ab eoque duos hosce nummos percullos putamus.

(b) Hunc nummum vidimus etiam in Museo Zavoniorum, & apud nos in adversa parte pro M magno litteram K præferentem. Circa hunc annum autem qui fuit Christi 617. Eleuterius, qui Lemigio a Ravennatibus interfecto, quod superbe se, arroganterque gereret, ac tributa inclementer exigeret, successerat, Campani perfidia vindicata Regem se Italiam declaravit. Verum a Ravennatis militibus Ducibus apud oppidum Luceolum trucidatus est, quum Romam, Imperium suum confirmaturus, se conferret. Vides autem in nummo Heraclium ipsum, Martinam Neptem, quam uxorem duxerat, eorumque Filium Heraclium Constantinum, anno 613. Imperii Collegam declaratum.

ciculis in vertice, si (a) Augustam excipias. Apud nos.

ANNO XVI. M. magno intermedio cum crucicula supra: Intra crura A. in imo RAV.

Tab. III.
n. 17.

D NN HERIA. Eodem typo. ex Museo Jani Planci.

ANNO XVI. Heraclii monogramma cum crucicula supra: in imo RAV.


DD. N. HERIA. Tria Capita, ut superiora.

HK. Nempe Heraclii monogramma, sub quo ad-sunt binæ Cruces. Mediob. ex Ducang.

Eodem typo.

(b) ANNO XX. M. magno intermedio, supra monogramma Christi, infra inter crura A, in ima parte RAV. Ducang. Band. Oc.

Eodem typo.

(c) ANNO  M. magno intermedio cum Christi monogrammate supra, in imo vero RAV. Ducang. Band.

Duo Imperatores stantes, qui a dextris est altior habitu militari, dextra hastam tenens pedeque dextro sedentem captivum calcans. Eum quoque vidimus in Foro Livii apud Georginum Medicum Meldulensem.

ANNO XXI. M. magno intermedio cum crucicula supra; infra vero crura Δ, & in ima parte RAV. Ducang. Band.

(d) Duo Augustorum capita, senile unum, juvenile alterum, Cruce intermedia.

ANNO

(a) Hoc tempore res moderabatur Ysaacius Patricius, qui virtutis gloria, reliquisque animi dotibus florebat, ab Heraclio suffectus Eleuterio. Hortatu Honorii Pontificis hoc ipso anno 615. Provinciam sumit Alvaldi in Regnum restituendi, quod illi feliciter omnino cessit: quamvis non ita multo post Alvaldus, conspirantibus Atrianis, veneno sublatu fuerit.

(b) Hic & sequentes duo nummi male a Ducangio referuntur ad Constantem, iis de causis, quæ supra retulimus.

(c) Obscuros hos characteres fortasse intelliges, si adibis Cl. Beveregium Insit. Chronolog. p. m. 226. & seq.

(d) Hunc pariter annum XXII. Heraclii exhibentem vidimus apud Guastucium tres Imperatores stantes in antica præferre. Illum haud incidendum curavimus, quod ejusmodi anterior pars in nostris tabu-

RAVENNATIBUS. 55

ANNO XXII. M. magnum in medio nummo, cu-^{Tab. III.}
jus interiores litteræ ita interfecantur, ut veluti A^{n. 18.}
magnum efforment. Supra adest crucicula: infra
RAVE. ex Museo Annibalis Oliverii.*

DDNN HERACLIVS ET HERA CON. Duo Imp^{Tab. III.}
stantes, qui a dextra habitu militari, & altior^{n. 19.}
basta tenet; alter globum crucigerum.

ANNO XXIII. M. magnum in medio nummo in-
terioribus lineis A efformans, cum crucicula su-
pra. In imo RAV. Ex eodem Museo.

Tres Imp^{Tab. III.}
ANNO XXIII. M. magnum cum Christi mono-
grammate, ut supra: in imo RAV. apud Olive-^{n. 20.}
rium, ac Baptistam Costam Pictorem Ariminensem.

Iidem tres Imp^{Tab. III.}
ANNO XXV. cum M. magno, ac Christi mono-
grammate. Infra RAV. ex Mus. Zävon.^{n. 21.}

Eodem Typo.
ANNO XXVII. in exergo RAV. Ex Museo Oli-^{Tab. III.}
verii, & Guastucci.^{eodem numero.}

Tres Augg. ut supra, sed in laurea.
(a) ANNO XXX. M. magnum cum reliquis pa-^{Tab. III.}
riter in laurea. In imo RAV. Apud Oliverium,^{n. 22.}
Plancum, ac Pulazzinum.

Duo Imperatores stantes cum sermo crucigero, crucicu-^{Tab. III.}
lam oblongam tenentes. Ad laevam adstat labarum^{n. 23.}
cum voce (b) NIKA.

M. ma-

tabulis sat frequens occurrat. Servat eum etiam Oliverius: cum hoc
discrimine, quod duos Imperatores stantes ostendit, quorum qui a
dextra habitu militari incedit, ut in sequenti nummo, sed sine
Epigraphæ.

(a) Spectat hic nummus ad emortualem Heraclii annum, eodem Isacio Ita-
liam regente, qui sequenti anno, Christi nempe 641. & ipse migra-
vit ex hac vita, postquam summa cum laude exarchatum modera-
tus esset.

(b) Vides heic unum ex iis verbis in Cælo expressis, quibus Constantino
Magno Victoria prænnunciabatur: nempe: *ni ka rika*, vel *in ni ka rika*;
hoc est: *hoc vince*; vel *in hoc vince*. Consule exercitationem criti-
cam Jo. Alberti Fabricii, qua disputatur Crucem, quam in Cælis
vidisse se juravit Constantinus Imp. fuisse Phenomenon Naturale in
Halone Solari, ubi plura de hoc eodem verbo erudite pronuncian-
tur.

M. *magnum cum Christi monogrammate, ut supra: ad lastra* ANNO XXX. in imo RAV. Eum nobis sup-
peditavit Guastuccius.

VII.

Ab Heraclio ad Constantinum Pogonatum gradum facimus, omissis nummis haud sano consilio Constanti ejus Patri a Ducangio tributis. De Constantino hoc, cujus nummum Ravennæ scalptum in suo Museo servat Vir de hac nostra Dissertatione optime meritus Annibal Oliverius, & alterum Guastuccius noster, pauca dicamus necesse est. Is anno 668. ad Imperium evehctus, in id unum incubuit, ut bellum cum Saracenis, qui septem annos Constantinopolim obsedere, conficeret, paxque in annos triginta optimis conditionibus facta est (a). Ad pacandam deinde Ecclesiam mentem, cogitationesque omnes transtulit, hacque de causa sextum generale Concilium indictum fuit, in quo plura sanctissime sancita sunt, sed præcipue decretum est duas in Christo esse voluntates, totidemque actiones, qui secus docuerant pro hæreticis jure ac merito damnatis. Neque universalis tantum Ecclesiæ bono consuluit Constantinus, sed Ravennati quoque mirifice studuit, ut constat ex Privilegiis Reparato Ravennatum Antistiti ab eo concessis (b), quæ in Opere Musivo magnificæ Ædis D. Apollinaris in Classe indicantur. Poenituit hunc Præfulem, postquam a tribus Suffraganeis consecratus fuisset, Palliumque non a Romano Pontifice, sed ab Imperatore accepisset, *Autocephalia* a Mauro inveccta usum fuisse: verum mors fuit in causa, cur honos ad Pontificis obedientiam redeundi Theodoro ejus Successori reservaretur (c). Nummum Pogonati, quem priori loco exhi-

Tab. III.
n. 24.

tur. Ea autem habetur in Volumine VI. Biblioth. Græc. Nil de Labaro addam, quod de eo multi agant, ac præcipue præstantissimus Spanhemius de P. & V. Num. diss. 21. ubi de signis agit.

(a) Theophanes, Cedrenus, Diaconus, alique.

(b) Vide Agnellum in vita Reparati, atque Bacchinii in eandem observationes: quibus addes Ciampinium Vet. Monum. P. II. hac super re adversus Aqueductium Camaldulensem Monachum, & adversus Fabrium differentem. (c) Anastasius Bibliot. in Bono.

exhibemus, dubio procul cūsum fuisse a Theodoro II. Exarcha putamus., qui Gregorio suffectus est. Ille autem est ejusmodi:

DN CONSTANTINVS PP. *Imp. globum crucigerum tenens.*

(a) M. Magnum intermedium cum crucicula supra, & annus tertius ad latera. In imo RAV.

D. N. CONSTANTINVS Imperator cum stemmate cri-^{Tab. 14.}
stato, dextra gestat spiculum humero dextro innixum.^{n. 25.}

M. magnum cum crucicula supra, & inter crura O. ad latera duo Imperatores stantes, dextra Crucem longiorem tenentes.

VIII.

GRÆCORUM Imperatorum, quorum nummi apud nos scalpti supersunt, postremus est Leo Isauricus. Successit hic Theodosio Dramitteno, qui ei sponte cessit Ann. Ch. 717. Indictione 15. VIII. Kal. Aprilis, ut ex Theophane optime docet Petavius. Quam crudeliter in Sacras Imagines sævierit, edictum illud testatur, quod (b) anno 730. Indict. 13. proposuit. Studuit Gregorius II. tunc Pontifex per litteras ab hæresi illum abducere, sed frustra: quapropter Romani Concilii Patribus hortantibus, eum anathemati subjecit; quo factum est, ut quicquid Italiæ erat reliquum ab ipso desciverit, Classe frustra contra Italos missa, quæ anno 732. in Adriatico mari tempestate jactata periit. Quot scelera adversus Ravennam, in epistola priore, quam Gregorius II. ad eum misit, Metropolim dictam, contraque ipsum Pontificem molitus fuerit per suos Exarchos, perque Luitprandum Langobardorum Regem, nemo est qui ignoret. Verum sic restitit Summus Pontifex, ut Langobardo occurrens, eum flexerit, atque a proposita sententia dimoverit. Obiit scelestissimus Vir ann. Ch. 741. postquam vigesimum quintum Imperii sui annum inchoasset. Tres sub Leone Ravennæ Exarchi mo-

H rati

(a) Annus III. Constantini convenit cum anno Ch. 670. Septem & duos regnavit annos, obiitque anno 685.

(b) Theophan. Diacon. & Nicephorus.

rati sunt, nempe Scholasticus, Paullus, atque Eutychius, qui Imperante Constantino Leonis filio circa annum 751. vel 752. Aistulpho Ravennam cedere, atque in Græciam se recipere coactus est: sicque Exarchatus Italiæ omnino periiit. Sub quonam ex laudatis Exarchis scalptus fuerit æreus nummus, quem ex Museo suo nobiscum suppeditavit V. Cl. Janus Plancus, fatemur nos ignorare. Illum pro capitis hujus coronide describemus.

Tab. IV
n. 26.

D LEON..... *Imperator cum crucicula supra caput, globum crucigerum manu tenens.*

M. magnum in medio, supra quod crucicula: infra RAV.

I X.

EORUM Augustorum serie expleta, quorum nomina, atque effigies in nummis Exarchorum ævo apud nos scalptis cernuntur, rerum ordo posceret, ut de Langobardis aliqua dicerentur: scimus enim Aistulphum, hac urbe capta, Ravennæ aliquando moratum fuisse, ejusque Ecclesiam (a) pluribus donis ditasse, postquam *Petrinam* Ædem, quæ terræ motu corruerat, restaurasset: verum quando nullum illius temporis Monumentum id indicat, reliquum est, ut ad monetas nostrorum Antistitum, quibus nil potius unquam habuimus, deveniamus.

(a) Agnell. in Vit. Sergii P. II. p. 422. Sigon. de Regn. Ital. lib. 3. Rub. lib. 4. pag. 221. & seq. alique.



CA-

CAPUT QUARTUM.

De Nummis Ravennatum Archiepiscoporum, quibus ii adduntur, quos Commune Ravennae signavit.

I.

RAVENNATES Archiepiscopos Romani Pontificis beneficio, non Pallium modo (a), ac *Metropolitanam* Potestatem jam inde a Valentiniani III. temporibus assecutos esse, ni malimus eam ab Apostolorum temporibus cum Rubeo, aliisque derivare, sed & sæculo Ch. octavo universum Exarchatum cum tribus Tribunis, qui Comitibus publicis eligerentur, administrandum suscepisse, constat inter omnes. Hinc factum est ut eorum potentia, ac dominatu amplificato, etiam post *Autocephalam* extinctam Summis Pontificibus aliquando restiterint. Nummosne cuderit Leo Archiepiscopus, qui primus inter Ravennæ Antistites Exarchus (b) a Stephano II. renunciatus est, ignoro: non enim me omnibus hac super re Monumentis destitutum divinandi cupido cœpit. Certe si Reparati Vitam consulamus, comperiemus Agnelli temporibus *publicam Monetam* Ravennæ fuisse. Vitam autem produxit Agnellus *ad ea tempora*, quibus Ravennatum Antistites rerum potiebantur: quis autem in *animum* inducat Præsules Urbis pæne Dominos ab hac re temperasse? Verum id alii viderint: nos ea tantum proferemus, quæ tempus, quo Præsules nostri signandorum nummorum prerogativa donati sunt, liquido declarant, ut horumce nummorum series, quantum per sequioris ævi obscuritatem licet, illustretur, libentissime consentientes plurimum debere nos V. Cl. Petro Paullo Ginannio Cassinatium Præsidi, ac D. Vitalis

H 2 Abba-

- (a) Consule Bacchin. in Præfat. ad Agnelli Historiam late, atque erudite de hoc differentem adversus Rubeum.
 (b) Hoc nomen, quod tunc potestatis fuit, successu deinde temporis nostris Archiepiscopis honoris tantum causa permissum est. Consule Rubeum pluribus in locis, Fabrium, alioque.

Abbati, qui luculentissimum Indicem Tabularii Archiepiscoporum Ravennatum adornavit, ex quo ubi singula monumenta hac de re agentia delitescerent didicimus, cumque nostris Scriptoribus contulimus, ut sive errata corrigerentur, sive quæ deerant supplerentur.

II.

PRIMUS (a) inter Ravennates Archiepiscopos cudendæ monetæ jure donatus est A. C. 998. Gilbertus natione Gal-
lus, quem alii Gerebertum, alii Herbertum adpellant, ut
videre est in Appendice ad Agnellum p. 92. Nos Gregorii V.
litteras, & celeberrimi Codicis Farfensis auctoritatem secu-
ti, Gerbertum vocabimus. Hic est Gerbertus ille, primum
Floriacensis Monachus, deinde Remensis, ac postea Raven-
næ Archiepiscopus, qui tandem Silvestri II. nomine Roma-
nus Pontifex creatus est. Exemplum litterarum Gregorii ad
Gerbertum, vetustate colendum, atque ab Aloysio Amade-
sio Viro eruditissimo, atque amicissimo nobiscum commu-
nicatum, iterum vulgandum duximus, ut quisque oculis
usurpare queat, quantum ab ea lectione, quam Rubeus ex-
hibuit, sive Orthographiam spectes, sive verba ipsa, discre-
pet. Monitos autem Lectores volumus, tabulas eas omnes,
quarum numerus tantum hoc, ac sequenti Capite indicatur
in notis, loco prætermisso, unde depromptæ fuerint, ad idem
Archiepiscoporum Tabularium pertinere: id enim hoc con-
silio fecimus, ne eodem nomine sæpius repetito nauseam
alicui crearemus (b). "Gregorius Episcopus Servus Servo-
rum Dei Gerberto Sancte Ravennæ Ecclesiæ Archiepisco-

" po,

(a) Diximus priorem Rav. Archiepiscoporum fuisse Gerbertum, qui facul-
tatem obtinuerit cudendæ monetæ, quod nullum antiquius de hoc
documentum extet. Memorat quidem Rubeus in Indice Scripturarum
Archivi Romani ad Archiepiscopatum spectantium *Privilegium Ottho-
nis III. de moneta cudenda*, concessum ann. 993. verum quum illud
minime viderimus, neque Rubeus in Historiis suis referat, liceat no-
bis ab eo Archiepiscopalis monetæ epocham minime derivare, vel
de illo saltem prudenter ambigere.

(b) Existat in Capſa F. num. 1983. verba autem Diplomatis, quæ signavi-
mus, nulla in notis adjecta lectione, quæ ab iis discrepet, vetustas
delevit.

„ po , ac (a) *nostro Spirituali Filio* , ac per te in eandem
 „ Ecclesiam , cunctisque Successoribus tuis Archiepiscopis
 „ *in perpetuum* . Quoniam Apostolice Sedis benevolentia ,
 „ & antique Sedis consuetudini , Zeloque *provocati frater-*
 „ *nitatem tuam* Eccl. rav. prefecimus , insignia presulum
 „ ejusdem Eccl. dignum duximus t.ⁱ conferenda cum usu
 „ pallii , quo uti (b) *debebis* certis temporibus , certisque
 „ modis , sicut antecess. *tuos usos fuisse cognosces* . Hoc
 „ te (c) *nilominus admonentes* , ut sicut a nobis vius deco-
 „ ris usum , ac Sacerdotalis officii honorem accepisse te gau-
 „ des , ita etiam morum , atque actuum probitate susceptum
 „ in Christo Sacerdotium adornare contendas : sic enim *al-*
 „ *terno eris* decore conspicuus , si cum habitu corporis , men-
 „ tis quoque bona concordant , ut foris compositus , *intus*
 „ *autem directus* , Deo cum Propheta vere dicere possis , Pro-
 „ video Deo in conspectu meo semper , ut sit a dextris
 „ mihi ne unquam commovear . Ut autem *caritate* (d) in
 „ nobis fundate dulcedinem recognoscas , ex gratuita largi-
 „ tate nostra post mortem Adeleide imperatricis *auguste* do-
 „ namus tibi , tueque Eccl. districtum rav *urbis* , ripam in-
 „ tegram MONETAM , toleneum , mercatum , muros , &
 „ omnes portas civitatis . Si vero alia privilegia aliquibus
 „ facta aparuerint Sancte Ecclesie *obnoxia* , & vii nostro pri-
 „ vilegio contraria , auctoritate Dei , & Sancti Petri ad ni-
 „ hilum redigenda illa diiudicamus , & hoc , quod facimus ,
 „ stabilimus , & intactum permanendum jubemus . Donamus
 „ tibi , tueque Ecclesie Comaclensem comitatum post mor-
 „ tem Adeleide imperatricis *auguste* , ut tu , tuaque Sancta
 „ Ecclesia , tuique successores illum cum omnibus inibi per-
 „ tinentibus libere teneant , & ordinent in perpetuum , &
 „ quod bene factum est , ut bene reservemus , & in melius
 „ corroboremus privilegium , quod tuo predecessori Johan.
 „ cum monteretrana , & Cervienfe (e) *Ecclesias* , & cum
 „ omnibus que sibi largiti sumus ex nostra benevolentia ti-
 „ bi , tueque Sancte Rav. Eccl. tuisque Successoribus confir-
 „ mamus , & incorrupta semper esse decernimus . Item
 „ Mo-

(a) Er. (b) debeas (c) nihilominus .
 (d) Caritatis (e) Ecclesiis .

„ Monasterium Sancti Tome apostoli, & Sancte Eufimie mar-
 „ tiris cum omni integritate eorum, & omnibus, *cum omni*
 „ (a) *possessioib. & reb.* eorum cultis & incultis tam in civitate
 „ Ariminensi positis, quam extra, scilicet in Comitatrib. Pi-
 „ sauriensi, Ariminensi, & Monteferetrano collocatis; Que
 „ omnia per centum jam curricula annorum vestra Ecclesia,
 „ & vestri Antecessores tenuerunt, & vos Deo gratia tene-
 „ tis quiete, idest Castellum, qd. voc. Ligabicei cum om-
 „ ni pertinentia sua, nec non & castrum qd. voc. Grana-
 „ riolo cum omnibus rebus & possessionibus suis; & (b) *ca-*
 „ *stellum qd. voc. e curbino cum omni integritate sua,*
 „ *nec non & integrum Castellum, quod vocatur Crucis cum*
 „ *omnibus rebus, & possessionibus suis;* & ut paternitas bo-
 „ nitatis nostre filiationem tue devotionis summo affectu,
 „ & affluenter in Christo enutriet auctoritate Dei omnipo-
 „ tentis, & Santi Petri principis Apostolorum hoc nostro pri-
 „ vilegio preceptum de regienſe Episcopatu cum omnibus
 „ sibi adjacentiis a *VV* Othone (c) Augusto tibi, tueque
 „ Ecclesie, tuisque Successoribus attributum, confirmamus,
 „ stabilimus, & inconvulsum permanendum precipimus, ut
 „ teneas, defendas, regas, & ad Dei onorem tam tu, quam
 „ successores libere ordinetis. Confirmamus etiam tibi, tue-
 „ que Ecclesie in perpetuum donamus *Cesenam* cum omni-
 „ bus (d) *sibi* pertinentibus, & potestate apostolica jube-
 „ mus, ut de subtus strata usque ad mare nullus audeat di-
 „ strictum, aut venacionem ullam exercere, nisi cui tu,
 „ aut tui successores jusserint, sed absque omnium homi-
 „ num inquietudine ad onorem, & utilitatem tuam pote-
 „ stative omnia ibi facias, & precipias. Omnia etiam pri-
 „ vilegia jam pridem a Predecessoribus nostris tue Ecclesie
 „ collata, omniaq. precepta aut a regibus, aut imperato-
 „ ribus pro Dei respectu attributa hoc nostro privilegio in
 „ voluntate Dei, & auctoritate Sancti Petri confirmamus,
 „ corroboramus, & in eternum valere volumus, & preci-
 „ „ pi-

(a) rebus & possessionibus. (b) Hæc omnia defunt in Rubeo. Ginan-
 nius autem laudatus ita supplet duo verba, quæ temporum injuria
 periere: quod vocatur Montecorbino.

(c) Vides hæc confirmari donationem Othonis III. cui fortasse adjicieba-
 tur privilegium de moneta cudenda, de quo supra. (d) inibi

„ pimus. Si quis igitur contra ec q. p. hoc nostrum privi-
 „ legium pie, & firmiter disposita sunt, temerario ausu ire
 „ *temptaverit* (a) sciat se auctoritate beati Petri principis
 „ Apostolorum, cuius immerito vices agimus, anathematis
 „ vinculo innodatum, & cum diabolo, & juda traditore
 „ (b) *eterni* supplicii incendio concremandum, sicque inre-
 „ mediabiliter involvendum, ne unquam a nexibus anathe-
 „ matis sit absolutus. At vero, qui observator (c) *in om-*
 „ *nibus existerit*, custodiens hujus nostri Apostolici constitu-
 „ ti auctoritatem, ad cultum Dei nostri respiciens, bene-
 „ dictionis gratiam a misericordiosissimo Deo nostro multi-
 „ pliciter consequatur, & vite eterne particeps efficiatur
 „ (d). *Scriptum* per manum Petri Notarii, & Scriniarii
 „ Sancte Romane Eccl. in mense Aprili, & Indictione xi.

„ (c). ✱ Benevolentie.

„ Dat. IIII. Kal. Maii per manum Episcopi Sancte Alba-
 „ nensis Eccl. & Bibliothecarii Sancte Apostol. Sedis anno
 „ Pontificatus Domini Gregorii Summi Pontificis, & univer-
 „ salis Pape in sacratissima Sede beati Petri apostoli anno
 „ secundo, Imperante Domno Otone III. a Deo coronato
 „ magno, & pacifico imperatore, anno secundo in mense,
 „ & indic. supradicta undecima.

„ (f) *Ego Rambertus Christi misericordia rav. tabelleo, &*
 „ *not. Sancte rav. Ecclesie scripsi oc exemplum.*

III.

DE harunce litterarum sinceritate dubitat doctissimus Mu-
 ratorius (g), I. quod minime constet Romanos Pontifices per

(a) tentaverit (b) deest in Rubeo.

(c) extiterit in omnibus. (d) Datum IIII. Kal. Maii &c.

(e) Male Rubeus pro Undecima decimam Indictionem scribit: Id nos edo-
 cet exemplum ipsum litterarum bis laudatam Indictionem referen-
 stum, ut legenti apparet; constatq. ex Pagio hunc Pontificem IIII.
 Kal. Maii in secundo regiminis sui anno fuisse.

(f) Hæc omnia desunt in Rubeo. (g) In libro, cui titulum fecit: *Of-*
servazioni sopra una lettera intitolata „ Il Dominio temporale della Se-
 de Apostolica sopra la Città di Comacchio p. 30.

ea tempora urbes donare fuisse solitos. II. quod donatio in litteris indicata tanta sit, ut injussu Imperatoris, cujus in ditione Cymaculum tunc erat, fieri nequiverit. III. quod ad eam Adelaidis Augustæ consensus requireretur, ad quam ea Civitas tunc pertinebat, quæque anno dumtaxat Christi 999 e vivis excessit. IV. tandem quod nonnulla litterarum verba cum Historia pugnent: supponunt enim Othonem Ravennæ Metropolitano Regiensis Episcopatum, qui jamdiu illi suberat, tribuisse, ut diploma ipsum innuere videtur, inquam: *preceptum de Regiense Episcopatu, cum omnibus sibi adiacentibus a VV. Othone augusto tibi, tueque Eccl. tuisque successoribus attributum confirmamus &c.*

I V.

VERUM bona venia tanti Viri putamus cum doctissimo Fontaninio (a), cujus argumenta hic exscribimus, nullam suspicionis notam subesse his litteris. Quis enim ambigat ad Gregorianam donationem asserendam sufficere si constet eam factam fuisse? Id autem in dubium dumtaxat revocabit qui non modo Honorii III. Innocentii II. Gregorii IX. atque (b) Alexandri IV. Pontificum diplomata eandem confirmantia ignorarit; sed nesciat præterea aliquot Imperatorum tabulas extare, quibus idem adstruatur. Neque insolens Pontificum mos fuit urbes donandi: Benedictus (c) enim III. A. C. 857. Interamnæ Civibus suis largitus est, qui illam eversam pene, atque deletam a Spoletinis Ducibus restauraverant. Quod autem ad eam factam tectamque servandam Imperatoris consensio haud requireretur, exemplo suo ostenderunt Veneti, quorum Dux Badoarium fratrem Romam misit, ut Cymaculum *ex Pontificis largitate* consequeretur, ratus nempe injussu Imperatoris donari illud potuisse. Num autem *Principatum Feudorumque Ecclesiasticorum Dominatus* per Pontifices Imperatoribus tribui potuerit, ea conditione adjecta, ut post eorum obitum ad Pontifices eosdem devenirent, docet Baronius (d) ubi ex Cencii Camerarii Codi-

(a) Dominio della Santa Sede sopra Comacchio p. 160. & seq.

(b) Rub. p. 389. (c) Ughell. Ital. Sac. Tom. I. p. 814.

(d) Tom. XII. ad ann. 1133. §. 5.

Codice Diploma exscribit, quo Innocentius II. Papa Lothario II. Imperatori, atque Agneti ejus Conjugi *Allodium* concessit Comitissæ Mathildæ, iis adhibitis solemnitatibus, quæ illustre illud redderent; hac lege tamen, ut post eorum obitum *proprietas*, & *jus ad Dominium S. Romanæ Ecclesiæ cum integritate*, absque diminutione, & *molestia reverteretur*. Ceteras conditiones heic prætermittimus, ne longiores simus; idque tantum addimus, *Allodium* Mathildæ amplissimum fuisse, quum magnam ditionis Mantuanæ, Parmensis, Regiensis, ac Mutinensis partem, omnemque pene Gratinianam completeretur. Quod vero spectat ad verba nostri Diplomatis, quibus Regiensis Episcopus Ravennæ Metropolitano subiecti videtur, dicimus, per ea confirmare Gregorium quoddam privilegium (quodcumque illud fuerit) supra bona Regieusis Episcopatus, Ravennati Ecclesiæ olim ab Othone concessum: frustra enim in illius ævi monumentis eam perspicuitatem requiras, quæ in hac nitidissima temporum luce aliquando etiam desideratur.

V.

NEQUE a Summis Pontificibus modo, ut diximus, eundem monetæ jus Ravennatibus Archiepiscopis confirmatum est; verum etiam ab ipsis Imperatoribus, qui Ecclesiam hanc plurimi semper fecerunt; ni affirmare malimus ab Augustis illud primo dimanasse. Fridericus Cæsar eo Diplomate, quo (a) confirmavit Widoni omnia Privilegia, quæ usque ad eam diem Antecessores ejus fuerant consecuti, hæc habet: *confirmamus etiam prædicto Archiepiscopo Guidoni, & ejus Ecclesiæ districtum Ravenn. cum portis, ripis, & portubus, muris, publicariis, omnibus teloneis, Moneta, & omnem potestatem in omnibus intra, & extra Civitatem Ravenn. exceptis illis nostris regalibus cum districtu &c.*

VI.

IDEM etiam præstitit Anno 1163. Henricus III. ut in laudato Indice Rubeus docet, & Otho IV. anno 1209. cujus hæc

I

(a) Ughell. Ital. Sac. Tom. II. p. 371. & seq. illud ex Codice Vaticano exhibuit. Emissum autem fuit Diploma anno 1160. ut videre est apud eundem Auctorem.

hæc sunt verba (a). *Confirmamus etiam ipsi Archiepiscopo Hubaldo, & ejus Ecclesie districtum Ravennæ cum portis, ripis, & portibus, muris, publicariis omnibus, teloneis, Moneta publica, quam hinc in antea ibi fieri precipimus, sub potestate sancte dicte Ecclesie superius, ejusque Presulum &c.* Et quoniam in hoc Archiep. Archivo supersunt (b) Honorii III. & Gregorii (c) IX. Diplomata, præclare de hac re agi censemus, si eorum verba afferamus. Ita Honorius: = *confirmamus in comitatu Ariminensi Castrum montis Columbi cum jurisdictione temporalis, & aliis pertinentiis suis: Districtum Ravennatis Urbis, ripam integram, Monetam, teloneum, muros, & omnes portas civitatis: & Comaclensem comitatum, & pertinentiis suis.* Gregorius vero hæc habet: *In territorio Ravennatensi Ravendulam, villam Sancti Pancratii, villam S. Arcangeli, villam Ruffi, & Cabo, Castrum Case Murate cum curtibus, jurisdictione, & pertinentiis suis, districtum Ravennæ Urbis, Ripam integram, monetam, teloneum, muros, & omnes portas Civitatis, & quidquid habes in Exarcatu Ravennæ.* Neque solum laudati Imperatores, summique Pontifices in Ravennate Ecclesia amplificanda certasse videntur, sed superioribus sæculis alii complures. Liquet hoc ex Bulla D. Gregorii Magni ad Marinianum Archiepiscopum, quam post Rubeum, & Ughellum nuper ex hoc Archivo emendationem dedit Amadeusius (d) in qua hæc habentur: = *Confirmamus omnia precepta, que a piissimis Imperatoribus Valentino, Theodosio, Arcadio, & Honorio, nec non Justiniano, Tiberio, & Domino nostro Mauricio piissimo Cesare semper Augusto, eidem sancte Ravennati Ecclesie sunt attributa, omnia privilegia, que a Sanctis Predecessoribus nostris Innocente, Innocentio, & Sanctiss. Leone, & gloriosiss.*

(a) Cap. P. num. 8276. Illud quoq. ex Codice Vaticano descriptum publici juris fecit Ughellus ibidem p. 374. atque ex hoc nostro Tabulario Amadeusius *dis. de Jurisdictione Ravenn. Archiep. in Civit. & Dioces. Ferrarien.* loco nuper laudato.

(b) Ex Tom. xxxviii. Archivi in bulla Sixti IV. contentum, qua Honorii diploma confirmatur. Habetur etiam sejunctum a Bulla in capsa L. num. 4977. Diploma autem Honorii ann. 1224. exiit; confirmatio vero Sixti anno 1472.

(c) In capsa A. num. 29. & apud Ughell. loc. cit. Datum fuit ann. 1428.

(d) Ex eadem capsa A.

riosissimo Gelasio, felicissimo & Agapito, & Spiritus Sancti
 fervore repleto beatissimo Pelagio, ob amorem summi omni-
 potentis Dei, sanctique Apollinaris Pontificis, & martiris reve-
 rentiam eidem Ecclesie, tibi, tuisque Successoribus in perpe-
 tuum sunt data. = Scio doctissimum Muratorium de hujus
 quoque monumenti sinceritate dubitare; verum brevi spero
 futurum, ut per laudatum Amadesium vindicetur. Id unum
 nobis negotium facessit, quod Muratorius minime animad-
 vertit, Marinianum nempe, nostrosque Antistites in Bulla,
 seu Diplomate Archiepiscopos dici, quum de iis loquens, ad
 eosque sapissime scribens (a) Gregorius perpetuo Episcopos
 vocarit, quumque Marinianus ipse in Concilio Romano,
 seu Lateranensi III. quod exstat in Conciliorum collectioni-
 bus, subscribat: *Marinianus Ravennas Episcopus*. Credide-
 rim tamen id amanuensis vitio factum fuisse, qui vocem ævo
 suo per familiarem usurpavit: nam hoc in more positum est
 (inquit Patricius in explicatione Patenæ S. Petri Chrysologi
 p. 90.) iis nominibus appellare Episcopos quibus fulgent tem-
 pore loquentis. Hoc pacto Episcopos Hierosolymitanos etiam an-
 te Concilium Calcedonense, immo ante Nicæum posteriora tem-
 pora vocant Patriarchas: eruditi tamen doctique viri optime
 norunt, eos neque Potriarchas tunc adpellatos fuisse, neque
 revera dignitatem obrinuisse. Sed ad rem nostram redeamus.

VII.

QUUM Ravennates Archiepiscopi cudendorum nummorum
 prærogativam amisissent, instauravit Leo X. Nicolao de Fli-
 sco Cardinali, Archiepiscopo Ravennatensi, Diplomate dato
 Romæ apud S. Petrum anno Incarnationis Dominicæ MDXVII.
 XIV. Kal. Octobris, Pontificatus anno V. cujus verba ad rem
 facientia sic habeto: (b) *Hinc est quod nos motu proprio, &
 ex certa nostra scientia, auctoritate Apostolica, tenore præ-
 sentium cudendi monetas, nec non quascumque alias, etiam
 quantumcumque majores concessiones, donationes, & gratias,*

1 2

ac

(a) Consule libros epistolarum hujus Pontificis, ubi duodequingenta
 epistolas ad Ravennatum Præfules spectantes invenies; atque literam
 nostram ad calcem hujus capituli positam hac de re agentem.

(b) Ex Tom. xxxvi. Arch. Archiep. Illud quoque afferunt Fabrius in Mau-
 ri vita, atq. Amadesius Disi. cit.

ac privilegia, & indulta quaecumque Ecclesiae Ravennatensi, cui dilectus Filius noster Cardinalis de Flisco ex concessione, & dispensatione Apostolica praesse dignoscitur, ejusque Ecclesiae Archiepiscopo pro tempore exilenti, tam conjunctim, quam divisim per Romanos Pontifices Praedecessores nostros, ac Imperatores, & Reges, ac Principes quoscumque quomodolibet concessa, quorum omnium, nec non quorumcumque, literarum, & scripturarum desuper quomodolibet confectarum, tenores praesentibus, pro sufficienter expressis, ac de verbo ad verbum insertis, habemus, ipsasque literas, & scripturas, & in eis contenta quaecumque, etiamsi in usu non sint, approbamus, & confirmamus, & de novo concedimus..... Volumus autem quod moneta praedicta sit ligae per Cameram Apostolicam tam in Urbe, quam in aliis Romanae Ecclesiae locis ordinata.

VIII.

MIRAMUR autem maximopere Nicolai Successores hanc praerogativam, unde tantum honoris ad Archiepiscopos veniret, penitus neglexisse, quod viros in Ecclesiae suae juribus vindicandis acerrimos minime decebat: verum fortasse instaurandi hujus privilegii gloriam Deus O. M. Divusque Apollinaris Aemiliae Apostolus Benedicto XIV. Pontifici Summo reservarunt, a quo eum in Ferdinando Romualdo Guicciolo accepimus Antistitem, qui & ejus sapientiam, pietatemque studeat æmulari, & pro virili parte curet, ne florentissima Ecclesia, & quondam longe potentissima quid detrimenti capiat; sed potius ad veterem dignitatem, quantum per tempora licet, accedat. Verum, ut eo revertamur, unde discessimus, animadvertendum heic est, Philippum Archiepiscopum anno 1257. declarasse, eudendae monetae jus ad Ravennatem tantum Ecclesiam, non autem ad Commune pertinere. Pulcherrimum hac de re monumentum suppeditavit nobis hoc Archiep. Archivum (a) quod integrum heic damus: M. CC. LVII. Mense Aprili XV. Indictione in Palatio Comunis Ravennae in generali consilio Comunis Rav. sono campane more solito congregato, presentibus Derisolo, Johanne Paradiso, Arnulfino, &c.

Nos

(a) In Capf. H. num. 3210.

Nos presbiter Bonus (a) Cardinalis, & Sym. propositus Vicari &c. de mandato & voluntate ipsius Domini Philippi (b) electi, auctoritate nostra ordinaria, & delegata ex persona ipsius = Requiritur, & monemus vos Dominos Allidoxium judicem, Drudo de Signorellis, Ben Cittadinum, & Mattheum Cauchum Consules Civitatis Ravennae, & consilium universum pro vobis, & nomine totius comunis Rav. Urbis, etiam sicut vobis mandavit, prohibemus, iniungentes in banno m. marcharum argenti, quod non faciatis pactum, vel congressum, aut promissionem, seu conditionem aliquam alicui, vel aliquibus Comunibus Civitatum, vel aliorum locorum, seu aliquibus persone, vel personis de Carena, Malcoletto, passaggio, telloneo, datio, moneta, ripis, & pontibus Civitatis, & Districtus Ravennae, vel aliis juribus quibuscumque ad ipsam Ravenn. Ecclesiam pertinentibus ex privilegiis, & concessionibus Imperatorum, & Summorum Pontificum; & si in aliquo fecistis, vel venistis contra hoc, quod supra dictum est, protestamus, & dicimus pro Domino nostro electo, & Ecclesiae Ravennae, quod sibi, nec nobis placeat, nec volumus, nec consentimus, immo & si quod factum est contra, cassamus penitus, & in iritum revocamus, prohibentes insuper expressius, nec de cetero per vos, vel per aliquam personam submissam, vel submitteendam predicta, vel aliquid predictorum fiant, vel attententur: & si feceritis, ex nunc vos, & dictum Commune Ravennae ab omnibus juribus, rationibus, & que commune Rav. habet, & tenet ab Ecclesia Ravennat. privamus; ea omnia ad jus, & dominium ipsum Domini Electi, & Ecclesiae Ravenn. integre revocando.

Item monemus, & requirimus vos ex parte dicti Domini Electi, ut hinc ad Kal. Maii proximi Solvatis M. V. CC. libr. pro custodia Castri Rav. sicut tenemini vos, & ut in statuto comunis Ravennae continentur, alioquin de predictis faceremus, quod nobis ab ipso nostro Domino est injunctum.

IX.

- (a) Ravennae Canonicos Cardinales adpellatos fuisse docent Historiae. Floruit autem hic Bonus sub Federico, & Philippo Archiepiscopis, cuius posterioris etiam Vicarius fuit.
(b) Philippus Fontana Ferrariensis, prudentia ac literis clarissimus, Federico successit ann. 1251. obiitq. Ravennae anno. 1272. Rub. ad annos mox enuntiatos; Fabr. Sac. Mem. P. II. p. 505. & Ughell. in Episc. Flor. & Ferrar.

NEC modo per has tabulas Philippus vetuit, ne *Commune* Ravennæ cudendorum nummorum jus usurparet, verum etiam quodammodo nos docuit, monetas, quæ absolute Ravennates tunc dicebantur, (a) ex Archiepiscoporum officina prodiisse. Clariora hæc fient, si chartam exscribamus, qua Raynaldus (b) Archiep. Ann. 1321. concedit *Maximo* quondam *Albiglieti* licentiam cudendi *Ravignanos grossos*, & *parros*. Ea autem est hujusmodi:

Cum nos Raynaldus *permissione divina* *Sce*..... *ciam*, & *requisitionem Nobilum*, & *prudentium virorum*, & *Domino- rum potestatis*..... ac volentes *prædecessorum nostrorum* *vestigiis inhaerere*, concessimus *Maximo* quondam *Albiglieti* *licentiam* cudendi, seu *fabricandi monetam* in *Ravenna* videlicet *Ravennanos grossos*, & *parros*, pro ut ex *Instrumento* super hoc confecto plene continetur; & ad dictum officium habere..... etate oporteat *Incisorem ferrorum* pro dictis monetis excutiendis, seu *fabricandis*, & pro *ipsarum*..... ne *fraus aliqua* possit *committi* in eis, & qui sit *persona sufficiens*, & *legalitate mu*..... *sona Magistri Petri*, *Magistri Thomaxini de Arimino*, de quo satis laudabile *testim*..... *ilitate*, ac *discretione plurimum commendatur*, ipsum *Magistrum Petrum* deputamus *incisorem*..... ad *ipsas monetas fabricandas*, & *assazatorem earum* usque ad dictum tempus contentum in *Instrumento* *concessionis* super hoc confecto, qui *promisit*, & *juravit* ad *Sancta Dei Evangelia*, *tactis scripturis*, dictum officium *fideliter*, & *legaliter*, nec *ferrum incidere* ullo modo, nisi quantum pro dictis monetis fuerit *opportunum*, & quod *finito dicto officio* ista *ferramenta* nobis *integre assignabit*. In cuius rei *testimonium* mandamus de *prædictis fieri publicum instrumentum* per *Basianum Notarium*. *Actum Argenta* in *Capella Castri dicti Domini Archiepiscopi*, *præsentibus religioso viro Salamiti Ordinis Minorum in Sacra Theologia Magistro*,
pres-

(a) De hac re late differemus capite sequenti, ubi *Libram*, *solidos*, *acdenarios Ravennates* recenserebimus.

(b) Capl. 1. num. 3989. Hic autem est Raynaldus hujus nominis primus, quem Divum colimus, quique hoc eodem anno xv. Kal. Septembris in *caelestem Patriam* evolavit.

presbytero Raynaldo Cappellano, Dopno Guidone Ordinis Cisterciensis Officiali, Domino Henrico Basserio Clerico, Balzaro de Medda Notario, & familiaribus præfati Domini Archiepiscopi, & prudenti viro Johanne Fragerio civis Ravenn. ad præmissa testibus vocatis, & rogatis sub anno Domini millesimo trecentesimo vigesimo primo Indictione quarta die VII. Maii.

L. ✠ S. Ego Basianus quondam Nigri de Baronis de Lande, Imperiali auctoritate Notarius, & dicti Domini Archiepiscopi scriba prædictis interfui, & ea de mandato dicti Domini Archiepiscopi scripsi, & publicavi.

. X.

Hæc de Archiepiscoporum moneta dicta sint. Quod vero ad Ravennæ Commune spectat, quandonam nummos cudere cœperit, incertum est. Signasse autem liquido constat non modo iis temporibus, quibus Veneti rerum potiebantur, (a) verum etiam sæculo Christi XIII. Hæc Rubeus ad annum 1249. ubi Anconitanos cum Ravennate Republica, ejusque Archiepiscopo convenisse de moneta cum Ravennæ, tum Anconæ cudenda diserte tradit: = Eodem hoc anno Bertonus Calcheria Anconæ Prætor, ipsique Anconitani, Senatu in domo filiorum Tarabotti habito, Marcum Florentiæ, & Pedereclum Castatem Legatos crearunt, qui Ravennam venientes cum hujus Urbis Republica, & Archiepiscopo agerent de cudenda tam Ravennæ, quam Anconæ moneta, deque pactis, concordia, & immunitatibus, quæ inter utriusque civitatis Commune intercedebant, probarentque, & ratum haberent quicquid de modo, numero, & omni ratione cudendæ monete cum Ravennatibus transgissent.

X I.

RAVENNÆ tandem officinam collapsam omnino, jacentemque restitui curavit Julius Alberonius S. R. E. Cardinalis
vere

- (a) Veneti Ravennam primum susceperunt anno 1441. quum nempe ejus Civis, ab Hostasio Polentano deficientes, Venetum Senatum conclamarunt, eidemque se dederunt. Deinde vero eadem potiti sunt anno 1527. missis ad tuendam adversus Hispanos nobilissimam Urbem subsidii. Vid. Rub. p. 627. & 692.

vere Eminentissimus, quum post Bartholomæum Massæum, qui idem opus molitus erat, minacium fluviorum cursum avertit, atque argenteam, æreamque pecuniam conflavit, quæ sive Clementis XII. Pontificis Maximi, ab cujus munificentia isthæc omnia processerant, stemma, atque imaginem referret, sive D. Apollinaris effigiem, urbisque nostræ insigni exhiberet. Ex eadem officina Ærei nummi etiam nunc prodeunt, qui minimæ monetæ inopiæ mirifice consulant.




Series Numismatum, vulgo Medaglioni, ac Monetarum ad Archiepiscopos spectantium, quibus bini nummi ad Commune referendi adduntur.

I.

PAUCOS heic eos nummos exhibemus, qui cum ceteris minime perire, seriem libentissime aucturi, si alii occurrant. Prior qui servatur a Petro Paulo Ginannio Cassinatium Præside alias laudato, est Bartholomæi Roverellæ Patricii Ferrariensis, quem anno 1445. habente successorem Thomæ Perendulo Eugenium IV. dedisse ferunt Rubeus (a), Fabricius (b), aliique. In anteriore nummi parte Bartholomæi *caput* *visitur cum hac epigraphe* BARTOLOMEVS ROVERELLA CARDINALIS RAVEN. *In posteriori vero sub galero dignitatis suæ indice hæc leguntur verba.* OB CLE. IPSIVS. MORQ. SANCTIMO. ET. IN. SE. AP. INGEN. MERITA. Ideo autem Cardinalis Ravennæ dicitur in nummo, quod anno 1461. in Cardinalium Collegium a Pio II. coopatus, qui amor ipsius fuit in nostram Ecclesiam, semper eo nomine adpellari voluerit. Ipsius autem Clementiam, morum Sanctimoniam, inque Apostolicam Sedem ingentia merita sat indicant, quæ præclare gessit non Ravennæ modo, cujus Ecclesiam piissime, sapienterque rexit, sed Romæ, ubi difficillima munera obivit, atque alibi, quum pluries Apostolicæ Sedis Legatus missus est. Posticæ verba autem eadem sunt,

(a) Hist. p. 632. (b) Sac. Mem. p. 534.









BIBLIOTECA NAZ.
ROMA
VITER. J. 17. 1801.

N.
11





26



27



28



29



30



Æ



Æ



Æ



P.M.





31

E



32

R



33



R



R



34

E



35

R





sunt, ut optime advertit Fabrius (a), quibus usus est Pius II. quum eum Cardinalem renunciavit, quo tempore nummum fuisse signatum exultationis causa a Ravennatibus jure arbitramur. Id memoratu dignum accidit sub hoc Antistite, quod nempe anno 1457. quum Veneti Senatus decreto Arx munitissima Ravennæ esset excitanda, Bartholomæus supplicatione omnium ordinum indicta, ut loquitur Rubeus, Kal. Junii primum lapidem jecit. Utinam vero superesset descriptio nummi illius aurei, & argenteæ, æneæque monetæ, quas Petrus Geörgius Patricius Venetus, tunc temporis Ravennæ Prætor, ac Præfectus, subter priorem lapidem posuit; ipsarum enim typum ad dissertationis nostræ ornatum libentissime exhiberemus.

II.

SUCCESSIT Bartholomæo, e vivis sublato ann. 1476. Fylia-
sius Fratr̃is Filius, quem ille ab Sixto Pontifice superiori
anno Ravennatem Archiepiscopum designari curaverat. Is
ultra quadraginta annos Ecclesiam hanc rexit, atque doctrina,
pietatis, virtutumque omnium gloria quam maxime
floruit. Quæ de Fylasio eleganter scribit Rubeus sat ostendunt,
ea de illo recte prædicari, quæ in numismate quodam
a Fabio descripto, quod servat etiam Ginannius, cernuntur.
In *antica circa caput ipsius leguntur hæc verba*: FYLIAS. Tab. IV. 8. 18.
ROVORELLA. ARCHI. RAVENNAS: in postica vero *mulier visitur laeva calicem gestans, dextra pueri caput tangens, intuensque solis radios e superiori parte erumpentis, qui Theologicarum virtutum typus est, addita epigraphæ*: FIDES.
CHARITAS. SPES. Curavit Fylasius, ut sibi Ravennatis
Ecclesiæ regimine ultro abdicanti sufficeretur.

III.

NICOLAUS Fliscus Genuensis Cardinalis, qui anno 1516.
Ravennæ Archiepiscopus renunciatus est. Variis privilegiis
a Leone X. donatum fuisse diximus, quibus Ecclesiæ nostræ
dignitas augeretur, jusque iterum cudendæ monetæ Ravennatibus
Archiepiscopis traderetur. Nonnullas in Ædi-

K bus

(a) Ibidem p. 535.

bus Archiepiscoporum ex ære, argentoque conflari monetas curavit Nicolaus, quarum binas adhuc superstites ex Floravante (a) recudimus.

Tab. IV.
n. 29.

LEO X. PONTIFEX. M. Pontificis stemma, quod utrinque Leones salientes substantant.

ECCLESIAE RA. S. RESVRRE. Christus Dominus Resurgens dextra benedicit, sinistra vexillum tenet: ad dextrum latus insigne Ravennæ, Crux scilicet (b); ad sinistrum stemma gentilitium Cardinalis Nicolai Flisci.

Per ea verba *Ecclesiae Ravennatis S. Resurrectio*, non modo indicari Ecclesiam nostram Christo resurgenti dicatam fuisse, appellatam proinde iis temporibus, quibus Græci Imperatores Ravenna potiebantur *Agia Anastasis*, sed etiam ea, quæ ipsi Leoni X. acciderant, arbitratur Floravantes: quum enim ipso die Paschatis captus ab hostibus fuisset in pugna, quæ commissa est prope Ravennam, sequenti anno anniversario, ut post Platinam Panvinius tradit, (c) cladis Ravennatis die, munificentissimo apparatu, tota urbe aulæis, & festivis frondibus, arcubusque ornata, Basilicam Lateranensem Pontificum instituto visitavit. Alter nummus hic est.

Tab. IV.
n. 30.

LEO X. PONT. M. Stemma Pontificis, infra ad dextram parvula, in qua Crux, Ravennæ Urbis insigne, ad sinistram Flisci Cardinalis Stemma.

S. APOLLINARIS. RAVENNÆ. S. Apollinaris Protome Episcopali habitu induti, dextra benedicit, sinistra pedum tenet.

I V.

SUBSEQUITUR Benedicti Accolti numisma, de quo Præfule inter ceteros Fabrius. (d) Illud nobiscum communicavit doctif.

(a) Antiq. Romanor. Pontific. Denarii P. II. p. 199.

(b) Errat heic Floravantes, cujus verba exscriptimus: Crux enim non Ravennæ Urbis, sed Ravennatis Ecclesiæ insigne est. Nil de ea agimus, ne in alienam provinciam ingrediamur; Magna enim cum voluptate Stemmata ad Ravennates spectantia nitide expressa, & ad Blasonis modum exposita vidimus a Marco Antonio Comite Ginaninio, Josephi V. Cl. Fratris, qui hîc studiiis maximopere delectatur.

(c) Pag. 276. (d) Sac. Mem. P. II. p. 543.

doctissimus Apostolus Zenus, qui nonnulla de eo differit in notis ad *Eloquentiam Italicam* V. Cl. Justi Fontanini, quas ad umbilicum perductas anno superiore vidimus, quum Veneriis essemus. Suffectus fuit sibi Benedictus a Petro Patruo, iisque temporibus vixit, quibus Bembus, Sadoletus, Paulus Manutius, ac Calius Calcagninus, qui eum summis ornarunt laudibus, florere. Factus plurimi fuit a Carolo V. Romanorum Imperatore, atque ab Ecclesia, cui præerat, Ravennæ Cardinalem dictum fuisse, præter Historias, docet numisma, quod exhibemus; in cujus antica circa caput ipsius legitur

BE. ACCOLTVS. CAR. RAVENNAE

Tab. V.
n. 31.

in postica vero *Neptunus sinistrorsum sedens visitur, læva tridentem gerens, ac turrim spectans, ex qua duæ prominens faces accense, cum epigraphe: OPTIMIS. ARTIBVS.*

His autem verbis, hacque turre, de qua Plinius l. xxxvi. (a) quæ perpetuo nocturno lumine certum navigantibus, opportunumque inter cæcas noctis tenebras signum, & remedium præbebat, Ravennæ Pharon indicari, ut iis temporibus Patriam hanc nostram Literarum, quas Benedictus fovit, atque tutatus est, domicilium fuisse ostenderetur, sapienter statuit idem Zenus.

V.

CUM Accolti Numismate illud conjungendum putamus, quod eodem typo ex triplici Metallorum genere conflatum Maphæus Nicolaus ~~Farsetus~~ Patricius Venetus subter priorem Ursianæ Basilicæ lapidem posuit, quam collabentem ære suo a fundamentis excitandam susceperat A. C. 1734. quamvis immatura morte præreptus conficere eam haud potuerit. Obiit Antistes optimus anno 1741. die vi. Februarii, ætatis suæ sexagesimo tertio, postquam annos XIII. M. XI. D. xx. commissam sibi a Benedicto XIII. Ecclesiam ea munificentia, pietate, vigilantia, ceterisque virtutibus Summo Principe dignis rexisset, ut Urbis deliciæ, Pauperumque Pater proprio quodam jure adpellaretur. Numisma in antica prætere ipsius protomen *Mitra*, ac Pontificalibus vestibus induti hac inscriptione: MAPHÆVS. NICOLAVS. FARSET-

Tab. V.
n. 32.

K 2

TL

(a) Rub. pag. 14.

TI. PATRIC. VENET. RAVENN. ARCHIEPISCOPVS.
ET. PRINCEPS.

In postica vero novæ Ædis frontem, addita epigraphe:

CHRISTO. DEO. REPARATORI: atque ad Ædis latera:
HINC PAX HINC VICTORIA.

V I.

POSTREMUS Archiepiscoporum nummus quandonam sculptus fuerit, ignoramus. Fortasse ad ea tempora est referendus cum Muratorio, quibus Archiepiscopi Ravennatum res moderabantur. In *antica legitur* ARCHIEPISCOPVS: *in postica autem* DE RAVENNA. Extat duplici typo Romæ apud Cl. Equitem Victorium, & Ravennæ apud Ginanium, & Guastuccium. Alterum horum vulgavit Muratorius.

Tab. V
n. 33.

V I I.

AD Venetos spectat numulus ex argento, & ære conflatus, in cujus anteriori latere *Divus Apollinaris visitur habitu Pontific. indutus; sinistra, pedum tenens, dextra benedicens, cum litteris* S. APOL. RAVEN: In altero autem *Leo Divi Marci index hac epigraphe*. D. MARCVS VENET. Cui si numisma illud addamus, quod aureum, argenteum, æreumque Romæ signari curarunt Corfinii, quum Julius Alberonius Cardinalis amplissimus Fluviorum aquis in novum alveum deducendis operam daret, elegantiam alii, alii eruditionem, diligentiam nemo in hac nostra opella desiderabit. Præfert hinc Clementis XII. Pont. Max. effigiem *his litteris*: CLEMENS. XII. P. M. A. V. (anno quinto); *inde vero Ravennam inter duo flumina, quorum nomina indicantur, placide cubantem; cui Pinus adstat ipsius stemma, hac inscriptione* SECVRITAS. POPVLI. RAVENN. MDCCXXXV. *Ad lævam urbis Lupæ simulacrum visitur, ex cujus uberibus Romulus, ac Remus pendent.* Quantum autem Summo huic Pontifici debeamus, neminem latet. Is certe Ravennatum felicitatem perpetuo respexit, eorumque saluti mire consuluit: cumulandus propterea iis laudibus, quibus Romani olim Cæsares suos ornabant. Sed sit hisce nummis modus, non autem capiti, quod absolvet epistola ad Amicum, qua proxime superiora duo capita plurimum illustrantur. Antequam vero
illam

Tab. V.
n. 34

Tab. V.
n. 35.

Jos. Antonius Pintius Dominico Mariæ Saverio JC.^{to}

„ PLURA ex me quæris, Saverni suavissime, quæ ut vo-
 „ luntatem in me tuam abunde declarant, ita mihi in re-
 „ bus adeo obscuris hæsitanti negotium facessunt. Ita ne
 „ amor indulges, ut ad studia me tua conferre aliquid pos-
 „ se arbitreris? Peccas profecto, ingenuoque amore peccas.
 „ Verum quando sic jubes, obtemperabo: non enim amici-
 „ tiæ honesta petenti est aliquid denegandum, quæ non in-
 „ dignabitur, si quid absonum, ac minus proprie dictum
 „ amico exciderit. Antequam vero id præstem, sine me ti-
 „ bi gratias agere, habiturum etiam, si occasio fuerit, de Nu-
 „ mismate eo *Ravennæ Felicis*, cujus effigiem ære incisam
 „ nuper dono dedisti, in Libelli nostri fronte expressam visu-
 „ rus. Hanc prius grati animi significationem præbendam
 „ statui, quam tibi obtemperarem.

„ auctoritati Agnelli dicentis (a) donasse Maximianum Ur-
 „ sianæ Ecclesiæ duo *Chrismataria* (b), quorum alterum
 „ suis temporibus adhuc supererat hac inscriptione: *Servus*
 „ *Christi Maximianus hoc Chrismatarium ad usum Fidelium*
 „ *fecit fieri.* (c) Addunt fidem Marmoris in laudato Mu-
 „ seo existentis, quod refertur etiam ab Agnello (d), cu-
 „ jus posteriora verba hæc sunt: *Hic requiescit in pace A-*
 „ *gnellus Archiepiscopus, qui sedit Annos XIII. M. I. D. VIII. &c.*
 „ quæ omnia una cum Valentiniani III. privilegio de Usu
 „ Pallii, deque Metropoli Ravennate constituta, quod fin
 „ supposititium, ut nonnulli, at certe mendosum a melio-
 „ ris notæ Criticis exploditur, sufficere sibi videntur, ut
 „ stantur multo ante, quam reliqui Occidentis Antistites,
 „ Archiepiscopos nostros hoc nomine fuisse donatos. Verum
 „ ne veritati fucum faciamus, plura sunt, quæ aliter fen-
 „ tire nos jubeant. Mover in primis Marmorum omnium
 „ illius Ævi Auctoritas, quæ nunquam Archiepiscopi vo-
 „ cem usurpant. Si autem Maximianus, atque Agnellus
 „ omnium primi hoc nomine usi fuissent, cur non constan-
 „ ter adhibuerunt? Cur ille Episcopum se dicit in Marmo-
 „ ribus Consecrationem Ædium DDD. Vitalis, Apollina-
 „ ris, ac Stephani indicantibus? Cur hic, cum in Ursiano
 „ Templo celebre illud Suggestum ex marmore, pulcherri-
 „ mis ornatum imaginibus faciendum curasset, Episcopi vo-
 „ ce contentus ab ea adpellatione abstinuit? Cur successores
 „ ipsius idem fecerunt? Cognovit id Rubeus, qui sive
 „ ductus auctoritate Codicis, quo utebatur, sive quod hu-
 „ jus rei repugnantiam videret, quo erat ingenio, loco Ar-
 „ chiepiscopi semper Episcopum posuit (e). Sed hæc haud
 „ sufficient. Mover secundo consensus Scriptorum, qui per
 „ ea tempora floruerunt, atque in primis Gregorii M. qui
 „ dum ad Ravennæ Antistites scriberet, deque iis verba fa-
 „ ceret, nunquam Archiepiscopos vocavit. Mover demum
 „ pri-

(a) In ejus vita p. 99. (b) Vide Ducangium in Gloss. & Bacchinium in Observ. ad vitam hujus Episcopi de hac voce disserentem.

(c) Rubeus scribit *fieri fuisse*. p. 164.

(d) In vita ipsius p. 128.

(e) Historicorum nostrorum loca in reliqua epistola haud recensemus, quod ex iis, quæ dicuntur, satis consent.

„ privilegium Constantis, & Heraclii Augg. ad Maurum,
 „ quod refert Agnellus P. II. p. 285. in quo scelestus hic
 „ Præful *Aurocephaliæ* auctor Episcopus adpellatur. Certe si
 „ Joannis temporibus Archiepiscopi titulo Antistites nostri
 „ donati fuissent, non illum prætermisisset, quum quæstio-
 „ nes ipsum inter, ac Gregorium M. de Ufu Pallii interces-
 „ sere, quas late eleganterque describunt Rubeus, atque
 „ Bacchini: in ea namque re plurimum causæ suæ ad-
 „ jumenti positum putasset. Erravit igitur Agnelli exscrip-
 „ tor Archiepiscopum pro Episcopo usurpans; erravitque
 „ Lapidica in marmore laudato, quod tamen non genui-
 „ num, sed iterum sculptum putamus, ne scilicet in publi-
 „ cis monumentis Agnelli Antistitis optimi memoria peri-
 „ ret, quod frequenter accidere consuevisse exploratum est
 „ omnibus, qui Antiquitatis studia vel a limine salutarunt.
 „ Neque quis dicat multo ante Agnelli tempora Alexandri-
 „ nos Patriarchas hoc nomine usos fuisse, ut ex Athanasio,
 „ atque Epiphanio docent Thomassinus, & Ducangius, quæ
 „ vox ab Ephesina Synodo deinde anno 451. usurpata est:
 „ nam non *Metropolitani*, sed *Primatis* dignitatem per id
 „ tempus significabat, neque ad Ravennæ Antistites exten-
 „ di potest, ni Scriptorum, monumentorumque fides acce-
 „ dat, quam falso iis suffragari hætenus demonstravimus.
 „ Si autem quæras quonam tempore eam vocem investam
 „ putem, curiosius id facis, quam oportet: nil enim certi
 „ apud me exstat. Sed quoniam jacta est alea, Rubiconem
 „ transeamus necesse est. Censeo igitur illam Maurum Au-
 „ rocephaliæ auctorem ad dignitatis suæ ornatum priorem
 „ adhibuisse. Confirmatur isthæc mea suspicio auctoritate
 „ marmoris in ejusdem vita ab Agnello relati, ubi hæc ha-
 „ bentur. *Hic requiescit in pace Maurus Archiepiscopus, qui*
 „ *vixit Annos plurimos* (lege cum Bacchinio P. M. idest
 „ plus minus) LXVII. *qui tempore Domini Constantini Im-*
 „ *peratoris liberavit Ecclesiam de jugo Romanorum servitutis.*
 „ Tandem illud argumento est mihi, ne conjecturæ istius
 „ poeniteat, quod nempe Damianus, & Felix, qui Theodo-
 „ rum exceperunt, ac post illos reliqui deinde Archiepiscopi
 „ eandem vocem assumant. Tria tantum marmora exscri-
 „ bam, quæ hujusce rei testes locupletissimi esse poterunt.
 „ Prio-

- „ Priora duo ex Templo D. Apollinaris in Classe refert Ru-
 „ beus ; alterum ad annum 708. spectans ex Turri Ecclesiae
 „ Cathedralis Cymaclensis exhibet Fabrius : singula vero ex
 „ his Auctoribus Bacchinius.

I
D. N. DAMIANVS ARCHIEPISCOPIVS FECIT.

2
HIC TVMVIVS CLAVSVS SERVAT CORPVS FELICIS
 SANCTISSIMI AC TER BEATISSIMI ARCHIEPISCOPI

3
✠ TEM. DN. FELI. TR. B. ARCP. SCE. ECC.
 RAV. F. D. F. VINCENTIVS RIMV.
 EP. C. ECC. SCI. CASSIANI. CI. CVM.
 PRIM. EDIFIC. P. IND. VI. ✠
 FELICIT.

- „ Venio nunc ad lapidem hunc Georgii Argentarii, cu-
 „ jus explicationem secundo loco requiris.

HIC REQUIESCIT IN PACE
 GEORGIVS VC ARGENTA
 RIVS FILIVS PETRI VC AR
 GENTARII IVN. QVI VIXIT
 ANN PL M XVII. DEP. SVBD
 PRID NONAR AVG. IND. XIII
 IMP. DN. N. TIBERIO CONSTAN
 TINO PP AVG. ANNO VII. ET PC
 EIVSDEM ANNO III. Φ

- „ Duo te haud satis intelligere ais in marmore , quod
 „ heic post Fabrium a mendis expurgatum recudimus ; cur
 „ nempe anno Tiberii Constantini Septimo sculptum dica-
 „ tur, quem tamen literarum monumentis compertum est
 „ quatuor tantum annos regnasse : numque repetita ibi Ar-
 „ gentarii vox ad Familiam aliquam pertineat indicandam,
 „ quemadmodum de Juliano illo Argentario nonnulli, iique
 „ non omnino spernendi auctores suspicantur. Ne quæso
 „ sollicitus esse velis in rebus intelligendis , quarum altera
 „ haud

„ haud difficilem explicationem requirit ; altera post Bac-
 „ chinium non ut antea tenebricosa videtur : cui si notatio
 „ quædam nostra accedat , quod dubitationis adhuc supere-
 „ rat eliminabitur . Ideo igitur , quod ad priorem interro-
 „ gationem spectat , eæ notæ Chronologicæ in marmore po-
 „ nuntur , quod ex eo tempore , quo Tiberius a Justino Cæ-
 „ sar fuerat renunciatus ad id , quo inscriptio Georgii scal-
 „ pra est , septem anni effluxissent . Dictus siquidem fuerat
 „ Cæsar Tiberius Constantinus anno 574 tribus annis an-
 „ te , quam Imperator fieret , quos si quatuor iis , quos re-
 „ gnavit , adjicias , annum septimum in marmore indicatum
 „ habebis . Cave autem putes novum id in lapide accidisse ;
 „ quamplurima enim possem ejusdem rei exempla af-
 „ ferre , si per otium liceret . Verum neque tu is es , qui
 „ amicos frustra delassandos , neque ego , qui tempus teren-
 „ dum , ubi necessitas haud flagitet , censeam : cur enim
 „ fluctus in simpulo excitemus ? Ut vero de nostris Argen-
 „ tariis aliquid proferamus , omiſſis aliis muneribus , quæ
 „ per hanc vocem , prout latinus sermo varie jactabatur ,
 „ declarata sunt , sentio cum Bachinio eos nullo pacto (a)
 „ a Græcorum Trapezitis differre , iisque hoc muneris de-
 „ mandatum fuisse , ut *Ecclesiasticos redditus apud se depositos*
 „ ad Episcopi præscriptum , *vel juxta conventa cum Clero*
 „ Archipresbytero , Archidiacono , Primicerioque traderent
 „ distribuendos . Neque hæc Bacchinii conjectura ab Eccle-
 „ siæ consuetudine vel tantillum recedit : quis enim nesciat
 „ ejusmodi Gazæ Episcopalis Præfectos , sive Custodes , quos
 „ etiam a Thesauro per id tempus *Saccum* dicto , *Saccella-*
 „ *rios* vocabant , inter Ecclesiæ Ministros fuisse cooptatos ?
 „ Ita autem se rem habere ex hoc maxime evincitur , quod
 „ Julianus ille Argentarius V. Cl. qui de sua pecunia cum
 „ Bachauda genero Archangeli Michaelis Ædem excitarat ,
 „ cum Episcoporum jussu id fecit , *mandante Ecclesia* , at-
 „ que *Ursicino* exstruxisse dicatur . In ære autem alieno fuisse
 „ videtur , qui Episcoporum mandata publice persequere-
 „ retur . Ceterum , ut eo revertar unde discessi , *Argenta-*
 „ *riorum* adpellationem in nostris marmoribus officium , non

L

„ CO

(a) Vide etiam Ducangium in Gloss.

„ cognomen declarare (neque enim fieri id potuit , quo
 „ tempore cognomina minime adhibebantur) conjicitur ex
 „ duabus papyris Ravennæ exaratis , ubi ejusmodi monu-
 „ menta confici solebant , quarum utraque cum testium , qui
 „ subscribunt nominibus , munera pariter , quibus iidem
 „ fungebantur , conjungit . Quum igitur inter ceteros duo
 „ Argentarii quoque subscribant , illud consequi perspicuum
 „ est hanc vocem , ut ceteræ , ad munus aliquod indican-
 „ dum pertinere (a) . In priore papyro ad annum 539. re-
 „ ferenda hæc habentur :

..... Serapio Vir.....

..... anus Argentarius gener Johanni Pim... (b)

..... trus Collectarius (c)

Latinus possessorum parens.....

Candidianus VI.....

„ In altera vero sub annum 540. scripta , præter Vitalem
 „ V. C. *Monitarium* , & Romulum V. C. *Silentiarium* , cer-
 „ nitur etiam Paulus quidam V. C. *Argentarius* , qui , si ad-
 „ datur Juliano Viro celeberrimo , Georgio , ac Petro , quos
 „ memorat lapis noster , & Joanni illi , de quo loquitur Gre-
 „ gorius M. lib. 9. ep. 23. quinque Ravennatis Ecclesiæ Ar-
 „ gentarios recensebimus . Neque id tantum colligimus ex
 „ posteriore papyro ; verum etiam docemur sexto Christi
 „ sæculo Argentarios longe a Monetariis distasse , quam-
 „ vis , ut ostendit Ducangius in Gloss. Latin. Barb. in Wi-
 „ sigoth. L. 2. tit. 4. §. 4. pro una eademque re usurparen-
 „ tur . Superest modo , ut de eo quod posteriore loco po-
 „ scis aliquid disseramus .

„ Si quis Officinarum situm , ubi nummi antiquitus Ra-
 „ vennæ cudebantur , inquiret , is oleum & operam perdet .
 „ Ut enim ejusmodi res variis temporum vicissitudinibus
 „ fuerunt obnoxia , ita nullus dubito , quin idem officinis
 „ contigerit , de quibus est sermo . Nos pro epistolæ modo
 „ ea tantum pronuntiabimus , quæ aliena haud videbuntur ,
 „ ne per nimiam audaciam omnia fusque deque miscentes
 „ in

(a) Hæ Tabulæ referuntur a Maffæo Scient. Diplom. p. 143. atque a Mu-
 ratorio Antiqu. Italic. Tom. II. pag. 1002.

(b) Cernis heic Julianum illum , de quo supra . (c) Lege *Petrus* .

„ in Ravennatum rebus describendis censoria virgula note-
 „ mur. Ubi enim hæreat aqua, quid probri, si ignorare
 „ rem fateamur? Tria sunt quæ *Moneta* situm aliquo pacto
 „ ostendant: subscriptio nempe Joannis illius in papyro ann.
 „ 572. & duo Agnelli loca, quorum sub finem capituli se-
 „ cundi in dissertatione meminimus. Subscribit ille: *Joban-*
 „ *nis for.... habens stationem ad monetam auri in porticu Sa-*
 „ *cra Palatii.* Agnellus vero docens, unde Reparatus, ac Gra-
 „ tiosus educti fuissent, quum Archiepiscopatum obtinuerent,
 „ *de Monasterio*, inquit in vita prioris, *S. Apollinaris qua-*
 „ *situs est hic Ravennæ non longe a pusterula Ovilionis in*
 „ *loco, qui vocatur Moneta publica.* Vitam vero alterius
 „ exordians, ita loquitur. *Ex Monasterio B. Apollinaris Ab-*
 „ *ba fuit, quod est fundatum non longe ab Ecclesia S. Re-*
 „ *demptricis Crucis ad Monetam veterem, unde Sanctissimus*
 „ *Reparatus fuit.* Si per Monasterium D. Apollinaris, ex
 „ quo ad Archiepiscopatum laudati Antistites evecti fuere,
 „ celebris ea ædes a Theodorico Gothorum Rege excitata,
 „ Divoque Martino primum, nunc vero D. Apollinari fa-
 „ cra intelligi possit, difficile haud foret *Aurea* illius *Mo-*
 „ *netæ* situm investigare, de qua in papyro. Quum enim
 „ diserte tradat Rubeus, ex eoque Fabrius, eam Urbis regio-
 „ nem, in qua nunc est D. Vincentii Parocchia, quæ parum
 „ certe a D. Apollinaris distat, dictam fuisse *S. Vincentii de*
 „ *Moneta aurea*, quid vetaret, quominus Sacri Palatii no-
 „ mine Theodoritianum Palatium, in quo post Gothos exa-
 „ ctos fortasse degerunt Exarchi, intelligentes, papyrumque
 „ cum Agnello conferentes, certi aliquid statueremus? Ve-
 „ rum neque Monasterium illud D. Apollinaris pro eo,
 „ quod hac tempestate sic vocatur, usurpare licet, quod scia-
 „ mus circa annum 856. a translato D. Apollinaris corpore
 „ nomen tantum invenisse, cum perpetuo S. Martini adpel-
 „ latione vocetur ab Agnello; neque vero simile videat-
 „ tur ab aurea ea Moneta, de qua in papyro, S. Vincen-
 „ tii Regionem dictam fuisse: papyrus enim septem ac plu-
 „ ra secula eam Urbis divisionem antevertit, quam anno
 „ 1185. contigisse docet Rubeus per hæc verba: *hoc tempo-*
 „ *rem Urbem Ravennam in quatuordecim divisam Regiones*

„ *invenio*. Restat igitur ut relata Agnelli verba accuratius
 „ perpendentes, eo loci sitam fuisse *auream* papyri *Mon-*
 „ *etam* statuamus, ubi *Monetam publicam*, ac *Monetam Ve-*
 „ *terem*, quæ eandem Officinam per Agnellum significant,
 „ collocare is videatur. Ea mihi suspicio pluries injecta est,
 „ *Monetam* Augustorum temporibus ad S. Apollinaris in Ve-
 „ clo, ~~in~~ *in* ea scilicet parte, quæ Sanctæ Crucis Templum nunc
 „ Parœciam respicit, extitisse. Id ut censeam in caussa
 „ sunt Agnelli verba, quæ utrasque has Ædes sibi pæne
 „ conterminas affirmant. Minime autem dubito quin San-
 „ ctæ Crucis Templum idem sit, quod Placidia excitavit;
 „ superest enim SS. Nazarii ac Celsi Sacellum, illi olim ad-
 „ hærens, quod rei hujus fidem faciat. Monasterium vero
 „ D. Apollinaris cum ea Æde, atque Parœcia convenire,
 „ quæ in præsentia hoc nomine donatur, sat indicant & lo-
 „ cus, ubi sita est, & Bullæ Alexandri III. atque Urbani IV.
 „ ejusdem rei testes locupletissimæ. Quid plura? Auctoritas
 „ doctissimi Bacchini facit, ne ab hac suspicione dimovear;
 „ quamvis enim de Officina Nummaria haud disceptarit,
 „ ea tamen profert de Pusterula Ovilionis, deque memo-
 „ ratis Templis, ut decipi cum illo gloriosum videatur:
 „ licet enim opinari Augustorum Ædes, quarum meminit
 „ papyrus, ad SS. Nazarii ac Celsi, ubi etiam nunc eo-
 „ rum sepulcra cernuntur, sitas fuisse. Dicendum tandem
 „ foret aliquid de recentiore Officina Nummaria Ravenna-
 „ tium: sed nil lucis affulget, qua eruditiores sumus.
 „ Theseus a Cornu, qui nobiscum antea sensit, quamvis stri-
 „ ctim atque obscure satis locutus sit, ad S. Vincentii Pa-
 „ rœciam fuisse positam suspicatur, ea ratione, quod nem-
 „ pe de *Moneta aurea* iis temporibus dicta fuerit, quibus
 „ Archiepiscopi Ravennatum res moderabantur. Conjectura
 „ veri non omnino similis videtur. Aliorum tamen esto ju-
 „ dicium. Ego quovis monumento destitutus nil ausim de-
 „ finire. Probabile certe est Archiepiscopos rerum Domi-
 „ nos nummos signasse. Habes, Saverni ornatissime, quæ
 „ ne officium defererem conjectando, vel potius divinando
 „ sum assecutus; quæ si tibi haud clara satis videbuntur,
 „ dicam cum Livio: *in rebus tam antiquis, si quæ similia ve-*

„ *ri*

RAVENNATIBUS. 85

„ *si sunt, pro veris accipiantur, satis habeam.* Obtempera-
 „ vi autem, non quod me eum putem, qui cuiquam in
 „ ejusmodi rebus facere satis queam, sed quod meretricula-
 „ rum more sacramento me veluti obstrinxerim, ne quem
 „ tristem dimitterem. Tu si me amas, ut reor, volunta-
 „ tem in te meam æquo animo excipies, ac mea alias ope-
 „ ra uteris: etsi enim doctrina omnibus, candore certe,
 „ ac benevolentia nemini concedo. Vale.

„ Ravennæ ex Ædibus Seminarii v. Calendas Novem-
 „ bris MDCCCLVIII.



CA.

CAPUT QUINTUM.

De Libra, Soldis, ac Denariis Ravennatibus, deque ceteris pecuniæ generibus in eadem urbe conflatis.

I.

DE variis pecuniæ generibus acturi, qua posterioribus seculis Majores nostri usi sunt, ut a nostra incipiamus rerum ordo non minus, quam ratio postulat. Nil apud Scriptores, nilque in nostris Archivis post seculum Christi decimum frequentius occurrit, quam *Libra Ravennæ*: verum quid ea esset, quotque *solidis*, ac *denariis* constaret haud liquet. Nos ea proferemus, quæ ex tanta rerum caligine erui potuerunt, ut facem aliis præferamus, qua spartam hanc doctius ornare queant, remque totam haurire.

I I.

LIBRÆ Ravennatis initium, atque originem si quis inveniat, erit mihi magnus Apollo. Eam primum constasse denariis, sive nummis ab Archiepiscoporum officina prodeuntibus minime dubitamus, quum illius mentio habeatur per ea tempora, quibus, ut dictum est supra, Philippus declaraverat conflandorum nummorum prærogativam ad solos Archiepiscopos pertinere. De ea sic mentionem fieri animadvertimus in tabulis, quibus anno 1015. quorundam bonorum dominium conceditur *Tedbaldo*, & *Maroriæ jugali filiis*, & *Nepotibus* a Sergio Ravennatis Ecclesiæ Archidiacono, & Abbate Monasterii S. Georgii Martyris (a) *Caligariorum nomine* persolvat, idest *Libram unam Rav. pro denariis solidis sexaginta*, & *pro unoquoque solido Rav. denarios duodecim*. In charta agente de quodam tenimento in Regione *Herculana Ravene*, anno 1197. scripta per Mercatellum Tabellionem, hæc habemus (b): *dare debeatis omni anno in men-*

(a) Capf. B. num. 316. (b) Capf. A. n. 46.

menſe Marciꝝ, vel infra indiſt. duos Den. Rav. & paullo poſt: quia exinde das nobis octo ſoldos Rav. De hac moneta loquitur pariter ſententia electorum Arbitrorum in controverſia de Manſo Caligariorum, & duabus partibus Ducatus inter Archiepiſcopum Ravennatem (a), & Petrum Traverſariam, quam ex Archivo Eſtenſi vulgavit Muratorius (b). Ea pertinet ad laudatum annum 1197. Pro penſione tribuat nummum Ravennatis monete ſingulis annis. Libram Ravignanorum nominant etiam nonnullæ Chartæ ſeculo XIII. & XIV. exaratae. Binas dabimus ex Claſſenſi Archivo, traditas nobis cum aliis compluribus a D. Gabriele Guſtuccio ejusdem Cuſtode, curante D. Maria Angelo Fiacchio Claſſenſis Bibliothecæ Præſecto, Viro literis, moribus, modeſtiaque ſpectabili. Prior eſt exemplum autenticum Inſtrumenti, ſive Laudi lati inter Comune Ravenne, & Comune Cexene, reperti in Archivo publico diſte Comunitatis Ravenne, quod ad annum 1432. Ind. xv. diem x. Novemb. eſt referendum. Eaſque a diſtis partibus emologari, & confirmari ſub pena mille Librarum Ravignanorum in compromiſſo inſerta a parte non obſervante prædictæ parti obſervanti ſolvenda. Inſtrumentum autem ipſum anno 1288. conſectum fuiſſe docent, quæ ſequuntur: Latum fuit hoc arbitrium, & laudum per dictos arbitros ſedentes, præſentibus, & volentibus dictis ſindicis &c. ſub ann. Domini MCCLXXXVIII. Indiſt. prima, die Mercurii XX. Octobris. Altera charta Inſtrumentum dotalè continet cujuſdam Dom. Beatriſæ de Melariis. Ea eſt hujusmodi. In Chriſti nomine amen. Anno Natiuitatis ejusdem Milieſimo Ducenteſimo nonageſimo, Ind. XII. Raven. die XV. menſis Junii in domo dicendorum fratrum &c. ibique Nicolaus, Oddo, & Franciſcus de..... ſatris fuerunt contenti, & conſenſi habuiſſe, & recepiſſe in dotem, & dotis nomine a Domina Beatriſia, Filia olim Fantbolmi Merzarii de Ravenna, præſente Uxore dicti Domini Nicholai pro matrimonio contracto inter dictum Nicholaum, & ipſam Dominam Beatriſiam, videlicet in rebus mobilibus extimatis comuni

(a) Intellige Guilielmum, qui & Guilielmotus, & Otho dictus eſt, atque anno 1190. Gerardo ſucceſſus.

(b) Antiq. Italic. Tom. V. Diſſ. V.

munii concordia inter eos sexaginta libras Ravignanorum &c. Duas Tornaturas, & mediam terre laboratorie estimatas quinquaginta libras Ravignanorum pro Tornatura, positas in plebatu Sancti Appollinaris in Ronco nigro in Burgo porte Sancti Mame Civitatis Raven. &c. Subscribit Tabellio:

Ego Ambrosius filius Petri Gignalis Imperiali auctoritate Notarius de Raven.

III.

HUJUSMODI autem Ravignanos in grossos, & parvos divisos fuisse, præter Chartam, qua diximus (a) Divum Raynaldum concessisse Maxio quondam Albighieri licentiam cudendi, seu fabricandi monetam in Ravenna, videlicet Ravignanos grossos, & parvos, (b) docet etiam Instrumentum quoddam Transactionis inter Dominum Lionellum de Polenta, & Dominam Margheritam de Badais, occasione litris vententis inter ipsos, ubi hæc habentur. In Christi Nomine Amen, Anno ejusdem Nativitatis Millesimo trecentesimo trigesimo nono, Indictione septima, tempore Domini Pape Benedicti duodecimi, die vigesimo secundo Octobris in Guaira Sancti Petri Majoris, in Domo Domini Francisci de Raspoji. Judicis &c. Item dicebat dictus Bentinus predictum Ugolinum, ejusque heredes esse obligatos predicto Domino Leonello ex causa depositi in sexaginta octo Libris Ravignanorum parvorum. Item in alia parte in quinquaginta libris Rav. quas confessus fuerat dictus Ugolinus habuisse a dicto Domino Lionello a Domina Cathalina quamdam suam domum positam in Civitate Ravennæ in G. Sancte Agathe Majoris juxta dictum D. Lionellum &c. Scripsit has tabulas Ghomeus de Catis de Ferraria &c. Cum iis, quæ de Ravignanis grossis ac parvis diximus consonant, quæ in Veteri Statuto habentur (c) lib. V. Rubrica LVIII. cui titulus: quod nullus de Rav. debeat recusare monetam Rav. Et qui habet monetam falsam frangere debeat. Inquit autem: Statuimus, & ordinamus, quod quilibet de civitate R. teneatur, & debeat trasse monetam tam grossam, quam parvam,

(a) Pag.... (b) Ex Archivo Classensi.

(c) Codex hic membranaceus Legum Municipalium nitide scriptus servatur in publico grammatophilacio.

vam, & eam non recusare si fuerit bona, & Legalis. Et qui eam recusaverit condemnatur comuni pro quolibet denario grosso in quinque soldis R. pro quolibet denario parvo in duodecim denariis Rav. & teneatur quilibet ad cujus manus pervenerint aliqui denarii falsi, illos frangere, & non expendere. Et si aliquis inventus fuerit habere quinque soldos R. simul, vel ab inde supra de denariis falsis capiatur, & duci, & presentari debeat coram Potestate Rav. qui contra eum procedat, sicut de jure fuerit procedendum. Et hoc intelligatur etiam de monetis bonis, & cursum habentibus in Civitate Ravennae.

I V.

HACTENUS de libra Ravennae generatim sumpta: modo de ejusdem valore pauca dicamus. Ad componendas, dirimendasque lites ad duos Julios posterioribus temporibus redactam fuisse, norunt omnes. Verum, rectene factum id fuerit, inquirendum. Si chartas perpendamus, nil certi ex iis erui poterit. Duo tamen habemus, quae lucis aliquid tenebricosis huius difficultatibus adferre poterunt. In Testamento (a) Lamberti de Polenta, confecto anno 1316. die decima octava Junii in Villa Alsuræ districtus Rav. in Domo, seu tumba dicti Dom. Lamberti, posita in dicta Villa, praesentibus Dom. Presb. Filippo Rectore Ecclesiae S. Sixti de Santerno, Magistro Pellegrino Medico, Magistro Franciscino de Imola Medico, Magistro Compagno de Ferrara Medico, Cambio de Artusinis Not. Dominico Bonetti, Bletta de Ugulis, Mezzofilio Philippo de Ferrara, & aliis testibus ad haec vocatis, & rogatis a dicto Testatore: haec habentur: Item reliquit de aliis suis bonis egregiae Dominae Juliae Marchisoni Estensi Uxori suae duo mille lib. Rav. sive mille florenos auri, quos confessus fuit idem Dom. Lambertus ab ipsa habuisse in dotem tempore contracti Matrimonii. Subscribit quidam Guido Ravaldis Rav. Imp. auctoritate Notarius. Librae igitur duae Ravennates saeculo XIV. unum florenum auri aequabant: ex quo inferri potest earum unam duos Julios currentes parum excessisse.

M

V.

(a) Ex Archivo Canonico Later. S. Mariae in Portu cap. A. num. 102.

Quod ad alterum testimonium pertinet, ex eodem Legum municipalium Codice liquet singulas libras viginti soldis constasse. En ejus verba lib. 1. Rub. *de Sallariis Advocatorum, & Procuratorum, & solutionibus Notariorum.* = Statuimus, & ordinamus, quod super quacumque causa, que ventillabitur in foro civili civitatis R. possit Advocatus assensus pro suo patrocinio, & salario petere, vel habere de questione, vel causa, que sit quantitas vigintiquinque librarum infra viginti soldos, & procurator decem. Ex vigintiquinque libris supra usque ad quinquaginta inclusive advocatus habeat quadraginta soldos, & procurator viginti. Et a quinquaginta libris supra usque ad centum inclusive Advocatus habeat tres libras, & procurator triginta soldos. Ex centum libris supra Advocatus habeat pro primo centenario tres libras, ut dictum est, & procurator triginta soldos. Et pro omni libra ab inde supra, quantacumque fuerit quantitas, habeat Advocatus sex denarios, & procurator tres.

VI.

HUNC tamen Ravennatis Libræ valorem pro temporum ratione, locorumque varietate immutatum esse docent, quæ ex libris, ut vocant *Reformationum Civitatis Eugubii*, in secretiori Archivo existentibus, nobiscum communicavit præstantissimus, atque eruditissimus Abbas Josephus Garampus Ariminensis. In laudato autem libro habetur, statutum fuisse Anno 1338. die 17. Februarii quod in omni solutione, in qua Florensi auri intrarent, seu quod possent intrare, Florenus debeat dari, solvi, & recipi pro quinquaginta Sold. Ravenn. Quam quidem pecuniam per id tempus plurimi factam fuisse indicant, quæ anno 1327. die 4. Feb. ibidem sancita sunt. Quod nempe in nullis mercationibus possit dari pro pagamento moneta Esculana, vel Marchionalis, cum sit mala moneta, & quia figuram habeat Ravennatis, & in substantia, & veritate non valeat dimidium, & sic tamquam deceptiva moneta, & fallax non currat. Libram vero nostram Perusina duplam fuisse inde colligitur, quod, ut supra notatum est, binæ Ravennates Libræ unum Florenum æquant, ad
cum

RAVENNATIBUS. 91

eum vero constituendum quatuor Perusinae Libræ requirentur. En verba quæ paullo post sequuntur : *Item quod omnis moneta debeat ponderari aurea, & argentea ad pondera Perusina, & debeat currere, & valere prout ibi currit & valet. Videlicet Vulterranus XX. den. parvos Perusinos, Populinus XXX. Guelfus tres soldos, Anconitanus XLV. den. Florenus vero aureus IV. Libras, & XII. Den. dicte monete Perusine parve.*

VII.

SED de *Solidis* ipsis, ac *Denariis* quid dicendum? Res quidem tenebris obducitur; non ita tamen, ut lux nulla prorsus affulgeat. Solidos duodecim denariis constasse, proindeque duodecim Denarios unum solidum æquasse, ostendunt ea, quæ produximus, quum de Ravennatis Libræ origine ageremus : *persolvat lib. unam Rav. pro denariorum solidis sexaginta, & pro unoquoque solido ana denarios duodecim.* Ad quæ verba advertere oportet, quod tradit Ducangius in Glossario ad Scriptores Mediæ, & infimæ Latinitatis, vocem nempe *Denarii* adhibitam fuisse tum pro nummo cuso duodecim nummulis constante, quem solidum dicebant, tum pro ipso nummulo, qui duodecimam Solidi partem constituebat: usu vero factum esse, ut majores nummi *Solidi*, minores vero *Denarii* adpellari solerent. De denariis etiam posteriori hoc sensu intellectis eruitur ex Protocoll. xxxiv. Arch. Archiep. p. 554 (a) ab anno 1468. ad 1487. eorum duodeviginti æquasse *bajocchos* tres; ab anno autem 1488. ad 1517. quod per integrum annum 1535. etiam contigit, *bajocchum* unum.

VIII.

INQUIRENDUM modo superest, quomodo argentei nummi ab æreis in chartis, ceterisque ejusmodi monumentis secerandi sint, quum id minime declarent. Hæc mihi constans opinio est, quum de *Ravignanis grossis, ac parvis* absolute loquuntur chartæ, argenteam pecuniam intelligi; quum vero de solidis ac denariis, eorumque libra mentio habetur,

M 2 num.

(a) Id nobis indicavit Advocatus Petrus Pasolinus, Patricius Ravennas, ac Provicarius Generalis, cui nonnulla alia debemus.

nummos ex ære conflatos innui. Argentiam monetam ex Archiepiscoporum officina prodiisse docent, quæ diximus, ac nummi quos supra retulimus: eam vero per *grossos*, ac *parvos* designari colligitur ex vetusto Legum Municipalium codice laudata Rubrica V. ubi hæc habentur. *Et qui eam (pecuniam) recusaverit, condemnatur pro quolibet denario grosso in quinque solidis R. pro quolibet denario parvo in duodecim denariis.* Ubi vides *grossos* a solidis, ac *parvos* a denariis absolute dictis longe differre. Hoc autem discrimen vario metallorum generi, quo per ea tempora in signandis nummis utebantur Ravennates, tantum tribuendum videtur. Certe ex nummulo eo sub Venetis percusso, *denarios parvos* argenteos fuisse inferri potest. Confirmantur hæc omnia exemplo aliarum urbium, quarum nummi majores, *grossi* etiam dicti, ac *parvi*, argentei esse solebant. Qui plura cupit, consulat ea, quæ de Nummis Patriarcharum Aquilejensium disserit V. Cl. Bernardus de Rubeis, quæque de *grossis* Venetis, Veronensibus, & Tridentinis, de *Re nummaria Patavinorum* agens colligit doctissimus Brunatius.

I X.

QUÆRI tandem posset, cur superioribus temporibus merces, ut agri, ædes, vestes &c. paucarum librarum, solidorum, aut nummorum Ravennatum pretio venderentur, nunc vero longe majore ad id pecunia opus sit. Verum huic difficultati satisfacit laudatus Bernardus de Rubeis p. 55. inquiens: *causæ plures adduci possent; ac primo ipsa denariorum conditio, qui sive pondus, sive notam spectemus, deteriores ex officinis monetariis prodire. Adde immanem auri, argentique vim advectam in Europam, ex quo tempore detectæ sunt Indiæ Occidentales: inde namque factum, ut passim vili pendi pretio pretiosa metalla cæperint. Sed neque præteriri debet invecit luxur ratio, sive qui ad victum spectat, sive qui ad vestitum, aliasque hominum aut necessitates, aut voluptates. Aliæ demum sunt causæ, quæ reperi ex variis rerum, temporumque circumstantiis possunt: neque diligentius eas expendere nostra inter negotia est.* Dixi de eo pecuniæ genere, quæ apud nos conflata est: age nunc de extera quoque pauca dicamus.

CA.

CAPUT SEXTUM.

De nonnullis exteris nummis, quibus post sæculum Christi x. ad sæculum xvi. Ravennates usi sunt.

I.

UT prætereamus *Solidos* auri, & *Mancosos*, quorum jam inde a sæculo Ch. VI. in Papyris ad Ravennam pertinentibus habetur mentio, ut erudite in Italicis Antiquitatibus Medii Ævi advertit Muratorius, præterque *Libras auri*, & *auri colli*, quæ in chartis, ac codicibus vetustissimis memorantur, ut docet idem Auctor, utque videre est in hoc Archiepiscoporum Chartophylacio, unde pleraque monumenta rem nostram illustrantia desumimus; primi anno 1030. occurrunt *Denarii unius Crucis*, sic dicti a signo, quod præferebant, his verbis: (a) *Gebeardo* (b) *Arch. anno Dom. propitio Pontificat. Dom. Pth.* (c) *Sum Pontificis, & universalis Pape in Apostolica Sacratissima beat. Petri sede sexto*, sicque imperante dom. Chonrado in Italia anno quarto die nono..... *Ind. terciadecima..... vobis vestrisque successoribus vel Sancte vestre Rav. Eccl. actoribus singulis quibusque annis in Mense Martii vel infra Ind. denarios quindecim de denariis unius crucis inferre debeamus,*

II.

SUCCEDUNT *denarii Papienses*, quos sic refert charta anno 1039. Ravennæ conscripta (d): *Denarios quadraginta de denariis Papiensium pensionem singulis quibusque indictionibus Sancte vestre Rav. Eccl. inferre debeamus.* Papiam autem, sive Ticinum jam inde ab iis temporibus, quibus Gothorum Reges eam Urbem incolere, atque amplificare cœperunt, pecuniam

(a) Capf. E. 1799. (b) Integra charta legi haud potuit.

(c) Intellige Joannem XIX. & Conradum II.

(d) Capf. E. num. 1838.

cuniam signasse, docet præter cætera Baduilæ nummus, de quo supra disseruimus.

III.

DE Bizantiis quoque, & aureis loquitur charta (a), scripta anno ab Incarnatione Domini nostri Jesu Christi mill. cent. septuagesimo septimo de mense Novembri, octavo die, intrante indic. X. donno Alexandro Papa (b) Eccl. Dei..... Friderico romanor. imperatore regnante. Girardus (c) servus servorum Dei divina gratia sancte ravennat Eccl. Archiepiscopus, & ejusdem civitatis exarchus &c. sub statuta pensione de prefata mase solid. viginti, & per unumquemque solidum denarios XXXVI. & pro fundo papiriano bizanzium unum, & tertiam partem unius bizanxi, & pro fundo fabiani binos aureos &c. In altera Charta ad annum 1058. referenda hæc moneta pariter indicatur. (d) Anno Deo propitio..... Summi Pontificis, & universalis Pape in Apostolica Beati Petri sede primo, die secundo, Mensis Marcii Ind. XI. Rav. &c. Archiepiscopo Sancte Rav. Eccl. vel suis Successoribus, aut illorum nunciis reddiderint, vel persolverint predicto Jobanni de Alberto, & sue Coniugi, vel illorum filiis, aut nepotibus debitum, quod est centum & decem libras de denariis veneticorum, & bisantios decem.

I V.

VERUM de nulla pecunia frequentius sermo instituitur in Ravennatibus monumentis, quam de Lucensi, ac Veneta. De utraque nunc differendum. In tabulis Gualterii Archiepiscopi de Cavalcaconte Comite de Castro Britonorio (e) libram Denariorum Lucensium, cui *Marabotini* adduntur, sic anno 1130. invenias: Pro ea quod centum libras bonorum denario-

(a) ibidem n. 1730. (b) Intelligendus Alexander III. & Fridericus Enobarbus Conradi III. Patruus.

(c) Gerardus hic circa ann. 1170. Archiepiscopus renunciatus, Alexandro III. numquam non adhæsit: cujus Pontificis binæ ad eum Literæ adhuc existant. (d) De Nicolao II. loquitur charta.

(e) Capf. B. n. 38r. Vide etiam Muratorium Diss. Ital. Tom. I. p. 633. & Tom. II. p. 1248. ubi idem Archiepiscopus laudato anno concedit jure Feudi nonnulla bona cuidam Mazziacani, qui solvere debeat Denariorum Lucensium viginti Libras.

mariorum Lucensium nobis tribuis coram subscriptis personis..... & pro eo quod multum mihi, & successoribus meis servire promittis, & precibus suorum militum, & nostrorum fidelium, remittimus tibi terciam partem de pensione, quam Antecessores tui nostro Archiepiscopatu reddere solent, & in festivitate S. Apollinaris octo Maraborinos dare pro pensione nobis promittis -- tunc dare, & componere promittit pars parti servanti fidem legitime boni auri libras sex &c. Denarii Lucenses infortiati visuntur pariter in tabulis ad annum 1141. spectantibus hoc pacto: (a) Anno ab Incarnatione Domini MLI cent. quadragesimo primo, die primo Decemb. Indict. quarta argente. Gualterius (b) Archiepiscopus S. R. Eccl. debeat pro eo dare libras quadraginta quinque Den. Lucen Infortiatorum. Subscribit quidam Ugo Tabellio, & Notarius. Libra Lucensis quoque sic memoratur in testamento Johannis Ducis (c) obsignato. In nomine Domini anno ab Incarnatione ejus mill. centes. septuagesimo octavo, die nono decimo mensis septemb. Ind. undecima Ravenna &c. Relinquo ad dandum, & distribuendum post meum obitum pro anima mea de meis bonis ducentas libras Luc. & tertiam, quam inferius designavero: & pro predictis ducentis libris inveniendis habeant jam dicti fidei commissarii mei plenam potestatem &c. Ego Milanensis Rav. Tabellio scripsi &c. Solidos autem Lucenses videas in charta quadam (d) ad Bagnolum, Castrum Ecclesiæ Ravennatis pertinente sub Gubernatore Teodorani, per hæc verba: Anno millesimo centesimo octuagesimo, tempore Alexandri Pape, & Federici Imperatoris die septimo decimo..... Ind. XIII. in Bagnolo &c. Liceat vobis riturare, sine visione nostra, nostrum missum cum onore suscipere debeatis sine fraude, & omni anno in Natale dare debeatis fucacias duas, & galinam unam, & non vendere, nec donare, nisi inter vos, aut in Monasterio nostro, pro eo inde accipere C† denariorum Lucensium solidos quatuor. Scripsit Cal-

VUS

- (a) Capf. L. n. 1448. (b) Gualterius hic, qui & Valterius in Tabulis dicitur, anno 1119. cunctis Clericorum suffragiis Archiepiscopus factus est. Obiit ann. 1144. postquam XXV. annos Ravennatem Ecclesiam rexisset. Præclara de illo narrant Rubens, Fabrius, atque Ughell. (c) Capf. B. num. 318. (d) Capf. A. num. 44. Innuitur autem Alexander III. & Fridericus, de quibus paullo ante locuti sumus.

vus Tabellio. Denarios tandem Lucanorum cernimus in tabulis (a) anno 1156. his verbis: *sub statuta pensione denariorum Lucanorum quatuor*: Libram vero eorundem in Diacepto vetustissimo Classis p. 177. per acta D. Bernardini de Bossis Not. Rav. Ann. MCCCCLXXXIII. Ind. I. die XXVI. Julii. *In centum annos renovandum pro tribus Libr. Lucanorum veterum*. Quid autem per libram Lucanorum veterum intelligeretur, exponitur in *Diacepto* ann. 1617. Ind. xv. 28. Julii pag. 42. per acta Alberti de Gambis hoc pacto: *pensionis nomine unum sextarium fabarum, & tempore renovationis Libras tres Lucanorum, quæ pro vera intelligentia dictæ monetæ pro qualibet libra intelligitur florenus auri, qui tunc valebat solidos triginta duos*. Idem etiam declaratum fuerat in *Diacepto* novo Classis de anno 1544. Ind. II. die II. Mensis Maii per acta Dom. Hieronymi a Portu, cujus verba omittimus, ne recoctam crambem exhibeamus.

V.

Ad Venetam pecuniam nunc gradum facio. Eam jam inde ab anno 1058. Ravennæ adhibitam fuisse vidimus, ubi de Bisantiis ageremus: quod anno etiam 1079. factum fuisse docent excerpta ex Archivo Portuensi, Capsa prima, quæ *diversorum Instrumentorum* inscribitur per hæc verba: *In nomine Patris, & Filii, & Spiritus Sancti Regnante Henrico Imp. Filio q. Henrici Imp. anno 23. sub anno dominice Incarnationis 1079. Ind. II. Rav. P. Martinus Abbas S. Marie & S. Andree in Insula Sarra dedit jure pacti Dominico Monacho, qui vocabatur de Brusco nomine Mon. S. Marie de Pomposa quinque Tornat. terreq. territorii Rav. plebe S. Petri intra silvam cum pensione annua duor. Denar. Venet. Joannes Rav. Tab. Dominicus Monachus subscripsit*. Post hunc annum autem vix credas, quam frequenter ejusmodi denarii occurrant. De Solidis Venetis vero hæc invenias in Tabulis (b) Gualterii Archiepiscopi, Abbatem Monasterii S. Petri in Vinculis respicientibus anno 1122. *donec vero divinitas in ac luce jusserit permanere, sub statuta pensione Denariorum veneticorum solidos duodecim Venet. singulis quibus-*

(a) Capf. G. num. 2675.

(b) Capf. A. num. 367.

busque Indictionibus actoribus S. nostre Rav. Ecclesie solvere debeatis. Sic pariter indicantur in charta (a) scripta per Calvum Rav. Tabell. Anno Domini millesimo centesimo trigesimo octavo, tempore Innocentii Pape, die quartodecimo mensis Julii Ind. I. ubi hæc habentur. Non liceat nobis riturare, neque vendemiare sine visione vestra, vestrum missum cum onore suscipere debeamus sine fraude, pro eo inde acceptare denariorum Venetorum solidos viginti. Demum Ducati Veneti aurei cernuntur in tabulis (b) anno 1439. confectis sedente Eugenio IV. ubi etiam quantum valerent exponitur: Damianus filius quondam Magistri Sanctis de Panobis de Bagnacavallo, capitanius habitator civitatis Ravenn. fuit confessus, & contentus habuisse, & recepit, ac sibi integre datos, solutos, & numeratos fuisse sine ulla diminutione, vel defectu aliquo a Magistro Guarnerio q. Magnifico de Cremona fornafario habitatore civitatis ravenn. ducatos quinquaginta venetos boni auri, & justis ponderis ad rationem solidorum quadraginta septem Ravennatum pro quolibet Ducato. Exstat quoque apud Carolum Rasponium Patricium Ravennatem Instrumenti cujusdam exemplum autenticum, quod servabatur olim penes Hieronymum Rasponium, Prosperi, & Theisei, quos heic honoris causa nominamus, Proavum, quo anno mil. centeno, Ind. V. die II. mensis Maii, tempore Pontificatus Dom. D. Pasqualis divina providentia Pape secundi in Civitate Ravennæ, in Domo magnifici Dom. Francisci de Ferondis Equitis, & Senatoris Sancte Romane Eccl. presentibus Dom. Antonio de Patariis, & Dom. Nicholao de Traversariis, & Dom. Jacobo de Honestis — magnificis, & generosis Ostasius de Rasponis de Ravenna, Eques, & Senator Sancte Romane Eccl. fuit contentus, & confessus se habuisse, & accepisse, ac sibi integre datos, solutos, ac numeratos fuisse, traditos a Dom. Francisco de Ferondis dante, & solvente dotis nomine pro dote Dom. Corneliæ ejus filie, ipsi Dom. Ostasio de Rasponis matrimonio copulate &c. ducatos trecentos aureos. Ducatos autem ejusmodi absolute dictos a Venetis minime discrepare arbitramur.

N

VI.

(a) Ibidem num. 47. atque Innocentius II. heic intelligendus.

(b) Capl. Q. num. 889.

PRÆTER relata nummorum genera, libræ, solidi, ac denarii Imperiales passim offenduntur. In tabulis Gerardi (a) Archiepiscopi de *Gandulfino*, & *Guidone* fratribus &c. anno 1182. a Nigro Tabellione Plebis S. Mariæ in Portu exaratis, habemus: *Sub statuta pensione omni anno dare debeamus Imperialem unum, & predictam rem cultare*. In mutuo quodam Willelmi Archiep. (b) anno 1194. die quinto exeunte mensis Aprilis Ind. duodecima Rav. a Ravenna Tabellione in tabulas relato, hæc continentur: *pro eo quia dedistis, & mutuastis nobis quadraginta, & unam Libr. Imperialium, & octo solidos — sub pena sex libr. Imperialium*. In locatione cujusdam Vallis, quam Symeon Dei gratia (c) Sanctæ Rav. Eccl. Archiep. concedit Amolo pro se suisque liberis, hæc de libra Imperialium, cum qua Bononiensis Libra conjungitur indicantur: *pro eo quia das nobis inde centum libras Bon. unde promissimus pro nobis, nostrisque Successoribus in dicta Ecclesia nobis succedentibus dictas res a nobis tibi concessas ab omni persona hominum auctoritare, ac defendere tibi predicto Amaldulo, tuisque liberis, & heredibus; hinc ad supradictum terminum sub pena XX. Lib. Imp. Et ego Johannes Drvin. G. Sanctæ Rav. Eccl. & publi. Portus Tabellio &c. Integræ tandem chartam vulgabimus (d) ad annum 1217. referendam, in qua non de Solidis Imperialibus tantum, sed de nonnullis ad Archiepiscopatum pertinentibus scitu dignis differimus. In nomine Domini anno ab ejus nativitate MCCXVII. XVIII. Kal. Madii Ind. V. Tempore Honorii P. P. Argente sub porticu domus curie extra Castrum, in presentia Presbiteri Albertii Card. Presbiteri Amati Cant. Presb. Boni, Presb. Andree Capellanorum Dom. Symeonis Raven. Electi (e), Presb. Benvenuti de Argenta, Dom. Bonfilii, Dom. Misii Judicis, & majoris partis hominum Argente. Dom. Arcon. juravit fidelitatem Dom. Symeoni Raven. Electo, & Eccl. Raven. ac suis successoribus catholicis Fidelitatis capitulis diligenter expressis,*

ed

(a) B. num. 311. (b) Capf. G. num. 2523.

(c) Capf. L. num. 4853. (d) Ibidem num. 4790. Hic annus primus Honorii III. indicatur. (e) Symeonis Cerriensis antea Antistitis primus itidem hic annus erat.

et idem dictus Dominus electus, investivit eundem Arconem de Vicecomitatu Argente, & toto suo districtu, & comitatu ad suam, & ipsius voluntatem, ac Successorum ejus, constituens sibi pro suo beneficio, & feudo certos redditus, quos diligenter duxit exprimendos. Ista sunt que percipere debet Vicecomes Argente. Primo duo paria pannorum debet habere a Curia in anno a scarlato inferiori, quæ magis voluerit, yemalia scilicet, & estivalia, & potest tenere tres equos suos sub expensis Curie, qui si morentur de dextrario, habebit Mda. XX. lib. Imperiali: de Palafreno, & Ronizino quod iusta estimatione valuerint. Et potest tenere tres suos servientes passos, & indutos expensis Curie, & debet habere tertiam partem honorum omnium, & placitorum, & malefactorum. De collecta Portus debet habere viginti Solidos Imperial. ab ipsis hominibus. De aliis terris debet habere de quolibet soldo denarium, excepto decimato Marmore, in quo percipiat secundum quod est antiquitus consuetum, & hoc ad voluntatem Dom. Archiepiscopi. Hanc autem Balivam recipit dictus Vicecomes ad suam voluntatem retinendam, & dimittendam, & ad voluntatem Dom. Archiepiscopi, sicut superius dictum est. Ad que omnia presens ego Johannes Tabeilius, & S. Rav. Eccl. Notarius, ut audiui, & intellexi, scripsi, & in publicam formam redegi.

VII.

ADDUNTUR Imperialibus Marchæ, & Floreni. De utrisque passim mentio fit apud Rubeum. Nos tamen morem nostrum secuti ea tantum attingemus, quæ in chartis cernimus. De prioribus hæc recitantur in Charta Tabularii Estensis apud Muratorium (a) quæ continet Capitula pacis initæ inter Civitates Ferrariæ, & Ravennæ anno 1200. *Et nec aliud debent Ferrarienses dare Ravennatibus pro Datio Salis, nisi tantum tres soldos parvorum pro centenario Salis, & duos Ravennanos pro urbibus. Et quecumque pars hunc finem, & pacem, & promissionem, secundum quod dictum est non observaverit, det observanti nomine pene quinque millia marchas*

N 2

argen-

(a) Antiq. Ital. Tom IV. pag. 373.

argenti &c. In aliis tabulis anno 1221. (a) a Joanne Redulfi Forl. exaratis, quibus Federicus Dei gratia Rom. Rex confirmat permutationem quamdam Merchoaldi Dapiferi cum Comite Uberto, legitur. *Imposuimus vobis bannum quingentarum marcharum argenti; medietatem autem banni camere mee, & aliam medietatem ipsi Comiti volumus persolvere.* In charta pariter impositionis Procuracionum pro Johanne Episcopo Esino Apostolico Nuncio distribuendarum inter Ecclesias, & Dioceses Ravennatem. Bononien. Reginen. & Mutinen. confecta anno 1291. hæc inveniuntur (b): *Quia igitur pro procuracione predicta quindecim marchas boni argenti, seu octuaginta unum florenos auri juxta quantitatem procuracionis ipsius nobis per sedem Apostolicam deputare pro sex diebus predictis, quibus &c. Vides heic marchas quindecim argenti, unum & octuaginta florenos auri sub finem sæculi decimi tertii æquasse. Nec reticendæ hoc loco sunt tabulæ, quæ exstant apud Sigismundum Comitem Brandolinum, Patricium Foroliviensem, a Thomasio quondam ser Francisci de Cesena Notario confecta, quibus anno 1394. Ind. 2. die 26. Aprilis in Castro Aquiliani Ecclesiæ Ravennatis, diocesis Britinorienfis, Barnabas a Leoneffa Canonicus, & Cardinalis Connati, tunc temporis laudatæ Ecclesiæ Administratoris, Vicarius generalis, eodem mandante in Emphyteusim concedit Dom. Malatestæ Nicolai Filio, Ramberti nepoti, Castrum Val dipondi cum aliis nonnullis, quæ ibi declarantur. Præter cetera autem hæc de marchis argenti leguntur: *Promisit Dominus Malatesta per se suosque filios, & nepotes dicto Dom. Vicecomiti recipienti in nomine dicti Dom. Administratoris Ecclesiæ Raven. attendere, & observare, non officere, vel venire per se, vel per alios aliqua ratione, vel causa, de jure, vel de facto sub pena promissa quingentarum marcharum argenti. Verum hæc sufficiant.**

VIII.

(a) Capf. H. num. 3343. Vides Fridericum II. qui eodem tempore ac Otho IV. regnavit.

(b) Capf. N. num. 6479.

VIII.

DE Florenis vero hæc paucis habeto: (a) Anno Domini Nativitatis millesimo ducentesimo octuagesimo sexto, die tertio decimo mense Junio in Bononia in domo Domini Lamberti &c. Ugerius de Codonio Notarius Familiaris Venerabilis Dom. Bonifacii Dei gratia Sanctæ Ravennatis Eccl. Archiep. & nomine ipsius Dom. Archiepiscopi centum florenos aureos persolvit pro restitutione centum florenorum aureorum, quos mutuaverit in aula romana, & fuit confessus, & manifestus ipse Dom. Girardinus habuisse, & recepisse ab ipso Ugerio dante, & solvente nomine prefati Dom. Archiepiscopi nonaginta florenos aureos, bonos, & legales pro restitutione nonaginta florenorum aureorum, quos Dom. Franciscus Siccus mutuaverat in curia Romana prefato Dom. Archiepiscopo. Exprimitur vero ejusmodi florenorum valor in charta appellationis (b) Cleri Ravennaten. super distributione cuiusdam collectæ, impostæ per Nicholaum Episcopum Ostiensem Legatum Apostolicum in Consistorio Palatii Archiepiscopalis Ravennæ, anno Domini 1304. die 28. Jovis mensis Maii, Ind. II. per acta Ostasii de Artusinis de Ravenna Sacræ Ravennatis Ecclesiæ Notarii his verbis: & quia floreni aurei valent longe ultra, quam valere consueverint pro XXV. solidis, & pro triginta solidis Ravignanis, ac plus tempore collectarum procuratorum aliorum Legatorum Apostolicæ Sedis, & nunc valent XL. solidis Ravignanis, & ultra, & pro quadraginta solidis communiter expendantur &c.

IX.

POSTREMI inter exteras pecunias accedant *Ferrarini*, *Aquilini*, ac *Bononini*, quorum posteriores jam inde a sæculo Ch. decimo tertio in urbem fuisse receptos liquet ex eorum temporum monumentis. Ferrarinos in veteres, ac novos divisos fuisse nemini dubium esse potest. De Ferrarinis novis, deque solidis Ferrarinorum sæpe mentio occurrit in *Diacepro A mensæ Archiepiscopalis Ravennæ*, quod in Ferrariensi Archi-

(a) Capf. A. num. 237.

(b) Capf. N. num. 6779.

Archivo servatur. De veteribus autem in charta (a) per Bartholameum filium quondam Ser Bon de Ceneta conscripta anno Domini millesimo trecent. octuagesimo Ind. quarta, die quarta decima mensis Marcii super plateam Magnam Ferrarie &c. qua nobilis Vir Nicolaus natus nobilis Viri Gerardi de Prata, Reodisimi in Christo Patris, & Dom. Dom. Pilei miseratione divina tituli S. Praxedis Presbyteri Cardinalis, & Administratoris S. Eccl. Rav. Vicecomes, & Officialis generalis, ut patet publico Instrumento scripto manu Ser Neris quondam Gerii de Rogeriis de Pissis, fuit contentus, & confessus se habuisse, & recipisse a Bonfracello de Perondellis de Ferraria unum Ferrarinum veterem pro pensione suorum bonorum, que tenet ab Ecclesia Rav. in fundo Mansi Taurelli cum hac protestatione, quod per hanc receptionem non intendit prejudicare alicui juri Eccl. Raven. si dicta bona aliter essent recaduta, aut propter aliquam aliam rationem, vel causam &c. Ex Ferrarinis autem Libram Ferrarinorum constatam fuisse ex chartis liquido apparet. In Domini cuiusdam Tabulis a Filippo Fontana Archiepiscopo tributis anno 1254. die 7. Januarii (b) hæc de ea habentur. Vosque supradicti, Filii, & Nepotes vestri sub statuta pensione trium ferrarinorum daturi eritis nostre Sancte Eccl. nomine pene centum libras ferrarinorum. In aliis pariter Tabulis ejusdem Fontana ad laudatum annum pertinentibus, legimus: Quod si omnia non observaveritis, aut in aliqua de supradictis conditionibus extra agere audebitis, non solum cadatis, verum etiam daturi eritis Sancte Ravennaten. Eccl. ante omne litis initium, aut nomine pene quadraginta libras Ferrarie. Nil aliud de hac pecunia, deque Bononiensi addemus, quod de iis sufficere videantur, quæ hætenus disseruimus. Id tantum advertendum occurrit, utrasque recenferi in Charta nonnullas Investituras continente, anno 1360. scripta, ubi etiam discimus tres Aquilinos æstimatos fuisse quadraginta Ferrarinos. (c) Solvere debeatis quatuor Libras cere norve, & octuaginta ferrarinos ---- sex seldos bonon. deposuit penes Dominum Gerardum presbiterum Cathedralis Majoris Eccl. Fer duas libras

(a) Ibidem num. 7060. (b) Ex Libro Investiturarum ejusdem Chartofilacii. (c) Capf. Q. num. 8772.

libras cere, & tres Aquilinos pro solutione quadraginta Fecurinarum in altera parte.

X.

AT quid *Aquilini*? Eos sic adpellatos fuisse ab Aquilæ signo facile conjicitur. Aliquis tamen hoc nomen ab Aquila Urbe in Regno Neapolitano derivabit, quam a Joanna Regina cudendæ monetæ jus accepisse ex Berardino Cirillo docet Antonius Vergara (a). Verum tot fuerunt nummi, qui Aquilam exhibuerunt, ut res incerta omnino relinquatur. Nil ultra adjungimus, quod de iis erudite egerit Brunatius (b) alique: silentio etiam prætereuntes quicquid de Imperialibus, Maraborinis, Bizantiis, aliisque ejusmodi monetis dici poterat, ne rem, præceteris, a Ducangio, ac Muratorio præclare actam retexamus. Antequam vero manum de tabula, fatemur quidem per totam Dissertationem aliquando vocibus usos esse, quæ sæquioribus temporibus civitate donatæ sunt: id autem ideo fecimus, ne ab eruditorum sermone recederemus: malo enim, cum Lectoris studio sim obsecutus, desiderari ab eo in scriptis meis elegantiam, quam si non fecerim perspicuitatem, atque consuetudinem.

XI.

NE quid tandem rei huic nummariæ deesset, subjiciendum duximus valorem pecuniarum, qualis cernitur apud Rubeum Hist. Rav. p. 828. Illum autem ex *Diacepto Veteri Mensæ Archiepiscopalis* desumisse, verbis paullo immutatis, docet Index, quem eidem adjungimus, ut sic cum paucis iis, quæ nos ipsi in Dissertatione animadvertimus, conferatur, incrementi aliquid res tota accipiat.

Valor pecuniarum ex Rubeo

Byzantius valet duas partes florenti.

Uncia auri valet quinque florenos in argento, alias 8.

Libra ceræ valet secundum consuetudinem regionis.

Obolus auri valet sex toronenses argenti.

Milichinus valet sex toronenses argenti, alias unum florenum

Toronensis argenti valet 40. bonon. parvos

Soli-

(a) Monete del Regno di Napoli p. 59.

(b) De Re Nummaria Patavinorum p. 46. & 47.

Solidus Sequisfinorum valet duos solidos Imperialium.
Viginti Solidi Lucensium valent unum florenum.
Duo Solidi Papienses valent unum Turonensium argenti.
Libra auri valet 96 florenos auri.
Venen. de Roma, & Mansarutus de Alba valent unum florenum
XVIII. Solidi Imperialium valent unum florenum auri.
Libra argenti valet sex florenos, & duos quartarios auri.
Solidus auri valet medium florenum, & tertiam partem alterius.
XII. Turonenses valent unum florenum.
Marabotini, sive Marabatini qui sint, vide in c. cum olim
de privileg. & apud Ludovicum Gomes in commentario
in Regulas cancelleriæ, in fine.

Valor pecuniarum ex Diacept. Vet. Mensæ Archiep. Rav. p. 443.

Befancius valet duas partes unius floreni.
Uncia auri valet quinque florenos in argento, alias octo in auro.
Libra cere valet secundum cursum, & consuetudinem Regionis.
Obulus auri valet sex turonios argenti.
Maluchinus auri valet sex turonios argenti, alias unum florenum.
Unus solidus Segrusfinorum valet duos Solidos Imperialium.
Viginti Solidi Lucensium valent unum florenum auri.
Duo Solidi Papien. moneta valent unum coronensem argenti.
Libra auri valet nonaginta sex florenos auri.
Venenus de Roma, & Massamitus de Alba valent XII. So-
lidos dictarum monetarum, unum florenum.
Decem octo Solidi Imperialium valent unum florenum auri.
Libra argenti valet sex florenos, & tres quartarios auri.
Solidus auri valet medium florenum, & tertiam partem alterius.
Florenus auri valet XII. turonios, & medium argenti.

FINIS.



A P P E N D I X.

QUUM ad exitum properaret editio, traditæ sunt nobis ab humanissimo Viro D. Gabriele Maria Scarmaglio Monacho Casinate, atque ad D. Vitalis Ravennæ Priore, binæ *Bartholomæi Roverellæ* epistolæ, quæ in codice quodam litterarum *Hieronimi Aleotti*, *Abbatis olim SS. Floræ, & Lucillæ de Aretio* continentur, quasque non ita diu post cum Vita Auctoris, atque eruditis notis laudatus Scarmaglius est emissurus. Eas heic addere cum quatuor ipsius Aleotti epistolis ad Roverellam datis ab instituto meo haud alienum duxi, quum nonnulla ad præstantissimi Antistitis Historiam amplificandam inde colligi queant. Speramus autem fore, ut id consilii eruditis, quorum causâ labores omnes nostri suscepti fuere, probetur.

Reverendiss. Dom. Bart. Roverellæ, Tituli Sancti Clementis Presbytero Cardinali.

PRO maximis ad tuam Dom. delatis honoribus fatis mihi factum hætenus existimaveram, si meæ gratulationis mihi ipse conscius fierem, veritus ne si per litteras eam tibi, qua essem affectus, lætitiâ explicarem, in suspicionem venirem apud te captandæ gratiæ, aucupandæq. per gratulatorias litteras benevolentiæ. Itaque contentus tacita conscientia apud sodales duntaxat, & amicos illos, quibus cum quotidiana mihi est consuetudo, gaudia pectoris aperire contenderam, nunc bonitatem tuam repetens, nunc facilitatem in omnes, nunc officia in amicos, nunc agendarum prudentiam rerum, ut si multis hujusmodi Cardinibus Romanam Ecclesiam fulciri contingat, facile quidem, nulliusque negotii fuerit cunctos hostes humanitate, atque officio victos excludere. Nunc vero Nobilis vir Dom. Alexius, quem pro sua bonitate Patrem hujus patriæ nostri omnes existimant, cum multa per eos dies, quibus apud nos fuit, & apud plerosque alios, & apud me frequenter de tua Virtute dissereret, extorsit invito, ut contra consuetudinem, ac vetus institutum ego tantillus homuncio ad R. Dom. tuam auderem scribere. Satis

O

enim

enim mihi factum iri existimare debeo, si te admirari, si cum aliis meæ fortis hominibus verba de te facere datum sit. Arrogare autem mihi ipsi scribendi officium, ad tam excellentissimæ dignitatis virum, impudentis potius ac temerarii, quam civilis, & urbani hominis esse videbatur; sed in Alexium omnis hæc culpa referenda est, qui me subtimidum, & verecundum improbitate quadam impegit sua, uti procax, impudensque fiam ad te scribendo. Alexius igitur noster multas, easque veras cum Dom. tuæ tribuat laudes, illud in primis & prædicare de te, & admirari solet, iisdem te planissimis, & humanissimis moribus esse nunc amplissima dignitate auctum, quibus etiam privatum hominem fuisse meminimus: illustre profecto testimonium ingenui animi, & apertum veræ, atque innatæ nobilitatis inditium, nullis honoribus efferri, nulla dignitate insolescere, planum se cunctis facilemque præbere. Ea enim, cum Regum, & Principum sua, & propria virtus sit, quam Clementiam dicimus; majus aliquid de te portendit, & fervorum tuorum animos majora de te sperare hortatur, & jubet; quod uti Dom. tuam nulla ambitione cupere existimamus, ita quoque amici tui, qui Christianæ Reipublicæ vel reformandæ, vel conservandæ rationem habent, votis id omnibus concupiscunt; quamquam & in eo gradu, quem nunc tenes, non mediocriter Ecclesiæ utilitati consulere potes. Sed aliud est fungi hortatoris, ac supplicantis officio, aliud moderatoris, & aurigæ, cui libertas sit, & frenos comprimere, cum opus est, & habenas pro libitu relaxare. Verum ista arcano Dei nostri relinquamus consilio, sub cujus tutela Reverendiss. Dom. tuam dies, ac noctes incolumem, felicemque servari, & cupimus, & oramus.

Bartholomæus Cardinalis Ravennensis

Hieronymo Abbati Sanctæ Floræ.

Rever. Pater, Amice noster Charissime.

VIR optimus, ac nostri Amantissimus Alexius conterraneus tuus isthinc rediens a te litteras attulit, ex quibus eam delectationem, voluptatemque percepimus, quam
ex

ex amicorum, & eruditissimorum hominum scriptis percipere solemus. Ex tua enim Epistola, & tuus optimus erga nos animus, & tui ingenii præstantia, ac suavitas, magnaque humanitas, & eruditio cognosci, & judicari facillime potuit. Non erat autem quod verearis, nisi nobis per litteras fuisses, pro dignitate, quam essemus adepti, gratulaturus; neque id a te propterea factum putarem, quod gratiam captare, aut benevolentiam aucupari voluisses, cum opinio a nobis de tua singulari doctrina, & probitate jamdiu concepta, utramque multo antea conciliasset. Valet enim apud nos, quod apud plerosque homines, ingenii, ac virtutis opinio. Tua igitur vel taciturna ista, vel hæc non sera per litteras gratulatio, nobis gratissima, & jucundissima fuit. Alexio vero, quando, pro tua modestia, te ab eo dicis persuasum, debemus, & ut homini officioso gratias coram egimus; quod autem tam multa de nobis prædicavit, fecit pro sua humanitate, & mea mutua veteri familiaritate; & tu pro tua qui nobis non minora tuis litteris tribuisti. Utinam vestra, & cæterorum, qui idem sentiunt, opinione, ac judicio digni essemus. Enitemur tamen, ne quantacumque honorum accessio, ac dignitatis amplitudo ulla ex parte nos efferat; quoniam ita nati, ita educati, ac instituti sumus, ut in omnibus rebus, & quibuscumque actionibus nostris moderationem retinere cupiamus, ac intelligamus nullis fortunæ excessibus ab honestate, ac officio ~~recedendum; facta est quædam dignitatis mutatio,~~ idem semper animus remansit, & permanebit. Postremum in hac Epistola sit, ut nobis quocumque tempore pro tuo arbitrato, & judicio utaris. Utinam nostra auctoritas in his, quæ ad tua ornamenta, & commoda pertinuerint, voluntati par esse, & respondere possit. Tibi nostram operam, & studium pollicemur. Vale. Beneventi pridie Kal. Quintiles 1464.

*Reverendissimo Domino Bartholomæo Roverella
Cardinali Ravenn.*

SUPERIORE anno scripseram ad Reverendissimam Dom. Vestram per optimum, & generosum virum Dom. Alexium contreraneum meum. Evestigio multo etiam sænore ad me illa rescripsit cultissimas litteras, & multo splendore conspicias;

cuas; quibus etsi alias reddere ad agendas, ut par fuit, gratias summo studio desideravi, quia tamen fumus hoc loco importuoso, & tamquam inaccessiblei, ac pæne invio, caritate, ac penuria nunciorum paulatim intepuit, & refrixit is rescribendi ardor sensim ad ignaviam, socordiamque prolapsus. Nunc vero me præsentia ipsa Domini Alexii memorem reddit, & tamquam ad æs alienum dissolvendum instigat, ut fato quodam meo videatur obtingere, quo forte litteræ gratiores sint, per Alexium scribere, hominem Domin. vestræ mirabili affectu deditissimum. Quod igitur de me egregia quædam opinio pectus imbuat Reverendiss. Dom. Vestræ, & placet admodum, & grandis muneris loco esse debet. Sane illud molestum est, quod ea ipse in me non intelligo, neq. agnosco, quæ de me Reverendiss. Dom. Vestra videtur sentire. Insuper oblationes vestras ingenuas profecto, ac liberales toto amplector animo, & ago, quas valeo gratias. Mitto scripta quædam mea, res non usquequaque ferias, sed potius per jocum, risuque legendas. Nam si Democritus sensit, veritatem in puteo sic alto, ut nullus fundus sit, jacere demersam; & hoc de omnibus communiter rebus dixit; quid de futuris sentiendum, quorum solus Deus notitiam habet? leget igitur illa Reverendiss. Dom. vestra, risus, & solarii materiam captatura, meque novum prophetam, ut pollicita est, numero servorum suorum adjiciet.

Aretii die VII. Junii 1464.

*Reverendissimo Domino Bartholomæo Roverella
Cardinali Ravenn.*

CLARISSIMUS juris consultus, & equestris vir ordinis Dominus Bernardus Conterraneus meus, cum me officio Dom. vestræ impendio salutaverit, visus est ferme carbones ignis juxta divinas litteras congerere super caput meum; quid enim mihi gratius possit obtingere, quam in ejus principis versari memoria, qui tamquam sydus in Ecclesia Dei præfulgens, non modo dignitate amplissima, sed, quod majoris penditur, admirabilium quoque virtutum rutilo splendore coruscat? quod vero illustrius benevolentiae signum, quam

quam magnis in rebus, & arduis negotiis occupatissimam Dom. vestram vilis quoque vermiculi memorem esse? hac beneficii magnitudine ita vel facundiam, vel potius infantiam meam intelligo superari ut quibus verbis agendæ sint gratiæ Dominat. vestræ, reperire non valeam. Lætitia insuper immodica sum affectus, quod ab eodem Dom. Bernardo intellexi, Magistri Anselmi servitia haud quaquam ingrata existere Dominat. vestræ, hominemque vobis charum esse in primis. Quamobrem & sibi, & suis omnibus admodum gratulor. Complectitur amore suo Reverend. Dom. vestra nostræ Aretinæ patriæ homines, ut in dies singulos videre videor; quare si quem ego ex nostris dignum esse intelligam, qui ad gratiam vestram orrepat, ~~fidenter eundem~~ vobis commendare ausim, præcipue id postulantem, & ad vestra anhelantem servitia. Est juris Pontificii Doctor egregius Dominus Nicolaus de Catenaciis, trigesium annum agens, nec etiam juris civilis ignarus, bonarum insuper litterarum non expers, vir sedatissimo ingenio, & moribus potius Angelicis, quam humanis; Clericus est, & ad Sacerdotium, ut puto, adspirat; Si Rever. Dom. vestra opera illius indigeat, habebit in sua Curia virum, qui reliquæ familiæ vestræ totius humanitatis, ac facilitatis speculum sit futurus. Equidem tantas illius laudes non inculcarem auribus vestris, si existimarem posse aliquando mendacii, ac vanitatis argui. Dom. Bernardus noster ingenium hominis compertum habet, ab illo poterit ~~Dom. vestra de ipsius laudati doctrina~~, & moribus explorare. Quod ad me attinet, spero ~~propediem cernere~~, quod diu desideravi, videlicet Abbatiam hanc meam reformandam per Monachos S. Justinæ. Illos ego jam pridem lacessivi abnuentes, & causantes redditus non satis amplas ad observantiam Regularem; assensere tandem improbitate litterarum mearum defessi. Cedam igitur administrationi, reservato mihi Abbatis titulo cum aliqua pensione vel parva. Si Rever. Dom. vestra in Curia nunc ageret, res vestris gereretur auspiciis, nec ullus apud me resideret merus, seu dubitationis scrupulus, quo minus res ipsa pro voto conficeretur; Nunc vero per absentiam Dom. vestræ harpiarum voracitatem vereor, quæ apertis inhiant faucibus, terras, & maria voraturæ. Experiar tamen, & periclitabor amicorum vires, atque ingenium in Curia nunc agen-

agentium. Bene valeat Reverendiss. Dom. vestra, cui me commendando. Aretii die Octob. 1472.

Reverendiss. in Christo Patri, & Domino, Domno Bartholomæo S. Romanæ Ecclesiæ Tituli S. Clementis Presb. Cardin. Ravennati

Hieronymus Aretinus S. Floræ Abas S. D.

REGUM, ac Principum mensæ, quas per singulas coenas pretiosis instructas dapibus non ignoramus, interdum tamen lactucas cum aceto, interdum vilissima poma non respuunt. Hæc enim post epulas illata fastidium, & satietatem adimunt; illa superiora irritamenta sunt quædam appetitus, & gulæ; non absimiliter, qui vinis suavissimis sunt assueti, aliquando etiam videntur expetere illius generis vina, quæ acre quidam, & mordicum præferant. Cum igitur curiosa, & accurata diligentia Bibliothecam tibi confeceris optimis libris oppletam, in qua frequenter, tamquam in paradiso deliciarum summa cum voluptate versaris, si quando te suavissimorum ciborum satietas cæperit, hunc ego mearum Epistolarum codicem offero, veluti nuces, & agrestia quædam poma, quæ asperitate sua satietati epularum, ac fastidio mederi solent. Ea potissimum ratione inductus, quod primarios amicos meos, ad quos ipsæ diriguntur Epistolæ, charissimos quoque tibi, ac dilectissimos vel esse nunc qui superstites sunt, vel jam fuisse non dubito, qui diem suum obierunt. Non me clam est quanto amore, & studio complectebaris Bartholomæum Zabbarellam, Franciscum Coppinum, Alexium Aretinum, Leonardum Dathum, Poggium dictum Florentinum, Pium II. Pontificem Maximum, & plerosque alios, quorum nominibus ipsi mearum Epistolarum libri sunt refertissimi. Non igitur puto Dom. tuam inter legendum tot amicorum suorum memoriam, & recordationem sine aliqua voluptatis particula posse percurrere; nam ante hoc ferme biennium edidi mearum ineptiarum libros decem, non tam meo nutu, quam Reverendiss. Episcopi Forolivienfis impulsu, qui tum a Pontifice in nostram provinciam quæstor in Clericos delegatus extiterat. Itaque ne in meam Abbatiam inclementius defæviret, mos illi gerundus fuit, ut & ineptias meas invitus ederem illius jussu, quas omnino

nino delitescere omnino cupiebam, & ipsam editionem suo quoque inscriberem nomini. Addidi nuper & duos libros, ut qui semel impudentiæ fines transieram, gnaviter, & strenue impudens fierem, ut ille noster ante multa sæcula jocatus est. Ex his duodecim libris, quatuor nunc ad te mitto, reliquos octo, qui inter manus versantur librarii, non multo post demissurus, si tamen prima hæc degustatio non displicuerit. Accipies igitur, Clementissime princeps, agreste hoc nieum, & rusticarum munusculum, nec tam muneris ipsius exilitatem, atque inopiam metieris, quam prompti, & ardentis in te animi voluntatem. Valere Dom. tuam, & felicem esse multi percipimus. Aretii 14. Febr. 1474.

*Bartholomæus Cardinalis Ravennensis
Hieronymo Abbati S. Floræ S. D.*

R EDDIDIT nobis Bernardinus Aretinus litteras vestras simul & libellum epistolarum, quem nobis misistis. Magni fecimus semper doctrinam vestram, & cum id animi semper nobis fuerit, ut cupiamus novis doctorum operibus latinam linguam in dies magis illustrari, non potuimus non lætari vehementer, quum vidimus epistolas vestras collectas simul, & in volumen redactas. Magna enim est epistolarum utilitas, si tales sint, quæ legi mereantur: Nam illis continuo uti contingit, & quotidiano sermoni nulla magis lectio confert. Debemus vobis plurimum & nostra, & posterorum causa, ad quos non dubitamus, quin epistolæ vestræ perveniant, & in pretio futuræ sint: Sunt enim graves, doctæ, ~~temperatæ~~ eleganti stylo scriptæ, quales Ciceronis, Beati Hieronymi, & aliorum doctorum fuisse videmus. Hortamur, ut, quando vobis otium est, curetis reliquas pariter colligere, & prosequi inceptum opus. Ceterum res vestra, pro qua Bernardinum misistis, summa cum diligentia, & studio tentata fuit. Dicunt non posse eam nunc expediri: expectanda erit occasio. Nos erimus memores, & rem juvabimus, ne optimo desiderio vestro frustreremini. Bene valete. Romæ xi. Martii 1474.

Antequam finem Operi imponamus, monitum volumus Lectorem venisse nobis in manus superioribus diebus Librum, duobus Tomis distinctum, cui titulus *La Science des Medailles avec des Remarques* &c. quem tantum italice redditum sine
notis

notis videramus. In parte autem ipsius priore pag. 115. nonnulla invenimus, quibus ea, quæ de *Teja* nummo Cap. II. §. . notavimus confirmarentur. Ea heic subdere optimum visum est. „ Thejas fut le Successeur de Totila, & périt dans „ une bataille en 553. un an après son élection. Je ne crois „ pas qu'on ait vu jusqu'à présent de Médaille de ce Prince: car la Médaille d'argent où on lit dans une couronne „ DN THELA REX, que j'ai vue dans le Cabinet de M. „ l'Abbé de Rothelin, représente de l'autre côté la tête de „ l'Empereur Anastase, qui étoit mort 34. ans avant que „ Thejas montât sur le trône. „ Le Roi Théla de la Médaille de M. l'Abbé de Rothelin pourroit bien être le même que Jornandes (de Reb. „ Get. p. 142.) nommé Transila, père de ce Transaric qui „ fut chassé de Sirmium par les Troupes que Théodoric „ des Ostrogoths envoya d'Italie contre lui; car il paroît „ par le récit de Jornandes, que *Transila* avoit dû être „ Contemporain d'Anastase. “ Et pag. 330. hæc habet: „ J'ai déjà remarqué, qu'on ne trouvoit point de Médaille „ qui portât le nom de *Teias*, & que celles où on lit DN „ THELA REX, au revers d'Anastase, ne sçauroient appartenir au dernier des Rois Goths qui ont régné en Italie.

Absente Auctore, qui exscriptorem adhibuit haud omnino diligentem, nonnulli errores irrepererunt, quorum qui majoris sunt ponderis humanitati tuæ corrigendi proponuntur. Id vero monitum te volumus in Gregorii V. Diplomate ad Gerbertum, nescio quo fato, Orthographiam in nonnullis vocibus fuisse immutatam, quæ res quam nobis displicuerit, vix credas. Faveto igitur, ac vale.

Pag. 5. vers. 9. *sis referende* corr. *sint referende*. pag. 9. v. 27. *A.C.* corr. &c. pag. 10. v. 6. *Placide* corr. *Placidie*. pag. 13. v. 4. *Magon* corr. *Magno*. p. 15. v. ultim. de *Numism.* Col. p. m. 43. supp. Tom. I. pag. 22. in Nota (d) in nummo expresso corr. *expressa*. pag. 24. v. 16. *nullam vidimus nummorum* corr. *nummum*. pag. 29. v. 16. *sedem locavit* corr. *locavit*. pag. 40. v. 8. *Totiale*, *sive Baduale* corr. *Totile*, *sive Baduale*. pag. 64. v. 10. *quin Sanctæ Crucis Templum* corr. *quin memoratum ab Agnello Sanctæ Crucis Templum*. pag. 70. v. 6. *Maximo* corr. *Muxio*. ibidem *parvos* corr. *parvos*. pag. 93. v. 12. *Ptb.* corr. *Job*. pag. 96. v. 25. *Sarra* corr. *Serra*. pag. 69. v. 27. *ipsum* corr. *ipsius*. pag. 101. v. 24. *valent* corr. *valeant*. Ne quid dicamus de *Spanemio*, & *Casinasium Ordine* pro *Spanbemio*, & *Casinasium* pluries posito.



